











Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
1130/D





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
1120/D







AMERICA  
PARSEXTA.  
SIVE

HISTORIA AB HIERONYMO BEZON  
Mediolanense scripta, secundo tertia, res ne  
minus nobiles & admiratione plenas con  
tinet, quam praecedentes duae. In hac  
enim reperies, qua ratione Hispani opul  
entissimas illas Peruanorum regni provincias oc  
cuparint, capto Rege Atabaliba: deinde om  
nia inter ipsos Hispanos in eo regno civilia bella.

Additur est brevis de Fortunatis insulis Comen  
tarius in duo capita distinctus.

Item ad additiones ad singula Capita Histo  
riam illustrantes.

Accessit Peruanorum regni chorographica Tabula  
AD


INVICTIS RUDOLPH. II. ROM. IMP. AVG.

Omnia elegantibus figuris in aere incisae expressae  
Theodoro de Bry aedificatae autem Friscofano

A. M. D. XCVI.

Cum privilegio. S. C. M. G. 115







# TERTII LIBRI SUMMA ET ARGUMENTUM.



Hispani, subactis, aut certè tentatis, Indicarum continentis oris aliquot, Castella Aurea, Nova Hispania, Nicaragua, Jucatana, aliisque; quæ Septentrionem spectant; nunc quoque versas in austros provincias affectantes, Peruanum inprimis regnum ditissimum, Pizarro & Almagro ducibus occupant, & legitimo Rege præter fas interemto, in provinciæ formam redigunt. Mox inter eos, ubi hostis defuit, fœda de principatu coorta dissidia, bella civilia accendunt, ne sublati quidem partium ducibus extincta.

Interea gravi cum tyrannide servitus gliscit adversus Indos, cui tollendæ & simul componendis provinciæ motibus, mittitur à Cæsare unus & alter. Mota in utrumque contumaciter arma; sed in ultimum, Proregem videlicet, præcipuè ab omnibus ferè colonis sævitiâ Edictorum offensis, Gonzallo Pizarro duce, publicum bellum suscipitur. Prorex prælio victus interficitur. Cæsar quando vi aperta non processerat, astu rem aggrediendam ra-

A 2 tus,



tus, vulpem mittit in Indiam, Petrum Gascam. Is, precio & præmiorum spe plectis in se hostium ducibus ac copiis, Pizarrum viribus exutum & facile victum morte adficit, atque agrè compositis Peruanis rebus in Hispaniam revertitur.

His exactis, Benzo in describendam Peruanorum religionem, mores & instituta excurrit; docetque quàm Hispani non tantum de se, sed de omnibus quoque Christianis, opinionem apud eas gentes conciverint; Nimirum non esse homines ex hominum stirpe genitos, sed immanes quasdam beluas ex barbari elementi spuma concretas ad humani generis perniciem. Usque adeò barbariem inter barbaros ipsos exercuimus. Postremò librum suo ex India in patriam reditu claudit.

NOVÆ







NOVÆ NOVI ORBIS  
HISTORIÆ,

LIBER TERTIUS.

CAPUT I.

*Franciscus Pizarrus, Didacus Almagrus, & Fernandus Luques, inita societate, expeditionem in Peruanas regiones suscipiunt. Indi Pizarrum & Almagrum malè accipiunt. Illi tandem multos post labores in speratas opes incidunt.*



AM Franciscus Pizarrus, Didacus Almagrus, Fernandus Luques Sacerdos, Panamæ, certis partisque opibus fruebantur, quum pro certo accipiunt omnem illam oram Meridiem versus auro, argento, eranis & smaragdis abundare. Itaque tres istæ simul societatem ineunt, quumque inter eos re cõmuni consilio deliberata, sententia steterit, novas terras ire vestigatum, fide invicem accepta & data promittunt pro se quisque fidelem ad id operam collaturos: partasque opes, terras & gentes subactas, ex æquo inter se fraternè divisuros.

*Avaritia  
iniquas &  
medias in-  
ter opes  
inops.*

His ubi conditionibus res inter eos transacta est, naves, arma, commeatus, omnia classi ornanda necessaria comparant. Mox ducentis & viginti contractis militibus atque in naves impositis, Pizarrus & Almagrus Anno M D XXVI. paucis aliis post alium diebus Panamæ solvunt: Sacerdote ibi relicto, ut quæ ad expeditionem necesse essent, curaret. Pizarrus eâ orâ tercentum millium spacio per navigatâ, tandem littus tenens in terram egreditur. Ibi obviam Indi progressi ad littus, terræ aditu Hispanos prohibent, multisque interemtis, Pizarrum ipsum cum aliis aliquot, faucium prælio excedere cogunt. Ipse tam inauspicato principio deterritus, Panamam revertitur, jam suscepti consilii pœnitens. Diversa in parte Almagrus flumine adverso subiens, quod ipse S. Joannis nuncupavit, benignè ab indigenis exceptus est, & ab iis tria amplius aureorum Ducatorum millia dono data retulit. Inde ad mare secundo amne defluens, & oræ aliquantum prætervectus, in eundem fortè incurrit locum, ubi socium ejus malè acciprum fuisse diximus. Ergo Almagrum quoque ibi egressum Indi ferociter adorti, alterum ejus oculum lapide graviter feriunt, quem paulo post amisit: maximamque militum ejus partem fœdè trucidant. Itaque multis amissis Panamam quoque & ipse regredi cogitur.



POST QUAM eò pervenit, Pizarum ibi naetus, ei significat terram ab se detectam ditissimam auri esse. itaque sibi videri de integro instaurandam classem, & denuò ad eam subigendam eundem. Quare percuratis vulneribus, cum ducentis militibus, & multis Indicis mancipiis, duabus navibus, & lintribus aliquot patriis, quibus Indi singulis arboribus cavatis navigant, portu solvunt: quumque maximis laboribus per altum eandem illam, quam prius oram tenerent: non tamen eodem, quo primum loco, in littus egrediuntur. Indigenæ, quum gentem illam barbatam haud satis probam esse judicarent, strenuè in Hispanos impressionem faciunt, multisq; eorum casis, cæteros ad naves fundunt fugantque. Hispani appulsu littoris prohibiti in Gorgonem secedunt, perexiguam & desertam insulam, quæ lex tantum milliaria freto à continenti discreta est.

*Mira in  
Barbaris  
iudicii sa-  
gacitas, qui  
ignotos tam  
bene nos-  
sunt.*

IBI quum ea provincia potiri cuperent, propter ingens auri oblatum specimen, nec ad id perficiendum satis militum haberent, Almagrum ad supplementum arcessendum ire placuit. Ipse ejus rei causa Panamam regressus, quamquam paulò tardiùs ibi moratus, cum octoginta quinque Hispanis reversus est, & Pizarum cum omnibus suis propè exanimatum fame reperit. Mox tamen vino, pane biscocto aliisq; cibariis, quæ Panamâ subvecta erant, refectionis corporibus, inde solventes, viginti milia passuum longius appulsi, ingenti divitiarum spe in littus desiliunt. Sed vix egressi Indi lanceis faxisq; armati superveniunt, & in Hispanos animosè gradum inferentes, interemtis aliquot, cæteros è finibus suis arcent. Hispani rem haud satis obviam & paratam experti, in insulam desertam concedunt, quam quod galli gallinacci effigie promontorium haberet, insulam Galli nuncuparunt.

*Hispani  
militum vo-  
ta sua ex-  
ecratur.*

PIZARRUS ira & dolore in eam gentem incensus, ob tot interfectos ab ea milites, ulcisci suorum cadem cupiens, socium Panamam remittit, eiq; negotium dat, ut quam maximè multos milites contrahat & adducat. Parantem abire Almagrum plerique Hispani sequi volebant, suæ cupidini infensi, terramq; ipsam & speratas ejus divitias exsecrantes: sed quum illis duces ipsi potestatem abeundi, imò etiam scribendi ad suos, dare abnuerent, ne fortè adversam de ea ora spargerent famam & novum subsidium impedirent, remansere. Sed ne ita quidem fama cohiberi potuit, quo minus Hispanorum clades & miseriae vulgaret: scripsere nonnulli Hispani clanculum ad amicos de morte suorum, de laboribus intolerandis, ærumnisq; in quas incidissent: quam misero statu res essent, postremò de asperitate ipsius regionis: plurimum de Almagro & Pizarro querentes, quod plerique ipsorum morbis impliciti, quum Panamam ad curanda corpora regredi vellent, liberum com meatum ab iis impetrare non potuissent.

*Dura mili-  
tia, nisi  
quod inter  
omnia auri  
fames du-  
rissima est.*

FORTE paulò ante quàm Almagrus Panamam appelleret, ei provinciæ Petrus Flumineus (vulgò de los Rios) impositus fuerat. Is tali de Hispanis nuncio accepto, subito domesticum quendam suum ad insulam Galli expedire ire jubet, ac Pizarro edicere, gravi constitutâ pœnâ, ne quemquam Hispanum invitum ibi detineret. Pizarrus ex eo Gubernatoris mandato ingentem cepit dolorem: quum maxima pars Hispanorum, qui cum eo erant, insulâ excederet. Cæteris, qui remanserunt, (quatuordecim erant, omnes ferè sodales nautici) plurimas gratias agit, ac spe ingenti splendidisq; promissis onustos rogat, ut patienter durare aliquot dies vellent, donec Almagrus cum novo subsidio rediret. Ergo dies aliquot in insula tolerant, ostreis, cancris & piscibus vespentes, donec tandem ab Almagro navis comineatus subvehens venit: sed sine militum supplemento, propter improspèram famam, quæ de ea ora Panamæ increbuerat.

IN ea insula Pizarrus aliquamdiu moratus, & cum eo pauci illi, in summa rerum omnium



mnium angustia, sine ullâ auxilii spe, postquam diu multumq; inter se consultassent, quid factum esset opus, tandem communi consilio oram eam præterlegendam esse statuunt, si quæ fortè ipsis dives & prospera regio occurreret. Quingentum millium spatium emensi, quum Chiræ Peruani regni provinciæ littus tenerent: ibi exscensu in terram facto, pauca indigenarum pecora & Indos adolescentes aliquot excipiunt, qui linguam Hispanicam discerent.

INDE Tumbesiam regressi, de magnis videlicet ejus populi opibus ab Indis edocti, quum ad tentandum terræ aditum non satis animi Hispano cuiquam esset, propter ingentem Indorum multitudinem, qui per omne spatium littoris effusi conspiciebantur: Petrus quidam, Creta insula ortus, periculum ultro ipse facere statuit. Itaque machæra oblonga, ex iis, quæ ambabus manibus tractantur, armatus in littus egreditur, Non parum admirationis incussit indigenis barbari hominis tunc primum à se visi species: ille intrepidè per medios progressus, ab ejus ore Præfecto comiter & honorificè excipitur. Mox ab eo in turrim præfidiariam introductus, in qua templum Soli dicatum inerat, postquam id tantis opibus, quantas vix animo caperet, excultum ornatumq; conspexit, in admirationem adeo defixus stupefactusque hæsit, ut ea per somnium intueri se duntaxat crederet. Ad portam animalia quædam specie leonum & duos tigres, sed innoxios, reperit. Quumq; abeuntem aliquot aureis emblematis & monilibus Præfectus donare vellet, Cretensis velut talia aspernaretur, abnuuit, dissimulans se ea quærentem in eas terras venisse. Regressus ad navim, quæ & quanta viderit, refert.

*Avarus  
callide vi-  
tia sua dis-  
simulans.*

## CAPUT II.

*Pizarrus, missu sociorum, in Hispaniam ad impetrandam repertæ provinciæ subigendæ potestatem, navigat. Sibi soli impetrat. Almagrum abs se alienat. Mox reconciliati, tertium socium extrudunt.*

**I**N CREDIBILI gaudio Pizarrus perfructus, quod in tam divitem oram incurrisset, ex templo signo abeundi pronuntiato, in Panamam vela dat. Ibi sociis Chiræ felicitatem, & Tumbesiæ oræ divitias, aperit. Illi, quum superfundenti se selectitiæ, quantam vix animo caperent, temperare non possent: ambo, Almagrus videlicet, & Fernandus Luquez, Franciscum Pizarrum mittere in Hispaniam statuunt, qui à Cæsare Tumbesiæ subigendæ potestatem peteret. Verum pecunia imparati, consumptis videlicet in earum terrarum quæsitu fortunis omnibus, mille quingentos ducatos aureos ab amicis mutuos sumunt, & ad sumptus illi erogant. Pizarrus in Hispaniam appellit, Senatum Indicum adit: & oræ à se nuper repertæ indicem & relaxationem exhibet: simul sumptus à se in ea factos & labores exhaustos referens, atq; ingentes divitias regiæ Castellæ coronæ pollicitus, Tumbesiæ potiundæ facultatem, regimenq; sibi tantum postulat, nulla sociorum mentione addita. Quæcunque petierat, obtinet. itaque diplomate in eam rem à senatu scripto, à Cæsare confirmato, instructus contractis aliquot militibus è portu San-lucari de Barra-meda cum quatuor fratribus, Ferdinando, Gonsallo, Johanne Pizarro, & Martino de Alcantara, vela in altum facit.

*Pizarrus  
societatem  
frangit.*

Quum brevi secundo vento usus ad Nomen-Dei, atque inde Panamam pervenisset, magnificè à sociis exceptus est: sed mox, ut illi rescivere sibi tantum Pizarrum in Hispania negotiatum, suis privatis rebus, non communiter societati, prospexisse, æquis oculis



*Diffid-  
rum Pizar-  
ri & Al-  
magri ini-  
tia.*

oculis eum deinceps intueri non potuere: Almagrus præsertim, qui tot sumptus à se, & majores quam à Pizarro factos reputans, & exhaustas facultates, & tres totos annos in ea expeditione consumptos, & amissum oculum: & super hæc etiam, ut pecunia ab semet mutuo accepta, Pizarro ad impensam præbita esset: ut is ad universæ societatis utilitatem, non suam unius, procurandam in Hispaniam missus fuisset, memori animo revolvens, impatientissimè id factum & implacabiliter ferebat. Pizarrus mitigare ultro ejus spiritus conabatur, Se nihil videlicet à Cæsare impetrare potuisse caufarus, præter Tumbesiæ subigendæ potestatem: bono tamen interea Almagrus animo esset, quippe fidem suam ipsi obstringere, daturum se operam, ut & ipse aliud aliquod imperium in eadem provincia obtineret; Adhæc quum esset inter eos societas, posse ipsum, tanquam summum Gubernatorem, de rebus omnibus pro arbitrio & pari secum jure statuere. Sed parva ejus verbis apud Almagrum fides: imò etiam iste ob hæc nugarum ludibria multò adversus eum indignatior, palàm dicere, Pizarrum falsum & perfidum esse.

*Pizarrus & Almagrus jurejurando amicitiam confirmant, sed mox violant.*

Denique quum aliquot dies in his simultatibus & jurgiis consumpsissent, Pizarrus tandem necessitate magis, quàm voluntate adductus: quò se videlicet sumptibus exhaustum & pecuniis ac comæatu vacuum (quib. contra abundare Almagrum, nec quicquà erogaturum ob discordias intelligebat) quum se, inquam, nisi cum Almagro in concordiam rediret, & ab eo nummis juvaretur, provinciam suam tardius initurum cogitaret: Doctorem Gamam rogar, ut inter ipsos concordiam reconciliet. Quid multa? isti interuentu in gratiam invicem redeunt: jubet Doctor Almagrum Francisco Pizarro arma, equos, & quicquid comæatuum provisum haberet, & pecuniæ insuper certam summam, tradere. Pizarrum verò vicissim quoscunque honores & dignitatum ornamenta à Cæsare acceperat, ea cum Almagro participare. Ita conditionibus & pactis re-integratis, tertio socio Fernando Luque excluso, pacem & concordiam denuò inter se ineunt: ac sancientiis arctius promissis consecratam Hostiam fumentes, jurejurando firmant, se integra fide mutuam amicitiam ad mortem usque inviolatam conservaturos.

*Hispani præclaris factis per-  
nensium a-  
nimos ab se  
alienant.*

Hic ita transactis, Franciscus Pizarrus cum centum quinquaginta militibus & equis multis, Panama molens, Almagrum cum quanto posset maximo subsidio quàm ocyssimè subsequi jubet. Inde Colonchiam appellit provinciæ Guancavilichæ portum, unde in Punam insulam transgressus à Præfecto peramicè exceptus est. Verum ut ille fœda nefandaq; facinora expertus est, per singulas domos aurum & argentum quærentium, fœminas ad stuprum rapientium, cæteraque perpetrantium, quæ à militibus fieri amant: cum valida Indorum manu Hispanos ex tota insula expellere nititur. Sed quum impressionem ab hostibus ex adverso factam ferre non posset, cum multa suorum jactura, silvas fuga petiit. Pizarrus crudelissimè victoria usus, cum multis Hispanis in Tumbesiæ continentis oram l. mill. intervallo ab insula distantem trajicit.

SIMULAC continenter attigit, indigenæ auditis, quæ Hispani in Puna perpetrarent, in arcem aliquantum à mari distantem confugiunt. Pizarrus provinciæ Gubernatorem per nuncios arcessit, ejus amicitiam multum se appetere testatus: is verò non tantum ire abnuvit, sed etiam hostiliter omnibus viribus insultans ei, quanta maxima damna potuit, intulit. Itaq; Pizarrus noctu flumen transgressus cum parte copiarum, præ-  
untibus peritis itinerum ducibus, spinas, saltus & asperrima quæq; locorum penetrans, hostes incautos & somno solutos opprimit. Mox ingenti eorum cædefacta,

• Tumbesiæ revertitur, urbemq; captam totam diripit, & omnibus ornamentis delubrum Solis spoliat.

*Atta-*



## CAPUT III.

*Attabaliba Peruanus Rex, finibus suis Hispanos excedere jubet, Pontificem Romanum non agnoscit. Velut neglecti Evangelii reus, vi ab Hispanis capitur.*

**P**ER eos dies Attabaliba, Peruanæ provinciæ Rex Cassiamalcæ erat. Is audito peregrinam gentem barbaram in suos fines ingressam cum terribilibus quibusdam ac prodigiis animalibus omnia loca percurrere, & cædibus ac latrociniiis infesta facere: legatum ad Franciscum Pizarrum mittit, minitans nisi subditos suos tranquilla pace frui sineret, patriamque repeteret, brevi infortunium inventurum. Adhæc Pizarrus respondit, se non eò venisse cujusquam offendendi animo, sed ut ope atque opera eos juvaret, qui suam amicitiam expeterent: id sibi diserte ab Imperatore principe suo mandatum: neque se posse sine magno dedecore ad eum reverti, nisi prius Regiam ipsius personam vidisset, eique res ad felicitatem tum corporis tum animi pertinentes exponeret. Sub hæc Pizarrus Cassiamalcæ versus contendit: & per Chiræ provinciam iter faciens, à Regulis ultro de jungenda secum amicitia interpellatur, qui ob occupatas ab Attabaliba suas terras cum eo capitales inimicitias gerebant. Ac qui eo fortè loco navigabile flumen erat, quātutò subire naves poterant, condendæ ibi coloniæ sedem eligit, cui San-Michaëlis nomen fecit: & quo quisque suum diligentius asservaret, manubias & prædam omnem inter socios partitur.

*Pizarrus  
subdolum  
animum  
specie ami-  
citiae & pie-  
tatis regis.*

INTER hæc Attabaliba Christianos adventare atque ulterius tendere audiens: sed eos paucos, defatigatos & molles usque adeò, ut non nisi ingentibus Pachis (sic illi equos nominant) iter ingredi possent, de barbatis illis ridere ipse, & remissis ad eos legatis denunciare, si sua illis vita cara esset, ne longius progredi auderent. At Pizarrus, enim verò sibi necesse respondet, Majestatem ipsius coram cum debito honore visere: simul exercitum procedere jubet: quumque Cassiamalcæ pervenisset, præmittit legatos & magistros equitum, qui Regis animum statumque explorarent, eique indicarent, venisse Hispanum ducem adeundi ejus cognoscendique avidum. Ille sub adventum Hispanorum duo ferme millia interius secesserat. Legati, utin conspectum Regii agminis venire, agitare equos & glomerato gressu solo insulantes huc atque illuc circumflectere incipiunt, Indi verò ad novi huius monstri conspectum obstupescere. At ipse Rex nihil eo spectaculo moveri, non mirari: interea tamen irasci, quod parum reverentiæ atque honoris sibi exhibitum à barbatis illis crederet.

*Attabaliba  
Hispanos  
non dum ex-  
pertus con-  
temnit.*

FERDINANDUS Pizarrus per interpretem se Imperatoris fratrem esse significat, qui Papæ ac Cæsaris, amicitiam ejus ultro appetentium missus à Castella venerit. Itaque veniendi ad se & coram colloquendi ei potestatem faceret. Quippe habere ad Regem ipsum summis de rebus mandata, eaque coram expromere velle: quibus editis mox in patriam reversurum. Attabaliba ad hæc, ea se cuncta facturum, inquit, dum ante omnia suis finibus excederent.

E A lata conditione, reversus ad suos Ferdinandus, magnificum Regis paratum & stupendam opulentiam prædicat: cæterum eum in suo regno advenis sedes concedere nolle. Quæ cum diem sequuta est nox, quā longa fuit tota ab Hispanis ducibus instruendis ordinibus & animandis militibus consumpta est: Victoriā videlicet esse in manibus &

*Indorum  
divitia Hi-  
spanorum  
avaritiam  
excitant,  
etiam irri-  
tant.*

B

cum



cum stolidis ignavisq; rem fore, quos vel solo equorum hinnitu ac fremitu perterritos, pecorum ritu, ad farietatem trucidant. Inde Pizarrus, instructis ordinibus & dispositis circa palatium & in ipsis portarum limitibus aliquot majoribus tormentis, suos hostile quidquam capere, nisi signo edito, vetat.

*Regius At-  
tabaliba  
apparuit.*

SIMULATQUE illuxit, ecce Rex amplius xxv. millibus Indorum stipatus, velut in solemnium triumpho, hominum humeris portabatur, circumpendentibus undique aureis monilibus, versicoloribus avium pennis præfulgens, interula sine manicis vestitus, & pudenda bombycina fascia velatus. Sinistrum regiae frontis latus purpureus è lana tenuissima floccus honestabat, supercilia ejus & genas inumbrans: pedes brevissimo obstragulo calceoli ornabant. Tali cultu & paratu triumphali civitatem & palatium iniiit, ibi barbatorum advenarum legationem per otium auditurus.

*Euangelii  
Barbaris  
annuncian-  
di nova &  
Monacho  
digna ratio.*

INTER hæc viam sibi ad Regem faciens frater Vincentius de Valle-viridi ordinis Dominicanus Monachus, altera manu Crucem, altera Breviarium gestans, ratus fortasse Attabalibam repente in magnum aliquem Theologum evasisse: per interpretem ei significat, se Sacrae Majestatis Cæsareæ mandatu ejus excellentiam adiisse, idq; cum auctoritate Romani Pontificis, cœlestis Servatoris Vicarii, qui Cæsari terras ante incognitas, & nunc primum inventas dederit, ut eo doctos piosq; homines mittat, qui sanctissimum ejus nomen publicè apud eas gentes prædicent, easq; à fœdis & Diabolicis erroribus liberent. Inter hæc verba Monachus Regi legem Dei (*scilicet Breviarium suum vocabat*) exhibet, & ab eo omnia ex nihilo creata prædicat. Inde ab Adamo & Eva exorsus ordine exsequitur, ut Christus è cœlo descenderit, ut assumpta humana carne in utero virginis, in cruce mortem obierit: atq; inde resurgens à mortuis, ad plenam generis humani redemptionem in cœlos ascenderit. Mox ad resurrectionem mortuorum & vitam æternam delapsus, utramque affirmat: & à Christo Petrum primum ejus Vicarium, Ecclesiæ gubernandæ impositum testatus, simul auctoritatem Pontificum ipsius successorum adstruens exponensque, postremò Cæsaris & Regis Hispaniarum, totius orbis Monarchæ, opes ac potentiam exaggerat. Itaque pro officio facturum Regem si illius amicitiam accipiat, si vectigalem clientemq; ejus se ferat: deniq; si abdicatis falsis Diis, divinæ Legis & Christianæ religionis fidem & obsequium induat. Id, nisi sponte fecerit, pro certo habeat, se eo vi atq; armis coactum iri.

*Pontifex de  
alieno libe-  
ralis.*

HIS auditis Rex, se haud gravatè summi orbis Monarchæ amicitiam accepturum ait: sed se & liberum & Regem ei quem nunquam viderit tributa pendere, id verò sibi parum æquum & honestum videri, (*a*) Pontificem autem insigniter fatuum & impudentem esse, eo faciliè prodi, quod aliena tam liberaliter largiatur. De Religione verò, se suam abjecturum planè negavit: ac si ipsi in Christum crederent, qui in cruce mortuus esset, se in Solem credere, qui nunquam moreretur. Inde à Monacho percontatur unde sciret Christianorum Deum ex nihilo creasse omnia, & in cruce mortuum esse. Monachus ab eo, quem haberet, libro ea doceri respondet. Simul librum Attabalibæ porrigit: ille  
» acceptum inspectumq; aspernatus & irridens, Hic liber, inquit, nil mihi dicit: mox ad  
» terram afflixit. Monachus illico librum recolligere, & quantum niti poterat clamitans,  
» Hispanos ad cædem accendere: Agite Christiani (*ajebat*) agite, & tam fœdi facinoris  
» pœnas expetite: Euangelia ludibrio habita & projecta sunt. Trucidate istos canes, qui  
legem Dei ita contumaciter aspernantur.

*Crudelis  
conciona-  
tor.*

HÆC & talia cum magna voce dixisset, Franciscus Pizarrus explicatis vexillis, signum pugnae, uti proposuerat, edit. Inde fulminantia tormenta primum Indis terrorem



rem inferunt: mox jam infueto strepitu attonitis superveniunt equi, æneis tintinnabulis & crotalis latè tinnitum cientibus colla & crura circumdati: postremò circumstrepentibus undique tympanis admisso clangore tubarum extra se raptos barbaros & accipiti circumventos malo, Hispani invadunt. Indi, quos non tantum insolitus machinarum fragor perculerat, sed equi quoque, ferocissimum animal, & tam acutis ensibus fœda illata vulnera turbaverant, abruptunt ordines, & quæ cuique patebat ad fugam via velut lymphati erumpunt. Tum verò Hispani equites ferociter in hostem velut profligatum incurrunt, & fugientes proculcant: qui quum ob nimiam multitudinem alii super alios cumularentur, ruinæ similem stragem dedere. Hic horribili cæde Hispani lanceis & gladiis in cadentes barbaros debacchari.

*Hispanorum zelus pro Evangelio scilicet.*

*Hispanorum equitum faciliis de Indis victoria.*

PIZARRUS peditum agmen ducens, recta ad Attabalibem tendere, quem Indi multi circumstipabant: quumque pugnae immemores corporatantum ante ipsum Regem objicerent, Hispani cadendo gradum promovebant, donec ad Attabalibam viam sibi per hostium stragem facerent. Ut verò tandem ad eum pervenere, tum quisque capiti Regis opimum decus expetens, Indos læticarios cadere. Et jam clade ferentium è sublimi illa sella delabebatur, quum Franciscus Pizarrus amiculo illum corripens ad terram detraxit. Ad eum modum projectus è sella ac provolutus Attabaliba, nullo resistente, capitur, & Pizarri fidei ac potestati sese permittens, custodiæ traditur. Ea res bello finem imposuit, sine ullius Hispani cæde ac vulnere, præterquam Pizarri, cujus manus, quum Regem capere vellet, à milite Indum appetente, ferro icta est. Ferdinandus Pizarrus cum equitatu totum eum diem fugientibus instans, omnes vias Indorum cadibus replevit, quum nullineque ætati neque sexui victorum crudelitas parceret.

PER omne prælii tempus ipse quoque Monachus milites clamore incendere non destitit, monens, ut Indos punctim magis, quam cæsum ferirent, ne videlicet ensium lamas perfringeret. Hispani quum sanguinolentam eam victoriam de infelici illa gente retulissent, totam noctem, quæ eum diem exceperat, tripudiis & festo luxu ovantes transigere.

*Monachus ex concionatore lanista.*

(a) *Alexandri VI. Pontificis exstat Bulla, quæ has terras Ferdinando & Isabelle eorumque successoribus donat. Ejus verba, quæ huc pertinent, hæc sunt: Ut tanti negotii provinciam Apostolicæ gratiæ largitate donati, liberius & audacius assumatis: motu proprio, non ad vestram vel alterius pro vobis super hoc nobis oblata petitionis instantiam, sed de nostra mera liberalitate & ex certa scientia ac de Apostolicæ potestatis plenitudine omnes insulas & terras firmas inventas & inveniendas, detegendas & detegendas versus Occidentem & Meridiem (fabricando & construendo unam lineam à polo Arctico, scilicet Septentrione, ad polum Artarcticum, scilicet Meridiem: quæ linea distet à qualibet insularum, quæ vulgariter nuncupantur de los Açores & Cabo-verde, centum leucis versus Occidentem & Meridiem) Auctoritate omnipotentis Dei nobis in Beato Petro concessa, ac Vicariatus Jesu Christi, qua fungimur in terris, cum omnibus illarum dominis, civitatibus, castris, locis & villis, juribusque & jurisdictionibus ac pertinentiis universis, vobis heredibusque & successoribus vestris (Castellæ & Legionis Regibus) in perpetuum tenore præsentium donamus, concedimus & assignamus: vosque & heredes & successores præfatos, illarum Dominos cum plena, libera & omnimoda potestate, auctoritate & jurisdictione, facimus, constituimus & deputamus, &c.*

B 2

C A-



*Attabaliba libertatem ab Hispanis ingenti precio paciscitur. Hispanorum de sua nece consilia sub-*  
*olfacit, & de sua commotas suspiciones purgat. Hispanie ejus spoliis dutescunt.*

Attabaliba  
de Hispano-  
rum avari-  
tiae virus,  
avaritiam  
eorum ex-  
plere niti-  
tur, sed fru-  
stra.

**P**OSTERA die Pizarrus Attalibam inuifit, conſolatur, & vetat metuere, ne interficeretur. Rex iniquiſſimam ſuam fortunam incuſans, injectas ſibi catenas conqueri: dein gnarus quid Hiſpani concupiſcerent, Pizarro ſpondere, ſe ſi libertas ipſi promitteretur, tantum aurorum & argenteorum vaſorum daturum, quantum implendo cœnaculo, in quo erat, ſufficeret, ad id altitudinis quo ſublimè elata manu pertingi poſſet: ea tamen lege, ne vaſa frangerentur quoad pactam ſummam tradidiſſet. Promittit Pizarrus libertatem, & conditionem accipit.

Hispani  
Attaba'iba  
crimina &  
necem  
struunt.

ATTABALIBALIBERTATIS cupidus, & Pizarri promissis innixus Praefectos quosdam suos per omnes regni provincias, Cusco maximè, dimittit (ea urbs sexcenta millia Cassamalca distat) dilectis additis mandatis, ut quàm ocysimè fieri posset, redemptionis suæ precium properarent. Itaq; brevi ex omnibus Regni partibus affluunt Indi aurum & argentum vehentes: sed quum jam menstruum spatium exiisset, & vixdum dimidia pretii pars aut paulò amplior esset contracta, propter immanem pecuniæ impetratæ summam: Hispani fremere incipiunt, Attabalibam nempe specie contrahendæ pecuniæ ingentem conflare exercitum, & in sua omnium capita conducere. Itaque major pars Franciscum Pizarrum hortatur, ut de eo capitale supplicium sumat: fecissetq; jam tum haud dubiè, ni nobiles aliquot viri illum de ea sententia demovissent.

*Atrabaliba  
adversas de  
se suspicio-  
nes rebus  
ipsis revin-  
cit, sed fru-  
stra.*

ATTABALIBA exitii sui consilia coqui subolfaciens, multum de Pizarro conqueri ac dicere, Nihil causæ esse quamobrem pristinum in se animum exueret: neque usquam in suo Regno ulla hominum conventicula aut cætus fieri, nisi ad curandum & convehendum corporis sui pretium. quod quidem quia longinquis è regionibus comportaretur, ad tam brevem quàm vellet diem præstò esse non posse. Quod si verbis suis parum fidei inesse suspicaretur, aliquos ipse è suis Cuscon mitteret, unde maxima pars pecuniæ imperatæ ventura esset. Itaque Pizarro eo Sottum tribus millibus & duos præterea Hispanos mittit. Illi quum in ipso itinere obvios subinde Indos aureis & argenteis vasis onultos haberent, rem ita esse uti Rex dixerat, faciliè comperiunt: quum tamen Cusci opulentissimæ urbis divitias ipsi capessere oculis concupiscerent, regredi è via noluerunt.

Hispani  
Attabaliba  
adhuc vi-  
ventis, vi-  
dentiſq; ſpo-  
lia inter ſe  
dividunt.

FERDINANDUS Pizarrus, fratris jussu cum equitibus aliquot diversa loca pervagatus, in multos & ipse Indos incurrit, qui aurum Cassiamalcam conveherent. Inde in interiora progressus in Pacamam pervenit, unde quoque ingens auri & argenti summa deportabatur. Summa pretii pro redemptione Attabalibæ persoluti, cum eo quod præda contractum erat, duos auri miliones, id est, vicies centies aureorum Castellanorum millia superavit. Ea pecunia in unum collata, quanquam quinta Regio fisco seposita est: ut singuli, quod suum erat, servarent, inter omnes pro meritis & dignitate cujusque divisa est.

Quum inter hæc fortè advenisset Didacus Almagrus, ei quoque, ne quem tumultum moveret, debitam pecuniæ partem, ejusque militibus, nonnullis quingentos, quibusdam etiam milleducatos Pizarrus dedit. Secundum hæc Ferdinandum Pizarrum & vestigal



vestigal quintæ ad regem Hispaniæ mittit, eumq; de rebus à se gestis edocet: cum Ferdinando multi Hispani, triginta & quadraginta millium ducatorum precium referentes, in patriam reversi sunt.

## CAPUT V.

*Attabaliba morte adficitur à Pizarro. Quisquis ejus legatus prelio ab Hispanis vincitur. Franciscus Pizarrus Cuscon, Peruviani regni caput, captam diripit.*



Ita, uti diximus, confectis, Franciscus Pizarrus, Didacus Almagrus, cæterique duces communi consilio deliberant, quod de Attabaliba statui par esset. Nonnulli necandum esse: alii solvendum censebant: erant etiam, qui in Hispaniam mittendum ad Cæsarem dicerent. Tandem quum omnes sententiam rogati dixissent, vicit ea pars, quæ necandum censebat.

TRADITUM est à nonnullis, Indi cujusdam Philippi indicio proditum ac necatum Attabalibam, quum videlicet ille Francisco Pizarro occulta Attabalibæ consilia enuntiasset, clanculum Indos ad Hispanorum cædem sollicitantis. Verum ipse audi-  
vi ac comperi Pizarrum ex quo Attabalibam captum in potestate habuerit, jam tum statuisse eum è medio tollere, quo facilius eas provincias subigeret: quippe sublato capite, membra haud difficulter in perpetuam servitutem concessura. Atque id verum esse, perspicuè ex eo apparet, quod Pizarrus, nisi Attabalibæ necem suffragio suo comprobasset, poterat eum honorificè in Hispaniam ad Cæsarem mittere: quod ut faceret, multis precibus ab eo Attabaliba contendit. Ergò non sine omine ac Dei nutu contingit, ut omnes, quid de necando Attabaliba consenserunt, postmodum infelicem vitæ exitum inveniunt.

*Attabaliba  
ab Hispanis  
necatur, ut  
facilius eas  
subditos sub-  
jugum mis-  
sant.*

At tum Attabaliba, accepto mortis suæ nancio, lugubriter in suspiria & lacrymas effusus, Barbatorum advenarum sceleratam perfidiam incusare exorsus. Mox quum Pizarrus sententiam in eum latam ipsi edidisset, totus in preces abjectas versus, eo prorsus ritu, quo Solem præcipuum suorum Numinum Indi adorant, tali ad eum oratione usus est: PLURIMUM te miror, inquit, Imperator, quod quum fidem tuam jurejurando obstrinxeris, te, si pecuniæ promissæ summam darem, non tantum mihi, exemptis vinculis, libertatem redditurum, sed etiam cessurum finibus meis: mihi tamen postquam pactum pretium acceperis, libertatis loco extremum & infame supplicium indices. Si Philippus me apud te criminatus est, de subditis clanculum ad vestram cædem sollicitatis, ficto crimine ab eo circumventus sum: neque id mihi unquam in mentem venit. Itaque vitæ usuram mihi ut concedas, te rogo, quando adversum te nihil morte dignum nec admisi neccogitavi. Ac si mihi parva apud te fides est, mitte me in Hispaniam ad Cæsarem, cui ingens auri argentiq; pondus muneris loco deferam. Quod si vitam mihi eris, pro certo habeto, subditos meos non prius cōquieturos, quam alio creato Rege, vestra omnium Barbatorum internecione necem meam expiaverint. si verò vita conceditur, Regnum quietum & tranquillum continebo: neque erit quisquam, qui commovere se audeat. Ut finem orationi Attabaliba imposuit, manantibus ubertim lacrymis, Pizarrus excipiens, jam revocari posse sententiam negavit. Itaque eum Numidis, quos talibus ministeriis assuetos habebat, ad supplicium tradit. illi laqueum cervicibus innoxum cuneo ligneo introquent (id Hispani vulgò Garottum vocant) & fauces Regi elidunt.

*Attabaliba  
verbis Pi-  
zarri suum  
ira sceleris  
conatur,  
quem amro  
nequit ve-  
rat.*

HUNG



Hunc vitæ finem Rex Attabaliba habuit: vir mediocri statura, prudens, animosus, & imperii cupidus. Quo tempore primum Pizarro ejus regnum ingressus est, cum Guascare fratre natu majore, qui in Regnum paternum successerat, bellum gerebat: eumque mox captum necari iussit. Uxores multas habuit, quarum præcipua & legitima soror erat, Pagha nomine: & ex iis aliquos liberos sustulit. Cæterum omnium rerum nostratum, quas Hispani ei ostentarunt, nullam libentiùs inspexit quam vitrum, dixitque Pizarro, se plurimum mirari, quod quum in Castella rei tam pulchræ copiam haberent, pervestigandis metallis adeò vilibus auro & argento, peregrinas terras & maria obeundo, semetipsum fatigarent.

*Attabaliba  
vitrum  
auro ante-  
ponit.*

Ejus parens Guaivacava dictus est, popularibus, dum viveret adeò carus & venerabilis, ut eum etiam hodie lugeant, ac vulgò persuasum habeant illum ad vitam propediem revocatum, regni gubernacula suscepturum. Jacet in Quitensis urbis finibus, majorum suorum tumulis iunctis, cum immensa auri & argenti elaborati copia, hominum, fœminarum, animaliumq; omnis generis ac piscium effigie. Hispani sedulò sepulcrum ejus à compluribus Indis etiam tormentis vehementissimis quærivere: sed frustra. Neque illi unquam eum locum indicio suo prodiderunt, etiam si omnes ad unum interficiantur.

*Quisquid  
Attabal.  
Præcipuus  
sui necem  
ulcisci stu-  
det.*

INTERFECTO Rege, Franciscus Pizarro Cassiamalca movens, Cusco regni Peruanæ caput, occupare properat. Obviæ sit ei cum exercitu Quisquid Attabalibæ legatus, & præcipuus ducum, qui cum magna multitudine in aciem progressus Barbatos persequi & Regis sui necem ulcisci magno animo statuerat. Eum tumultuariis aliquot præliis expertus Pizarro, tandem cum ingenti Barbarorum strage in fugam versum, Almagro cum parte copiarum persequendum & reliquias belli extinguendas, relinquit. Ipse quinque tantum Hispanorum jactura facta, ulterius progressus, quum jam Cusco in conspectu esset, & multi passim ignes apparet: ratus fugisse cives & ignem subiecisse urbi, equites ad rem explorandam præmittit. Illi ignes esse è speculis accensos deprehendunt, qui Barbaræ gentis adventum Præfecto significarent: procedunt tamen animæ alacres, & jam fermè in collem urbi propinquum evaserant, quum repente sese ostendentes Barbari subeuntes Hispanos propellunt & saxis obruunt.

*Hispano-  
rum mili-  
tum crude-  
lis avari-  
tia.*

INTER hæc superveniens Pizarro, fugientes suos colligit, & cum omni equitatu in Barbarorum cuneos effusis habenis invehit, vertit pugnae fortunam, & feriendo ac cadendo obvios Indos in fugam avertit. Illi furioso equorum impetu & acri gladiatorum acie perterriti, arma etiam passim abjecere, quo expeditius fugerent. Interveniens nocte Pizarro insidias metuens, eo ipso loco, in quo eum nox deprehenderat suos considerare jubet & castris locum capere. Itaque Indis fugiendum spatium datum est, quorum plerique cum pecoribus, vestimentis, & sale, devios montes petivere. Postera die Pizarro Cusco ingressus præsidium obruncat, cæteros capit, urbem diripit, & ditissimum Solis templum spoliatur. Itaque magis prædæ è Cusco, quàm ex Attabalibæ Cassiamalcae contractum est. Sed ne ita quidem expleta hiantæ militum avaritia, omnes insatiabili auri cupidine ardentes captivos omnigenere cruciatus torquere, ut defossas pecunias & sepultos thesauros proderent: ut verè quidem hîc exclamare nobis liceat, O quot Neronæ, quot Domitiani, quot Commodi, quot Bassiani, quot immites Dionysii, eas terras paragravere; Ibi reperti sunt Hispani, qui trucidatos ad ludicrum oblectamentum Indos vorandos canibus objicerent.

DIRECTA Cusco, & divisa inter Hispanos provincia, Marchio in maritimam oram regressus,



regressus, Didacum Almagrum ibi repertum nuper victæ provinciæ Gubernatorem designat, & eò cum imperio mittit. Ipse civitatem-Regum novam coloniam ad fluminis Limæ ripam condere incipit: inde Trigillium proficiscitur, ut captivos Indos inter Hispanos colonos divideret, quorum opera in subigenda provincia usus erat.

## CAPUT VI.

*Almagrus Peruviani regni Mareschallus designatur. Chilensem provinciam petit. Mangus Attabalibæ frater rebellat. Cuscon urbem capit. Pizarrus undique in eum auxilia contrahit.*

**P**ER eos fortè dies Almagrus literas à Cæsare accipit, quibus se ab eo Mareschallum Peruviani regni designatum intelligit: & ultra fines provinciæ à Pizarro devictæ trecenta millia passuum suo imperio attribui. Hoc tam læto nuncio auctus, quum Cuscon urbem extra terminos provinciæ Pizarri, & sui imperii esse sibi persuaderet, repentinè privato consilio Indici mancipia & agros de integro partiri pro sua libidine instituit.

**I**D ubi cognitum Pizarro, extemplò Johannem fratrem suum eò cum Hispanis aliquot & imperio mittit, qui Almagri conatibus obviam iret: ne videlicet absque suo permisso quidquam ab eo in provincia novaretur. Johannes re inchoata, nec dum perfecta, revertitur. Itaq; Pizarrus ipse per dispositos equos Cuscon petit, Almagrum convenit. Ille primò Cæsareis literis fretus, Pizarro obsequi negat: ad extremum tamen, ubi viribus se imparem cognoscit, se ad omnia paratum, quæ ille velleret, esse simulat.

**C**ÆTERUM Indi quum terras suas desolari quotidie, haud satis æquo animo ferrent, & nova subinde auxilia Hispanis summitti, priusquam amplius crescerent libertatis recuperandæ cupidine, Christianorum vires dispergere statuunt. Itaque disseminant, Chilen provinciam Cusco mille passuum millia distantem, versus Magellanicum fretum auri & argenti ditissimam esse aliisq; rebus omnibus abundare, quæ ad tuendam vitam sufficerent. Hanc tam speciosam occasionem extrudendi Almagri oblatam amplius Pizarrus, non prius stimulare hominem destitit, quàm illum ad eam expeditionem suscipiendam impulit. Convenit inter eos, ut si felicem eam ac commodam provinciam judicasset Almagrus, ejus administrationem propriè sibi à Cæsare peteret: sin minus, reversus provinciæ jam paratæ & communibus armis partæ æquam portionem acciperet, ex pactis & conditionibus, quæ inter eos Panamæ convenissent. Ita novis de integro sacramentis mutuam amicitiam sanciunt & inviolatam ad extremum conservaturos confirmant.

**I**NDE Almagrus destinata exequi pergit, & equis, armis, rebusq; aliis ad expeditionem necessariis comparatis, cum quingentis militibus multisq; Indicis servitiis movit: ac quanquam immensis laboribus & intolerabili propè tempestate vexatus per montes perpetuis obsitos nivibus iter faciens, ubi maxima pars Indorum, & aliquot Hispani equiq; frigore obriguere: procedere tamen, quo intenderat, perseveravit, ac vix tandem in Chilen provinciam pervenit.

**H**AUD multò post Almagri discessum, Ferdinandus Pizarrus Limam appellit à Cæsare diplomata & privilegia afferens: Unum videlicet fratri suo, quo is Marchionis titulo augebatur: alterum Didaco Almagro, eodem exemplo, quo literæ, quas jam ille à Cæsare de honore sibi delato acceperat. Atq; hic fons fuit, unde mox atrociter inter eos orta bella tamdiu duravere, quo ad altero in vinculis strangulato, altero domi suæ interfecto utriusque

*Lima seu  
Regum-  
colonias, co-  
lonia.*

*Almagrus  
Mareschal-  
lus.*

*Indorum  
strategema.*

*Almagrus  
in Chilen  
provinciam  
sterilem, per  
speciem ho-  
noris able-  
gatur.*



utriusque exitio finirentur. Sed hæc, quum ad intestina bella ventum erit, suo loco dicentur: neq; de his alia ferè trademus, quàm quæ vulgò nota & omnibus manifesta sunt. Quum enim hisce de rebus multa à multis audierim, alios aliter ea narrare atque in multis discrepare inter se comperi, studiis videlicet partium aut favore cuiusque in suum ducem propenso præoccupatis animis. Addo etiam ampliùs, in illis terris veri perpaucis curam esse.

*Peruani,  
duce Mang-  
go, adversus  
Hispanos  
rebellant.*

INTER has rerum vices Mangus Inga Attabalibæ frater, cuius capiti Franciscus Pizarro diadema Regium imposuerat, quum tumultum & novas res moliretur, à Ferdinando Pizarro oppressus est. Is Regulum ferreis compedibus quicquid Cusensis arcis custodia incluserat. Sed brevi ab ejus fratre Johanne vinculis levatus est, quum præter magnum auri pondus ei darum, etiam se fidum atque amicum fore promitteret. Mox tamen, ut emissus est, Hispanos animadvertens dispersis agminibus, cædibus incendiisq; latrocinii veriùs, quàm justis more belli, omnem provinciam pervagari: clanculum contractis militiæ ducibus & rebus omnibus ad bellum necessariis comparatis rebellionem cœprat. Ac repentino impetu aliquot loca circumvolitans multos Hispanos aurifodinis intentos opprimit, & cum Indis quoque ipsis, quorum illi opera in auro effudiendo utebantur, interficit. Mox unum è legatis suis, cum Indorum non spernendam manu ad occupandam Cuscon mittit. Ille nec opinanti civitati superveniens, arcem quoque eodem impetu capit, & Johannem Pizarro cum aliquot Hispanis interimat. Eam quum brevi recuperassent Hispani, paulò post Mangus Inga centum ampliùs millibus Indorum circumfessam denuò expugnat, incendit, & maximam Hispanorum partem trucidat.

MARCHIO audita rebellionem Mangi, nec tantam armorum multitudinem quantam erat, ab eo excitam ratus, Didacum Pizarro in eum cum septuaginta quinque Hispanis mittit: sed istorum cladis ne nuncius quidem superfuit. Nec dispari eventu cum Barbaris pugnavit Morgovius trib. mill. qui Guamanga profectus, ut Gusco opem ferret, ab Indis cum multis Hispanis oppressus est. Itaq; Marchio Gonzallum Tapiam cum octoginta equitum turma eò properare jubet: sed & iste cum maxima suorum parte non procul Guamanga occubuit: Gaeta quoque alius trib. mil. & quinquaginta simul Hispani, parem exitum habuere.

INTEREA Marchio anxius animi, quum multo elapso tempore neque à fratribus, neque ab aliis ducibus & legatis suis nuncium ullum acciperet, & nonnulli mali suspectans: præter superiores duces Franciscum Codoium cum quadraginta equitibus eò dimissum, quæ compereat renunciare jubet. Ille in angusto saltu deprehensus, quum undique irruentibus barbaris fœdam suorum cædem ante oculos cerneret, vitæ magis quàm decoris memor, quum fortè prævalenti equo veheretur, eum in fugam vertit, & in ipso itinere de rerum omnium eventu à quibusdam Hispanis certior fit. Ut Limam regressus est, Marchioni clades suorum, obsidiones urbium & excidia renunciat: insuper etiam addens, adventare ingentem hostium exercitum & recta Limam tendere.

*Hispano-  
rum ab In-  
dis accepta  
clades.*

MARCHIO extemplò Petrum Lermam cum quinquaginta equitum turma & multis Indis amicis obviam ire hosti jubet: ac postridie ipse quoque urbe egressus, hostibus pugnandi copiam facit. Accerrimè utrinque & æquo prope Marte res geritur: tandem Indi, quum impetum Christianorum ferre non possent, terga vertunt & collem non procul Lima editum ac munitum occupant. Multi eo prælio Indorum cecidere: ex Hispanis duo tantum: multò tamen plures faucii, & Petro Lermæ dentes lapidis ictu excussi sunt.

INTER-



INTEREA Marchio, tanta rerum angustia constrictus, quadringentis Hispanis amissis, & ducentis amplius equis: quum neque à fratribus nuncium ullum acciperet, & in tanta militum penuria & Almagrum in Chilensi provincia mortuum esse crederet, & in tanta subsidii penuria totrepentè hostibus circumvallaretur: primum Alphonsum Alvaradum, qui Chiachia-  
 poios subigebat, quàm ocyssimè accessit, & cum suo exercitu accurrere in subsidium iubet. Simul literas & nuncios diversa in loca dimisit, Trugillium, Panamam, in Nicaraguam, in Novam Hispaniam ad Ferdinandum Cortesium & alias Hispanorum colonias: atq; ex omnibus auxilia excivit. Primus omnium ducum Hispanorum Alphonsus Alvaradus Limam pervenit: quem mox Marchio legatum suum & totius exercitus summum imperatorem designat.

*Pizarri  
auxilia un-  
dique cor-  
rogat.*

Is cum trecentis Hispanis, maximam partem equitibus, obviam ire hosti properat, non prius conquieturus, quàm deletis funditus Indorum copiis Cuscon obsidione solvisset. Primum igitur dejectis Indis è montibus Limæ propinquis, quos infederant, longius progressus Tizioiam præcipuum Mangi Ingæ legatum quinquaginta amplius milia Indorum in acie habentem, prælio fuscum terga vertere coëgit. Ipse, quum in Saulam urbem ad faucios curandos concessisset, ibi Gomecium Tordioam & ducentos Hispanos sibi à Marchione missos in subsidium reperit. Mox inde degressus Tizioiam denuò obvium habet. is novis supplementis instaurato & aucto exercitu, solutos recenti victoria Barbatos oppressurum se speraverat. Ubi in conspectu fuere acies, neuris certamen detrectantibus, strenuè pugnatur: donec ingenti edita strage, Indi in fugam versi sunt.

*Peruani  
reges suos  
olim Ingas  
vocabant.*

## CAPUT VII.

*Almagrus è Chilensi provincia reilit. Mangus fuga montes petit. Almagrus Cusci ingressus à Ferdinando Pizarro prohibitus clam urbem intrat. Per speciem colloqui structas à Francisco Pizarro insidias declinat. Mox prælio victus à Ferdinando Pizarro capitur, & in custodia necatur.*

**U**M hi motus agitantur, diversa parte Almagrus Chilensem regionem inopem & sterilem, non, ut fama erat, divitem nactus, ex ea provincia excesserat. Jamq; appropinquabat Cusco, quum Mangus Inga, auditus ejus adventu, metuens, ne ipsius simul & Marchionis copiis circumfusus atq; inclusus undiq; exitum non haberet, abjecta recuperandi sui status spe, cum viginti amplius Indorum millibus, soluta Cusci obsidione, montes quosdam Guamangæ imminentes insedit. Sed quum locus incultus & asper tantæ multitudini alende non sufficeret, paulatim dilapsi ferè omnes in diversa abjecere. Ipse Mangus tribus tantum aut quatuor millibus Indorum comitantibus amicitiam Hispanorum in totum aspernatus, inter illos montes confedit.

Quum aliquanto post præses Gasca, regno huic componendo quæscius postquam Gonzallum Pizarrum capitali supplicio affecerat (ut inferius dicitur) missis ad Mangum Indis cum ad se arcesseret, juberetque sibi imperium suum sine ullo metu concedere (quippe se eò venisse, ut pœnis noxios & præmiis bonos afficeret: se componendis provinciæ motibus & restituendæ omnium libertati missum esse:) quum, inquam, Gasca missu, Indici legati hæc Mango exposuissent: Tum ille, Ecquid putatis, inquit,

*Mangus  
rum verb.  
sibi os subis-  
ni non sunt,  
quorum  
more nove-  
rat.*

C

vos



vos mihi facturum hunc Apum (sic illi principes vocant) postquam me ipsius fidei ac potestati permisero, Hic Indi, Idem de te statuet, inquiunt, quod Franciscus Pizarrus de tuo fratre. Petet abs te plenam auri & argenti domum: mox te strangulandum carnifici tradet. Ita irrita legatione Indi domum reversi sunt.

*Bellorum  
civilium  
inter Al-  
magrum  
& Pizar-  
rum tenta-  
menta.*

*Almagri in  
hostem ele-  
mentia ipsi  
postea exi-  
tio sa.*

Quum, uti diximus, Mangus Inga devios montes fuga petiisset. Didacus Almagrus brevi Cuscon perveniens, civitatem velut suæ provincie, Gubernatoris jure, ingredi voluit. Sed Ferdinandus Pizarrus introire parantem repulit causatus, Sibi non licere eum in urbem accipere absque Marchionis fratris sui permissu, cujus nomine atque auspiciis ei provincie ipsi præesset. Cæterum si tanquam privatus intrare vellet, eum verò multò libentissimè cum militibus suis excepturum, tantisper dum de fratris voluntate certior esset factus. Hic Almagrus dicere, Ut domum suam iniret, nihil sibi esse opus facultatem à quoquam petere. Tandem multis ultro citrò que inter alitercantes commutatis verbis postquam Almagrus Pizarrum perstare in incepto nec se admittere velle comperit: noctu amicorum quorundam civium ope urbem intrat, & Ferdinandum ac Gonzallum Pizarros incautos opprimens, utrumque separata custodia atineri jubet. Ac Ferdinandus quidem, ut totius mali causa, ab eo mori iussus esset, ni amicorum inter-ventu & accuratis precibus protectus veniam obtinuisset. Luce orta Almagrus ex Regii diplomatis præscripto, approbantibus civibus, publicè præconis voce Gubernator pronunciatus est.

INTER hæc nuncius adfertur Almagro, Alphonsum Alvaradum, Francisci Pizarri legatum, cum valido Hispanorum exercitu castra habere ad Abancajam flumen. Ergo metuens, ne ille copias adversum se duceret, Hispanos ad eum aliquot mittit, qui denunciarent, ut aut Cuscon in fidem & imperium suum concederet, aut exiret è provincie suæ finibus. Sed ubi legati non revertebantur, nempe ab Alvarado retenti, copias instruit, & fidissimis suorum tum civitatis tum captivorum custodiam committens, Cusco cum non spernenda manu movet. Quum sub noctem ad Abancajam pervenisset, nunciatumque esset ejus pontem magno Hispanorum præsidio obtineri: transmissio raptim vado, de improvviso Alvaradi castra ingreditur, eumque sine cujusquam cæde cum multis Hispanis capit.

ALMAGRUS ejus victoriæ successu inflatus, Cuscon revertitur, & jurejurando affirmat se non prius quieturum, quàm omnes Pizarristas ex Peruano regno ejecisset. Alvaradum in eandem custodiam, qua Gonzallus Pizarrus attinebatur, condit: illi præmiorum ingenti spe corruptis custodibus, nocte quadam ambo vinculis elapsi, in urbem Regum perveniunt, & Marchioni hæc omnia exponunt. Ille quingentorum militum manu facta, recta in Almagrum ducere constituerat: ni Johannes Gusmanius, Didacus Mercatus procurator ejus, & Monachi aliquot Ordinis Divæ Mariæ Mercedis, ejus destinatis obviam issent. Illi enim ex apparatu Marchionis in Almagrum ingens aliquot malum oriturum præfagientes, reducere eos in mutuam gratiam conati sunt. Itaque tota controversiæ decisio istis concordie sequestribus committitur. Illi ita pronunciant, Placere, ut utrique arma ponerent: Almagrus Ferdinandum Pizarrum e custodia emitteret: ambo in Hispaniam ad Cæsarem scriberent, qui de integro eorum provincias atque imperia definiret: postremò ambo Malam locum colloquio destinatum convenirent ad faciendam concordiam, decem tantum equitibus stipati.

HIS conditionibus latis, Marchio Lima Malam contendit, & Gonzallo fratri suo



quo negotium dat, ut cum omni exercitu sequatur: ceterum in transitu, qua Almagrus iter facturus erat, aliquot tormentularios in insidiis condit, qui hominem incautum interimant. Ejus conspirationis Monachos quoque conscios fuisse fama est: cuius tamen non is successus fuit, quem exspectaverant. Simul enim ut Almagrus Malam pervenit, cum Marchione cogensurus, Pizarri miles quidam propius succedens ei in aurem dicit, Si cara illi sua vita esset, statim nulla interposita mora abiret. Ille ex templo in equum ascendens cum comitibus abiit: quumque infessum à tormentulariis locum fortè animadvertisset, diverso itinere Cuscon trepidè repetit. Multum interea de Pizarristis & Monachis conquerens, dicènsque, Inde à Pilati temporibus non injustiorem unquam editam fuisse sententiam fraudemque quàm quam isti moliti essent.

*Pizarri  
specie re-  
construtio-  
nis Alma-  
grum insi-  
diis capiat.*

MARCHIO res patefactas & infensum Almagri discessum cogitans, ac veritus, ne de fratre Ferdinando, quem adhuc in potestate habebat, gravius aliquid consuleret: Didacum Alvaradum Cuscon ad placandum eum mittit, rogatque, ut quacumque ratione pacem concordiamque inter eos conciliet: jurejurando affirmans se insidiarum, quas frater parasset, planè ignarum esse, eaque omnia haud volenti sibi accidisse. Alvaradus vera ea esse persuasus, ad Almagrum properat: ei, quæ audiverat, aperit: rogans, ut vel in communis inter ipsos amicitiae gratiam pateretur sibi persuaderi, ut pacem quàm bellum mallet. Quippe non esse conscium Marchionem structi adversus eum doli: denique illum fidem suam jurejurando obstrinxisse, imperii sui finibus contentum nihil adversus Almagrum moturum, donec à Cæsare nova constitutio afferretur.

ALMAGRUS, etsi à nonnullis amicorum moneretur, ne Marchionis promissis fidem adderet: precibus tamen Alvaradi permotus conditiones accipit, & conciliata de integro amicitia Ferdinandum Pizarrum liberat. Marchio ubi fratrem solutum habuit, eo stimulante, fidem datam & toties tam sanctis juramentis confirmatam abrumpens, brevi Almagrum dolo aggreditur, missis Chincam qui ei significarent: Recentissimè à Cæsare allatas esse literas, quibus juberet, ut ipse in provinciam à se repertam & domitam actutum concederet. Ad hæc Almagrus respondet, Se quidem, si mandati Cæsaris inspiciendi sibi copia fieret, protinus obsequiturum: sin minus, certum esse sibi provincia sua non decedere. Marchio rescribit, nisi protinus sponte Cusco excederet, se illum inde vi ejecturum: idque non fœdera inter ipsos pacta violantem, sed novo illo Cæsaris mandato fretum, quæ sua essent pro suo jure repetentem facturum. Almagrus perstare in proposito, & negare se prius decessurum, quam visis Cæsaris literis.

*Almagrus  
incolumem  
emittit ho-  
stem, quæ  
ignominia  
irritave-  
rat.*

*Pizarri  
belli Alma-  
gro inferen-  
di occasio-  
nis rimatur.*

Hoc accepto responso, Marchio, valida Hispanorum manu contracta & multis Indis, Lima movet: palam ferens se ad expellendos Chinca inimicos, provinciae suae haud ambigè oppido, contendere. Almagrus ut hostem adesse cognovit, viribus haud satis fidens, in Gaitaram montem editum & saxosum concessit: sed inde quoque urgentibus inimicis dejectus, Cuscon raptim aufugit, atque ibi suis ex trepidatione collectis, ab Indis galeas & alia munimenta corporis ex auro & argento fabricanda curat: omnes Hispanos, qui adversariis paulum modo studere viderentur, custodiae tradit: primores etiam nonnullos maxime suspectos strangulari jubet.

MARCHIO itineris labore fatigatus, Ferdinando fratre suo summo Juris Prætoris designato, alteri fratri Gonzallo legato suo & Præfecto militiae cura belli permittit,



*Prælium  
inter Al-  
magristas  
& Pizar-  
ristas.*

utrumque copiis omnibus in Almagrum Cuscon tendere jubet: ipse ad urbem Regum revertitur. Almagrus hostium adventu cognito, obviam egressus, duobus millibus passuum procul civitate, munito loco castra posuit distributisque, ut potuit, copiis, Hordonio tribus mill. primam aciem ducendam tradit: ea expeditis velutibus, cætero peditatu & Indorum quorundam sociorum auxiliis constabat. Ille militari via ducens, inter montem & civitatem ad ripam exigui lacus constitit. Equitibus Franciscum Chlavensem & Johannem Tellum præficit: Alphonsum Peresium alia Hispanorum turma & multis Indis angustos calles ad montem spectantes insidere jubet: unde si opus esset, in hostium latera incurreret.

*Almagrus  
à Ferd. Pi-  
zarro cap-  
tus, natu-  
ræ.*

FERDINANDUS Pizarrus è monte in planum degressus, postquam hostes quietos animadvertit, Mercadillum tribus mil. cum magna parte equitatus & Indorum subsidio numquid insidiarum aut latentis doli subesset, exploratum mittit. Ille quum in Alphonso Peresi cohortem incurrisset, Indos socios in adversarios Indos irruere jubet. Ita contractis pugnae initiis, Pizarrus tormentularios in equitatum hostium emittit: illi pilularum grandine multos dejiciunt. Franciscus Chlavenfis, quum suos malè haberi cerneret, aliquot machinas displodi jubet. Icti globis nonnulli hostium ceciderant: cæteri perculsi terga vertebant: ni supervenientes Pizarri fratres castigassent terribiles, & confirmatis suorum animis prælium instaurassent. Acrior inde coorta pugna summa vi utrimque res geritur: tandem funduntur Almagri milites: Pizarrus crudelissimè victoria usus est. Almagrus ægrè pugnae interesse non potuit: sed è colle vertice prælii eventum contemplatus, ubi suos fufos conspexit, fugam & ipse capeffit. Ferdinandus Pizarrus fugientium tergis inherens Almagrum assequitur, captumque in custodiam tradit. Inde quaestione de eo habita, reum peragit & capite damnat: arguens, quod è Chilensi provincia reversus vi Cuscon irrupisset, quod se & fratrem nullius flagitii compertos in vincula coniecisset: quod provincie agros pro libidine, nullo imperio aut mandato Cæsaris fretus, iterum divisisset: adhuc multis Hispanis necis causa fuisset: postremò ruptis induciis & jurejurando adversus regium magistratum pugnasset.

*Pizarrum in  
Almagrum  
inexorabi-  
li, cui vi-  
sam debe-  
bat.*

ALMAGRUS postquam capitalem in se latam sententiam indicta morte cognovit, ingenti animi dolore ictus, ad Cæsarem provocat. Pizarrus provocationem admittere noluit. Itaque Almagrus totus in preces versus, illum per Dei gratiam ac misericordiam orare ut sententiam revocare vellet: Se jam provectæ ætatis, debilem, podagræ etiam doloribus infestari: ni solvere se vellet, ut custodia clauso paucos illos, qui superessent, vitæ dies ad meditando peccatorum poenitentiam concederet. Ad hæc meminisset sua maximè opera Marchionem carissimum ejus fratrem in tantum honoris & divitiarum fastigium evectum esse. Ipsum quoque Ferdinandum aliquando apud se fuisse in custodia: in quem, etsi pro suo jure animadvertere potuisset, vim tamen ab eo abstinuisse.

SUPPLICARE præterea pro eo apud Ferdinandum multi nobiles, inprimis Didacus Alvaradus, qui, quum eos in pristinam concordiam redigeret, vitæ suæ sponcione, Ni datam fidem servarent, pro quovis eorum pacisci separatim affirmaverat. Ipse quidem tum, ac cæteri, manantibus effusè lacrymis, & verbis ejuscemodi, quæ ferocissimi leonis animum frangere, & cor adamante durius emollire poterant, Pizarrum flectere conati, frustra operam consumpsere: neque iste, obstinatus & clausus, ne quo affectu perumperetur, pervinci ullis precibus potuit, ut miserationis signum ullum ederet. Ergo Didacus animo adversum suprema firmato, confessione defungitur, & testamen-  
tum



tum facit. Pizarrus laqueo ei gulam frangi in carcere: mox exanimis cervices amputari medio urbis foro jubet. Hunc vitæ finem habuit Didacus Almagrus in urbe Culco an-  
Almagro  
guia laqueo  
frangitur.

no M D XXXVIII.

MULTIS ea sævitia displicuit: maximè omnium Didaco Alvarado. is ergò paulò post in Hispaniam transgressus est, ut meditatæ in Franciscum & ejus fratres querelas ad Regem deferret. Sed quum in id unum strenuè incumberet, brevi Vallæoleti moritur, veneno, ut fertur, sublatus. Cæterum Almagrus obscuræ & ultimæ sortis homo,  
Almagri  
natales.

quando & ejus adhuc ignoratur pater, literas nescit: cæteroquin diligens, honoris avidus, si quem præmio donaret, id ab omnibus volebat intelligi: sævitia adversum Indos insignis: Didacum filium ex Indica concubina Panamæ susceptum ejusdem secum nominis reliquit.

## CAPUT VIII.

*Pizarrus, Almagro sublato, varias expeditiones suscipiunt. Ferdinandus Pizarrus in Hispaniam transgressus custodia clauditur. Franciscus Pizarrus ab Almagri factione interficitur. Didacus Almagrus filius imperium provincie occupat.*

**P**IZARRUS, sumpto de Almagro supplicio, prædam inter milites dividit, & res Culcensis civitatis componit. Inde ad Marhionem fratrem regressus, de novis terris vestigandis cum eo deliberat. Id ubi visum, Petrum Valdiviam ducentis cum militibus in Chilensem provinciam mittunt: Gonzallum Pizarrum in Coliaum ditissimam auri regionem: qua subacta mox in Calliæ (vulgò Canellæ) oram transit: unde postea pauper & accisis rebus reversus est: Petrum Vergaram in Bracamorios: sed is in inopem & bellicosam gentem incidit, quæ propterea ad hanc diem invicta & indomita mansit. Duces præterea & tribunos multos Trugillium, Chiachiapoiam & ad alios populos diversis cum agminibus mittunt. Ita Hispani variis expeditionibus alia atque alia appetendo loca, innumbris hominum cædibus atque infinitis sævitiæ exemplis editis, maximam partem ejus regni, ut cæteras occidentalis Indiæ provincias, in solitudinem & vastitatem redegerunt.

MARCHIO expeditis ad dictas provincias subigendas legatis ac ducibus, fratrem suum Ferdinandum in Hispaniam cum Almagri causa & (ut dicunt) processu, ac quintæ Regiæ vectigali, mittere constituit. Ferdinandus quamquam dissuadentibus amicis ne iret (quippe ipsum nullis argumentis mortem Almagri Cæsari probare aut excusare posse: Adhæc Alvaradum ad Curiam gravissimas querelas cum de ipso tum de fratribus ejus deferentem præoccupasse animos) solvit tamen, ingenti suimetipsius fiducia, vendicans se pro summis in Regiam Majestatem collatis officiis, compositis videlicet provinciarum motibus & seditiosis pœna coercitis, ingentia præmia meritum. Verum quum in Hispaniam appulisset cum magna auri vi, non multò postquam in Regiam venerat, Cæsaris mandatu correptus in arcem Medinæ-campi (vulgò Mottam vocant) inclusus est, neque quid de eo factum sit, deinde auditum est.

POSTEA QUAM Ferdinandus Pizarrus Lima solvens in Hispaniam vela fecerat, multi in ea civitate & aliis provinciarum locis utriusque Almagri cum parentis tum filii, amici supererant: sed ii sparsi, egentes, nulla neque re neque spe, omnibus videlicet fortunis à Pizarræ factione eversi & spoliati. Inter eos princeps unus maximè eminebat Johannes Rada. Is primò clanculum cum Didaco Almagri filio de ulciscenda patris ejus morte



Fr. Pizar-  
rum ni-  
mius ho-  
stium con-  
temptus  
perdit.

consilia agitare: mox ut ejus primum instinctu conflata & orta conjuratio est, occultè arma conferunt, amicos & confederatos aggregant, mittuntque ad remotos, ut quàm diligentissimè possint Limam omnes convolent. Non defuere, qui Marchioni immatura adhuc conjurationis consilia proderent: sed ille, quum significatum esset Almagristas perniciem ipsi moliri: ista haud sanè magnificiens, ratusq; hæc renunciantes odio potius in eos, quàm verò moveri, ferè respondebat, Siner èt illos suis miseriis conflictari: satis iis infelicem suam sortem oneri esse, ut vexari gravius nihil opus esset. Quinetiam quum denuò de cavendis insidiis moneretur, quippe haud dubiè eadem ipsi ab inimicis parari: etsi aliquantulum commotus est, id tamen sibi credibile non esse dixit.

ATTAMEN ne planè lentus in suo periculo esse videretur, Johannem Velasquem Prætorem urbis accersi jubet. Is, quod fortè ægrotaret, pro se Doctorem Picadam collegam suum & Judicem ordinarium (ex eorum ordine, quos Hispani *Alcaldes* nominant) mittit. Hunc Marchio interrogat, num sui occidendi occulta consilia à Didaco Almagro iniri alicunde subolfecisset. Ille nullo se ea indicio comperisse aut sensisse affirmat: cæterum nihil ipsi timendum videri, dum rectum integrumq; magistratus sceptrum haberet in manibus. His verbis acquiescit Marchio.

DUM exsequenda eadè occasione expectant conjurati, admonentur, nisi facinus maturarent, omnia mox emanatura. Itaque Johannes Rada, & undecim conjurationis participes armati transverso urbis foro decurrentes & vociferantes, VIVAT REX, ET MORIATUR TYRANNUS: domum Marchionis irrumpunt. Is tumultu exaudito, & quid esset suspectans, claudii atriî fores, firmari aditus, jubet: ipse ad muniendum corpus vertitur.

Fr. Pizar-  
rum ab Al-  
magristis  
interfici-  
unt.

INTEREA dum armatur Marchio, Franciscus Chiovensis, Præfectus prætorio, fores palatii recludit: ratus authoritate sua conjuratos coh. biturum: sed ut via patuit, Almagristæ violenter irrumpunt, & ipsum Præfectum gladio in caput altè impacto interficiunt. Doctor Velasquez sceptrum prætorium mordicus tenens, ne intercideret, per fenestram in hortum præcipiti saltu semetipse dejecit. Martinus de Alcantara Marchionis frater natu major, cum aliquot domesticis, ruit se adversus tot manus parem futurum, conclavis ostium tutabatur. Inde tandem armatus foràs profilit Marchio, qui quum unum ex omnibus suis fratrem superesse cerneret: Euge, mi frater, inquit, pugnemus strenuè adversus proditores istos: per Deum juro nos duos solos istis omnibus cadendis pares esse. Sed Martinus multis vulneribus confossus brevi cecidit: ipse tamen solus egregiè se defendebat, donec irrudentibus undique inimicis, unus cuspidem in medio ejus gutture ita fixit, ut exanimis in terram procideret. Hic Pizarro vitæ finis fuit. Trugillio Hispaniæ urbe ortuserat, robusto & vegeto corpore, strenuus manu, ingentis animi: verum falsus, crudelis ac negligens & literarum ignarus. Gonzallo Pizarro patre genitum ferunt, qui in Navarra regno ordines duxerat, & alii quidem legitimum ejus filium, alii spurium tradunt: expositumq; in cunis ad templi portam, nec repertum, qui tollere aut ducere vellet, mox a patre agnitum, ut adolevit, pascendis suibus rus ablegatum: quum gregis pars aberrasset, pavitantem nec ausum reverti domum, fugisse Hispalim, atque inde in Indiam cum Alphonso Hoieda Urabensis provinciæ Præfecto transisse.

Fr. Pizarri  
natalium  
nobilium.

Vulnere lethali ictus Marchio animam agebat: Almagristæ nihil cunctati foràs se projicere, & per urbem volitantes vociferari, VIVAT REX ET DIDACUS ALMAGRUS. Ad eas voces multi amici Marchionis tumultu exciti concurrunt: inde vulnera & cædes partium: sed quum Almagristæ multitudine & animis longè superiores essent, facile



facile adversarios fundunt: Marchionis domum aliorumq; divitum civium amicorum ejus diripiunt, quorum alii capti, alii metu dilapsi fuga aut latebris discrimen vitavere. *Did. Almagrus filius Peruanæ provincie regimen invadit.* Didacus Almagrus Gubernatorem se ferens, omnes jurare in sua verba coëgit, quoad Cæsar Peruanis rebus prospiceret. Mox sceptum insigne Juridicæ potestatis familiarissimis suis tradit: trecentos milites legit: arma & equos, quibus non fidebat adimit: & summum Præfectum militiæ Johannem Radam designat.

His confectis, Cusco properat: ibiq; à nonnullis adversæ factionis civibus dissimulanter excipitur. Inter hæc jurgium fortè inter Garziam Alvaradum & Christophorum Sotellum nobiles Hispanos oritur: Alvaradus Sotellum mucrone transfigit: quumque Didacum ipsum per insidias interficere destinasset: Didacus, patefacto dolo, in Garciæ caput, quam ipsi struebat, perniciem vertit.

## CAPUT IX.

*Vacca de Castro à Cæsare componendis Peruanæ provincie motibus mittitur. Is Didacum Almagrum prælio victum captumque capitali supplicio afficit.*

**M**ox sequuntur alii rerum successus. Postquam enim Cæsar funestas Hispanorum discordias, Almagri mortem, Pizarri & aliorum cædes, audivit: *Vacca ad favos in domos co-ercendos à Cæsare mittitur.* Licentiatum Vaccam de Castro in Indiam mittens, quæstionem acrem exercere & vindicare in noxios jubet, ac provinciam quam pacatissime fieri posset, extinctis dissidiis componere.

His cum mandatis Vacca ex Hispania solvens, Panamam pervenit: unde in Peruanum regnum vela faciens, propter adversos ventos portum Bonaventuræ petere coactus est: ubi in terram egressus, summis cum laboribus omnem Venalcazaris provinciam terrestri itinere emensus, vix tandem Quiron urbem attingit. Ibi exploratis Didaci actis & consiliis, auditoq; eum Gomezii Tordoia imperium sprevisse, cui ut Cusco urbem Vaccæ nomine occuparet mandatum erat: Trugillum petiit, ejusq; civitatis tutela Moræ legato suo commissa, cum ducentis militibus, quos variis è locis raptim contraxerat, Limam contendit. Ibi regis literis mandatisq; coram editis, ab omnibus civibus Gubernator Peruanæ provincie agnoscitur.

Inde, decem millibus ducatorum mutuis sumptis ad stipendia & sumtus belli milites contrahit, arma & equos comparat, & cum quingentis Hispanis Guamangum properans, ex eo loco ad Didacum Almagrum scribit, qui jam Cusco cum exercitu moratur: ut positis armis se fidei ejus ac potestati permitteret. Si ultrò obsequeretur, pollicetur non tantum quæcunque ante peccasset ei condonaturum: sed & liberaliter datum, unde honorificè in provincia vivere & ordinis sui dignitatem fastigiūque tueri posset. Ad hæc Didacus respondet, Si ab eo patris sui præfecturam obtineret, & diploma Cæsareum, quo veniam præteritorum consequeretur, his se contentum fore: Sin minus, se ejus verbis parum fidei habere: quando quo tempore de fœdere & pace palam secum ageret, clam milites suos actu ad defectionem sollicitaret.

Vacca Didaci animo cognito, Guamanga, quod is locus asperior esset, movens progressusque, edito in planitie tumulo, quem indigenæ Chiuppam vocant, in conspectu hostium, confedit. Hic Didaco rei bene gerendæ præclara occasio se offerebat, si ea *Almagrus occasione uti nescit.* prudenter uti novisset. Nam Vaccæ milites, quum agmen in clivum montis erigerent, si defessos & solutis ordinibus subeuntes adortus esset, parva manu fundere poterat. Po-

stera



stera die ambo duces copias in aciem educunt, suosq; pro se quisque hortantur: victoriæ præmia ingentia ostentantes: victos contra, vitam, decus, fortunas, imperium, amissuros. Didacus suis tormentis loco plano constitutis, quibus Petrus Cretenfis præerat, recta in hostilem aciem fulminabat: magnamq; cladem hosti intulisset, ni id tempestivè animadvertens Franciscus Carvajal, Vaccæ Castri primarius signifer, aciem paulum ex eo loco in vicinum obliquans, ubi à tormentorum ictibus tuta esset, exercitum servasset. Didacus ab utroq; machinarum latere equitatum, pedites in medio constituens: ipse in dextro cornu stetit, ubi multos Indos lanceis, lapidibus, jaculis & variis missilium generibus armatos locaverat.

VACCÆ de Castro acies hoc modo stabat, ipse inter primores cum triginta equitibus cæteram aciem antecedens postea tamen suorum rogatur, in postremum agmen se ferecepit. Equitum alæ duæ ab utroq; cornu locatæ: dextrum Alphonso Alvarado, lævum Petro Alvarez Olguino, cum Regio vexillo tuendum datum: pedites in medium accepti. Indi, qui in Didaci auxiliis erant, primi ante cæteram aciem progressi, pugnam lacerantes, ab hostibus strenuè pelluntur. Tum Didacus ferociter in hostem invehitur: jamq; acri undique coorto certamine, Castrii pedites tormentis adversariorum potiti: & Didaci milites multis hostium cæsis, duo rapta signa referentes, omnia tumultu & dissonis clamoribus repleverant: quum jam propinqua nox & dubia victoria omnes ad pugnam acrius incenderet. Ergo utrisq; ad extorquendam hosti victoriam ingenti animo connitentibus multum ibi sanguinis fufum est. Ad extremum Vaccæ victoria fuit, sed can non incruenta. A parte Cæsaris, trecenti amplius Hispani cecidere, & ducum ipsorum pars maxima: Almagristarum centum ferme & quinquaginta: nonnulli Guaman-guam & alia loca, prout quemque fugatulerat, diversi petiere: sed Vaccæ iussu capti, Licentiato Gamæ traduntur.

*Almagrus  
ab amico  
cum fortu-  
na fidem  
exuente  
proditur.  
Almagrus  
capite ple-  
ctitur.*

Is cognitis omnium causis, in noxios, sed maximè in duces ipsos & seditionis capita, animadvertit: quosdam diversis equis distrahi, alios è patibulo suspendi iussit: milites aliquot exilio damnavit. Didacus ipse à prælio, sequentibus tantum quatuor militibus, Cuscon fuga perierat, eas sibi latebras tutas fore ratus: sed Rodericus Salazar urbis Prætor, quem ipse multis beneficiis donisq; honestaverat, clade ejus audita, quorumdam aliorum civium consensu eum correptum Vaccæ tradidit. Is Didacum capite plecti jubet: ejus morte provinciæ pax reddita. Mox Vacca Indos captivos inter milites, qui fidelem ac strenuam operam ei bello navaverant, velut prædam dividit: cæteros ad novas terras subigendas dimittit. Inde Indis de integro calamitates gliscere, quos Hispani, vacui bellis, aurifodinis exercendis, aliisq; intollerandis laboribus vexabant.

## CAPUT X.

*Blasus Nunnez Prorex SC. de Indorum libertate rigidus urgens Hispanorum odia in se concitat. Gonzallo Pizarro duce publicè adversus Proregem bellum ab eis suscipitur. Prorex Procuratorem regium interficit.*

*SC de Indis  
in libera-  
tem resti-  
tuenda.*

**D**UM apud Peruenfes hi rerum motus agitantur, Indicus Senatus, Cæsaris iussu, Edictum de Indis in libertatem restituendis de integro confirmat: & Peruanæ provinciæ Prorex designatur Blasus Nunnez Vela, ingentis spiritus atq; animi vir. Hic Cæsareo diplomate instructus, cum quatuor Adfessoribus, Licentiato Didaco Cepeta, Petro Ortizio, Johanne Alphearez & Doctore Lisone, ab Hispania solvit.

QUUM



Quum sub finem Januarii mensis, Anno M D XLIV. ad Nomen Dei appulisset, ibiq; Hispanos è Peruana provincia transgressos reperisset, cum magna auri & argenti vi discessum in Hispaniam parantes: cognoscere ex illis voluit, quibus artibus aurum illud quæssissent. Quippe istos Indica mancipia, quæ ipsis in parte prædæ obtigissent, vendidisse acceperat, contra leges nuper in Hispania latas. Itaq; Regiis magistratibus, ut aurum illud retineant, quoad verum quarendo cognosceret, imperat. Ea res multis civibus nova atq; insolens visa est: præsertim quum in ea urbe id ab eo tentaretur, quæ extra ipsius provinciæ fince esset. Ipse tamen nihilo secius, nisi adfessorum & aliorum Hispanorum, quorum opes in ea colonia multum pollebant, interventu ac precibus mitigatus esset, pecunias eas omnes haud dubie in fiscum redacturus erat: ac sic quoq; agrè admodum omnia dominis restitui iussit.

Exin terrestri itinere Panamam petit usq; adeo Adfessorum pertectus propter crebras ipsorum inter se altercationes, ut subinde diceret, Ab Cæsare & Senatu Indico se quatuor Adfessoribus ineptissimis instructum, quorum unus adolescens esset, alter stolidus, tertius stipes, postremus inscitia insignis. Quippe Cepeta adolescens erat, Johannes Alvarez stolidus, Petrus Ortiz, imperitus literarum, & Latinæ linguæ planè ignarus, & quartus stipes & ineptus homo. E Panama in Peruanum regnum vela faciens, decimotertio, quam solverat, die Tumbesiæ oram tenuit: neque ulla navis tam brevi cursu spatium illud umquam percurrerat.

*Proregis in  
Adfessores  
suos falsè  
dictum.*

Ab eo loco restituendæ Indis libertatis initium faciens, vetat, ne Hispanis quidquam comineatus aut mercium dent, nisi persoluto pretio, vetat, ne Hispani ipsis ad bajulanda onera & vecturam sarcinarum invitis abuterentur. Nam, qui ante eum ei regno præfuerant Gubernatores, edicto jusserant, ut omnibus Hispanis, qui pedibus iter facerent, eorum locorum Cicaci tres Indos bajulantis eorum sarcinis attribuerent: equitibus verò quinque: insuper singulis pullum gallinaceum, cuniculum, & patrii vini (quod illi *Azua* appellant) lagenam unam, sine ullo pretio præberent. Hæ omnia protrex sustulit.

*Indorum  
servitium sol-  
vunt.*

Quum fortè Tumbesiæ in sacerdotem & Gonzalli Pizarri clientem quendam domesticum incidisset, qui prælio adversus Didacum Almagrum gesto interfuerant, utrumq; in patibulum egit: in urbe San-Michaelis Didacum Palominum Indis vasallis privavit, quod eos durius & inclementius haberet. Gravissimè se in eos animadversurum minabatur, qui ipsius imperiis atq; edictis audientes non essent.

Inde Trugillium transgressus Edictum de Indorum libertate promulgat: quumque ab eo cives provocare vellent, provocationem non admisit, causatus se à Cæsare expressum disertumq; mandatum habere Edicti strictè adeo & exactè servandi, ut appellationem ab eo nullam aut exceptionem admitteret. Omnes obstinatum & inflexibilem proregis duritiam experti, & ipsum & leges, & earum latores diris execrabantur. Qui servos regio signo inustos habebant, vulgo fortem suam miserantes dicebant, nullam sibi aliam superesse opem, nullam præterea rationem, qua uxores, liberos & domum sustentarent. Qui eas provincias subegerant, conceptum animis dolorem perferre non poterant, palàm conquerentes: Postquam pro imperio & gloria Cæsaris corporibus & fortunis consumtis, ei opulentissimum & pulcherrimum Regnum suis manibus quæsserint, egregia scilicet sibi precia laborum persolvi.

SED eum acerrimè omnium perstrinxit Monachus Ordinis D. Mariæ (Petro nomen erat) quum in has voces erumperet: Indigna præmia suam Majestatem is redde-

D re,



Monachus  
inrempsti-  
ve liberta-  
tis penas  
morte iust.

re, qui tam fidelem & strenuam operam ei navant : & eas leges explendæ avaritiæ laras rapinam potius quam sanctitatem & iustitiam redolere. Neq; alio spectare omnia Edi-cta, quæ ex Hispania venirent, nisi ut auferentur Regii reditus. Itaq; his verbis offensus prorex noctu carnificem summisit, qui Monacho gulam frangeret.

Jam superbiæ proregis & durarum ejus legum fama ubiq; sparsa erat, quum Hispani malle se mortem oppetere, quàm ejuscemodi morem gerere legibus, palam ferentes, omnibus locis tumultum & seditionem agitant. Miserat fortè prorex Cuscon ad Vaccam de Castro legatum quendam suum. Is rogatu civium admittere cum in urbem noluit: ac brevi cum multi Hispanis, quo propius rerum statum inspiceret, in civitatem Regum contendit. Appropinquantem urbi cum magno comitatu cives admonent, ne ingre- diatur, quippe vereri se ne aliquid secus, quàm vellent ipsi accideret, ob exclusum prore- gis Legatum. Præterea quod tanto agmine stipatus veniret, suspicionem de se aliquam moturum. Itaq; Cuscon potius reverteretur, & civitatem Regis nomine obrineret. Sed Vacca regredi haud satis auctoritati suæ decorum existimans, maximam comitatus par- tem dimittit, quo minus suspectus esset, & cœptum iter peragit. Brevi Limam ingressus, commotum civitatis statum & res perturbatas offendit.

NONNULLI civium proregem monuerant, ut quamprimum posset, Trugillio ve- nire properaret, priusquam Vacca de Castro Limam ingrederetur : is ergo festinanter oppido egressus Limam magnis itineribus contendit. In itinere, eo loco cui Fossæ no- men est, inscripta parieti hæc verba repetit: *Quisquis fortunas meas ereptum veniet, matrem videat, quid agat. nam id quidem capitis sui periculo fecerit.* Præterea ei significatum est, decre- visse Limentis cives cum Perueni provincia ejicere, nisi edictorum effectum suspende- ret, quoad a Cæsare rebus aliter prospectum esset.

Prorex dum  
de summo  
jure nihil  
remittere  
vult, odia  
omnium,  
mox rebel-  
lionem ex-  
citat.

HIS simul de rebus plurimum indignatus Prorex Fossæ movet: quumque jam Li- mæ appropinquaret, Guilielmus Suarez Regius procurator (Factorem vulgo vocant) obviam ei egressus jusjurandum ab eo nomine Senatus exigit: privilegia videlicet, be- neficia, & jura ipsis à Cæsare concessa facta & recta conservaturum, provocationemque à novis legibus admissurum. Prorex jusjurandum ita concepit, Se, quæ ad obsequium & honorem Cæsaris pertinerent, ea omnia facturum. Ita civitatem ingreditur: maximæ parti civium parùm gratus ejus adventus fuit: sed multò acrius odia omnium in se ac- cendit, quum Edictum de liberandis Indis promulgasset: quumque à familiaribus ro- garetur, ne faceret, quippe seditionem adversus eum concituros Hispanos, contumaci- ter respondit, Se voluntatem suam & Cæsaris mandata prorsus exsequi velle. Mox etiam Vaccam de Castro in custodiam tradit, Edicta sua Cusci admittere noluisse eum arguens, & assumpta Gubernatoris auctoritate Indos inter Hispanos divisisse: postremò non facta à Rege potestate, armis adversus Almagrum certasse.

PROREX tum cæteris factis, tum maximè Vaccæ vinculis, cujus in se benevo- lentiam studiùmque multò quàm antea majus Limentes experiebantur, tantam omni- um civium invidiam, tantum odium in se concivit, ut plerique Hispani Gonzallum Pizarrum crebris literis sollicitarent, ut Cuscon quam celerrimè veniret. Incidisse res magni momenti, de quibus cum eo ibi agere vellent. Is tum fortè erat apud Ciarchas fodinis suis prorsus intentus, nec de his rebus quidquam cogitans: tum verò fre- quentibus nunciis & literis excitatus, Cuscon venit. Ibi conjurationis principes sævi- tiam Edictorum exponunt, quæ prorex attulerat: quàm etiam ipse intolerabili con- tumacia oneraret, omnem ab iis provocationem respuens. Itaque Gonzallum orare omnes

Gonzal Pi-  
zarrus dux  
Pizarrium.



omnes, ut propugnanda vitæ ac fortunis suorum summum se Ducem & Procuratorem partibus ostenderet. Polliceri ac jurare singuli se strenuam fidelémque operam navando fidem illi datam ad ultimum præstituros. Abnuere primò Pizarro, & id à se expectari petique non debere dicere: quippe Edictis repugnare, quid aliud esse, quàm repugnare ipsi Cæsari, qui eorum obsequium effectumque tam exactè urgeret? Verùm, qui eas terras subegerant coloni, inceptum suum ab omni rebellionis suspitione purgantes, & causam probantes, flexere tandem ut imperium illud à se suscipi pateretur.

HIS suffragiis Gonzallus Pizarro Gubernator & Procurator generalis Peruanarum provinciarum designatus, vexilla depromit, & brevi quadringentos amplius milites contrahit. Hæc ita Cusci gesta esse posteaquam Proregi allatum est, Hieronymum Loaisam Limensem Episcopum Cuscon ad Gonzallum mittit, oratum, ut suscepta adversus Regem suum belli consilia omitteret: ac Limam ad reconciliandam secum concordiam veniret. Id quidem eum pro certo habere posse, nullam ipsi incommodam Legem ab se allatam esse: imò venisse, ut eum ingentibus præmiis & meritis afficeret. Verùm Episcopus à Pizarro neque auditus, neque admissus, irrita legatione rediit.

PROREX, cognito Pizarri animo, metuens, ne ille prius ad Limam cum exercitu esset, quàm ipso bello necessaria parasset: quinquaginta tormentularios ad præsidium sui corporis comparat: quantum militum potest, contrahit: è variis locis nova subsidia arcessit: Quintæ vectigal retinet, quod Vacca de Casto confecerat, ut primo quoque tempore in Hispaniam mitteretur: ac præterea pecuniæ summam in sumptus belli & stipendia militum mutuò sumit. Itaque brevi ad eum Petrus de Puellis Guanuco, Gonzallus Diaz è Piura cum multis Hispanis è Quiteni provincia profectis confluent: sed isti paucis post diebus, quam Limam venerant, cum omnibus ferè militibus aliisq; trib. mil ad Pizarrum transfugiunt. Nec multò post aliquot nobiles, qui apud Factorem seu procuratorem regium in hospitio erant, cum duobus ejus nepotibus à prorege ad Pizarrum transivere. Id ubi proregi nunciatum, extemplò Alphonsum de Monte majore cum quinquaginta equitibus ad capiendos transfugas mittit. Ille fugientes assequutus, proditur à suis, & ab iis, quos persequabatur, capitur: inde omnes uno agmine ad Gonzallum Pizarrum concurrunt.

INTEREA prorex, quem non minus defectiones suorum quam hostium apparatus angebant, Factori in primis succensebat, ei utique vehementer infensus, quem totius mali causam esse suspicabatur. Tandem hominem noctu arcessit: vixque ille domum ejus ingressus erat, quum iræ impotens, Ecquæ tandem sunt istæ, quas moliris prodiones, Factor? in malam tuam rem huc ad me venisti, quem tu technis tuis pervertis. Ad hæc Factor: Ego tam bonus Regis servus sum ac Dominatio vestra. Prorex: Mentiris per gulam, inquit, simulque pugionem stringens gemino ictu eum confodit: deinde ingestis vulneribus confectum à domesticis, projici in præceps è cœnaculi pergula jubet: corpus ejus à proregis mancipiis licentia tenebrarum, quum nemini prohiberet, pedibus tractum & multis ludibriis vexatum est. ut illuxit, honorifico funere effertur.

LICENTIATUS Carvajal, ubi fratrem à prorege interfectum cognovit, juravit se non prius quieturum, quàm mortem ipsius ultus esset. Ea quidem Factoris cædes plerisque civium tantum terroris injecit, ut ne eadem à prorege in se exempla cederentur



vulgò pavitantes, Gonzalli Pizarri adventum ardentibus votis optarent, qui ipsis perperam eam formidinem demeret.

## CAPUT IX.

*Prorex Trugillum migrare constituit. Tumultu Limæ orto, capitur & custodiæ traditur. Gonzallus Pizarrius partium imperium & bellum in Proregem suscipit. Machicaus Panamam diripit. Inoiosa ei sufficitur, Verdugus Nomine Dei potitus, mox inde à Pizarristis ejicitur.*

**P**ROREX ut perfectò demum facinore magnitudinem ejus intellexit, omniumq; in se accensa odia, hostis debellandi spe amissa, cum Regio Senatu Trugillum migrare constituit. Instaurare eo loco vires cogitabat: itaq; quamvis repugnantibus Adfessoribus, duas naves instrui jubet, & Alphonsum Richelmum Regium Præfectum ærarii, Alphonsum rationarium Quæstorem, aliosq; præterea nobiles evocari jubens: negotium dat iis, ut in diem crastinum præstò sint. Quippe Trugillum navigare sibi esse in animo: & Velam Nunnez quidem fratrem suum terra cum militibus mittere: se verò cum conjugibus ac fortunis omnibus tum Adfessorum, tum colonorum, maritimo itinere abituros. Nulli eorum satis animi ad contradicendum fuit: ergò magis non ausi repugnare, quam consilium probantes abeunt, & omnia Adfessoribus enunciant.

*Prorex nomine persequente suam spectat.*

Illi, quum inter se ea de re deliberassent, Lima non excedere statuunt: simulq; edicunt civibus, ne conjuges, neu quid rerum suarum exportari & in naves imponi sinerent. Ipsi quoq; Proregi fortiter abnunciantes, commonefaciunt, si Lima discederet, hostibus aucturum animos: manentem contra frenos eorum audaciæ injecturum. Præterea sibi à Cæsare discretè mandatum, ut in ea civitate, non alibi, sedem figerent: neq; aliò migrare, salvo ejus imperio, sibi esse liberum. Prorex tamen omni obnunciatione & obtestatione neglecta, pertinaciter in proposito perstans, discessum parabat, quum in civitate ingens repente tumultus oritur. Rapta arma: Vela Nunnez stans in foro cum aliis Proregis ducibus, mox desertus à militibus, metu hostium in cœnobium San-Dominici confugit: alii domum Proregis irrumpunt, & fores occludunt: circumfusi ædibus civēs quadrantis horæ spacio Proregem obsident: quem milites clamoribus magis, quàm armis propugnabant: quum innoxii lancearum hastilibus, cuspidibusq; retro versis, subeuntem propellerent hostem, & fistulas ferreas sine globis in vanum disploserent.

*Lima ex strepitatione Proregis tumultus oritur.*

Tandem Antonius Robles scala in murum evadens, domum irrumpit: portam recludi jubet: Dominicani quidā Monachi Proregem adeunt, & ut sese dedat, admonent. Ille tandem eorum precibus expugnatus, Laurentii Aldenæ aliorumq; aliquot trib. mil. fidei sese permittit: & ad Licentiatum Cepedam deduci se jubet. Ut in conspectu fuit, ingenti dolore anxius, quod obviis quidam, ipsum dum deducitur, infesto tormenti ictu appetierat, Cepedam ita affatur, Domine Cepeda, inquit, rogo te, ne quis me interficiat, ut mei curam habeas. Cepeda cohortatus, ne pavesceret, eum domum suam deducit. Mox etiam Adfessores consolantur hominem, & se ejus calamitate gravissimè affici affirmant: se ut caperetur neque operam neq; consilium dedisse, sed quando ita accidisset, ut in ipsorum potestate esset, pro bono atq; ipsius utilitate facturos, ut eum in Hispaniam ad Cæsarem mitterent.

IN eo statu adhuc erant, quum civitatem novi de integro motus invadunt. Nonnulli Proregem solvendum, alii contra interficiendum censebant, aut cerè è civitate pellendum.



pellendum. Tandem diu multumque inter se altercati cives in eam sententiam omnes descendunt: Remittendum esse in Hispaniam ad Cæsarem, uti paulò antè diximus. Quippe ejus discessum multa sequutura commoda: Pizarrum videlicet arma positurum: pacatam fore provinciam: atque ea Cæsari satisfactura. Ergo quaestione de Prorege habitaeque culpa totius motus assignata, cum fratre in navim imponunt, centum amplius millia ducatorum domum referentem, quæ partim muneribus, partim stipendiis, partim rerum venditarum precii contraxerat. Eumque cum omnibus fortunis Licentio Alvarez in Hispaniam deducendum tradunt. Is ad Tumbesiæ oram appulsus, Proregem liberavit: quo facto ei mox exitium attulit.

*Prorex in  
Hispaniam  
remissus  
liberatur.*

EODEM ferè tempore Gonzallus Pizarrus Cusco movens (paulò antè interfectis Philippo Gottierez aliisque aliquot nobilibus, quod ad Regem multa adversus ipsum scripissent) duobus à Lima mil. pass. castra locat. Quumque ibi accepisset, Proregem solum Tumbesiæ exercitum contrahere: priusquam urbem ingrederetur, quo in se animo Assessores & nonnulli cives essent, cognoscere voluit. quippe non paucos inclinatis in Proregem studiis esse audiverat. Ergo à Senatu, omnium colonorum nomine, qui eas oras subegerant, civitatis imperium postulat, quantum id Regii obsequii respectus & totius provinciæ communis utilitas postuleret. Maxima civium pars deferendum ei imperium censebat, metuentes ne vi irrumpens urbem ipsam diriperet: alii, Cepeda maxime, valida militum manu contracta fretus, omni ope propulsandum contendebat: sed ubi cognovit maximam militum partem transisse in castra Pizarri: tum etiam à nonnullis, quod vim quàm leniores vias experiri mallet, correptus: quum illi sine utriusque partis gravissimo damno prælii aleam tentari posse negarent, speciosiora suadentibus accessit. Hæc enim simulata tantum erant: neque alio animo ab iis jactabantur, nisi ut Regis os fallaci obsequii specie sublinerent. Omnium ergo consensu Gonzallus Lima ingressus Gubernator, addita exceptione, dicitur: Nempe ea lege, ut quoties Cæsar de rebus aliter statuisset, ipse eo se munere ultrò abdicaret: interea illud fideliter pro boni & Christiani viri officio, sub Dei & Regis auspiciis & imperio gereret.

*Gonzal. Pi-  
zarrus Gu-  
bernator  
Peru. desi-  
gnatur.*

GONZALLUS jam Gubernatorem agens res civitatis componit, Senatum abolet, insidias ab eo metuens: quadraginta millia ducatorum à Regio fisco mutua sumit ad stipendia militum: Machicaum trib. mil. Panamam mittit: Doctorem Tejadam in Hispaniam delegat, qui Cæsarem de provinciæ statu, & quæ novas leges sequuta essent incommoda, certiore faceret.

*Machicaum  
Hispani  
scriptores  
vocant.*

MACHICAUS penuria majorum navium, duobus phaselis vela fecit cum quinquaginta tormentulariis: & oram præterlegens duas naves ad Trugillium, & unam in Tumbesiæ ora cepit: Proregi terrorem intulit: Johannem Lanez in fugam vertit aliquot milites in portu-vetere contraxit: & prope Tabogam nave una potitus, ejus magistrum, quod demissis properè velis in deditionem non venisset, ex antenna suspendit. Mox in Panamam appulsus, quum Johannes Gusmannus, qui militum pro Blasco Prorege destitutum habebat, eum ingressu urbis prohiberet, intercessit ejus provinciæ Gubernator. Nam quum audisset Machicaum non alia de causa eò appulisse, quàm ut Doctorem Tejadam, legatum & procuratorem à communi Peruënsis provinciæ ad ipsum Cæsarem missum comitaretur: Gusmannum cohibuit. quippe æquum non esse inquit legatis moram & impedimentum offerre, & nulla de causa humanis cædibus materiem occasionemque præbere. Itaque Machicaus patet aditus: ipse cum maxima suorum parte in terram egressus, naves aliquot, quæ in portu stabant, occupat: milites, qui Johannem



*Machicam  
Panamam  
diripit.*

Gusmannum deseruerant, omnes sibi adiungit, cum multis volonibus erronibusque, qui Nomine-Dei eò confluerant: Bartholomæum Perefium trib. mil. ejusq; signiferum interficit: ac multò plures interemisset, quòd initis de ipso occidendo consiliis ad exercitum ejus tradendum Proregi conspirassent, nisi sibi consuluisse fuga: tormenta urbi propugnandæ comparata capit: negotiatorum tabernas vestiendis militibus exhaurit, se alias pro mercibus pretium persoluturum pollicitus. Exactis per hæc scelera aliâq; multa aliquot mensibus, octo navibus & quadringentis amplius militibus auctus, Panama in Peru renavigat.

*Inoiosa  
Machicao  
sufficitur.*

*Proregis  
frater capi-  
te plectitur.*

PORRÒ metuens Gubernator Pizarus, ne prorex è Panama bello vires facilimè repararet, quod is locus navibus, quæ ex Hispania ad Nomen-Dei appellantur opportunus & commodus esset, eum portum sibi occupandum statuit. Sed quum audisset Panamenses cives & mercatores de Machicai latrociniiis & rapinis plurimum queri, abdicato ei munere Petrum Inoiosam in ejus locum sufficit. Non defuere, qui intercederent, & Machicao munus illud continuari vellent: sed hæc sententia obtinuit. Inoiosa, pro prætoris seu summi classis præfecti titulo auctus, cum centum quinquaginta tormentulariis è Calliao Limæ portu solvit inde oram præterlegens Velam Nunnez in portu Bonaventuræ cum viginti millibus ducatorum corripit. Is in eo portu duos myoparones instruebat, trajicere in Panamam, cogitans ibiq; proregi fratri suo milites conscribere. Eum captum Inoiosa Limam ad Gubernatorem mittit: qui mox eum tumultus cientem & colonias ad proregis partes fovendas sollicitantem capite plecti jussit.

INOIOSA præterea Gonzalli Pizarri filium, quem captum Vela Nunnez secum ducebat, recuperat: & cum ea præda è portu Bonaventuræ solvens tribus navibus & duobus myoparonibus, Panamæ oram tenuit. Ibi tum fortè Johan. Lanez milites proregi contrahebat. is, ut naves conspexit, extemplò pulsari tympana jubet, & in forum cum militum agmine progressus, quantum niti voce poterat, cives inclamat: Proдите foras proditores, & Regiam provinciam à tyrannis defendite. Hæc verba multorum indignationem odiumq; in eum commoverunt.

POSTERA die Petrus Casaus summus ejus provinciæ prætor (Justitiarium majorem vocant) Joannis Lanez rogatu, milites Nominis-Dei colonia excit: simulq; ad Inoiosam mittit, qui causam adventus ejus quærerent. Ille se ad Ferdinandum Machicai nomina Luenda & dissolvenda venisse, respondet: eo facto, mox in Perusum regressurum. Attamen ubi ille Panamæ arma in se sumi & vim parari intellexit: nec pati ullo modo velle Johan. Lanez, ut urbem intraret: milites in terram exponit, & inter prominentes littoris scopulos collocat: myoparones cum aliquot tormentis oram radere jubet. Altera ex parte Johan. Lanez Panama obviam egressus, cum trecentis amplius Hispanis, castra prope hostem locat. Jamq; tormentarius, jussu Lanefii, machinæ uni, ignem immisurus erat: quum Monachus quidam ordinis D. Mariæ, crucifixi imaginem gestans, cum Petro Cabrera mula circumvestus, Pax, Pax, alta voce proclamatur.

*Inoiosa, stragem.*

PROGRESSI ad colloquium utriusq; partis duces, his legibus fædus incunt: Ut Inoiosa viginti quinq; tantum militibus comitatus urbem intraret: Reliquum exercitum & naves & Tabogam insulam procul urbe removeret, donec Machicai debita persolveret: postremò nobiles viros duos, quoscumq; Lanez legisset, fidei obsides daret. Inoiosa his acceptis conditionibus, Balthasarem, comitis Gomeræ filium, & Paulum Menesium trib. mil. obsides tradit. Ita fallacibus promissis circumvento Lanefio, pax inter eos componitur. At paulò post, quum persolvendis militum stipendiis pecunia Lanefio deesset,



deesset, milites ejus terni quaternive ex urbe in Tabogam commeantes & ludicris cantionibus, quo minus suspecta res esset sese oblectantes, per omne induciarum tempus, paulatim omnes duci suo elapsi ad Pizarristas transfugere. Ipse tandem ab omnibus destitutus, uno reliquo pedisequo, fugæ comite, Panama decedit, & Carthaginem sese recipit. Inojosa orbam præsidio urbem cum exercitu intrat, festas inter militum voces clamantium, *VIVAT REX ET GONZALLUS PIZARRUS*. Mox ad Nominis-Dei coloniam occupandam & eum portum tutandum Petrum Cabreram & generum ejus cum duabus cohortibus mittit.

NON multò post Melchior Verdugus, Pizarri partibus infestus, cum ducentis militibus per emissarium Nicaraguenis lacus secundo amne defluit. Ad Nomen-Dei noctu fortè quum appulisset, milites exponit. Egreduentium in terram militum tumultu excitati coloni, Gallos esse arbitrati, in silvas confugiunt. Melchior in Cabrerae aedes ignem injici jubet, illum simul conflagraturum cum domo ratus: sed jam ille in Panamam cum genere aufugerat. Ad eum modum Verdugus Nominis-Dei potitus, eam præsidio munit.

At cives, quum multas à militibus injurias quotidie paterentur (illi enim militari licentia merces & quæq; obvia rapientes, aliæq; infanda edentes facinora, jus etiam prætexebant sceleribus: Id nimirum merito iis accidere, qui tyrannos adversus Regem defenderent) graves de illatis sibi à Verdugo damnis & injuriis querelas ad Doctorem Riveram, ejus provinciae Gubernatorem, deferunt. Is Panamæ manebat: actum Petri Inojosæ auxilium implorans, cum eo Nomen-Dei cum centum & quinquaginta tormentulariis properat. Prius tamen, quàm vim adhiberet, Verdugum obtestatur, ut præstitis impenis & pensatis damnis, quæ colonis intulerat, provinciam suam extemplo repeteret, Id, nisi spontè faceret, vim & arma expectaret. Ad hæc Verdugus, Et eum & colonos graviora mereri, quando tyrannos in regia provincia foverent, respondet. Inojosa tam contumacis responso offensus, civitatem irrumpit, suos undique invadere hostem jubet. Verdugenses tanta tormentulariorum copia perterriti, ad hæc, ut qui nihil præcavissent, in compositi inordinatæque, omissa sui defendendi cura, terga vertunt: & princeps fugæ ipse Verdugus in myoparonem raptim insiliit: certatimq; milites navigia è portu moliti inde omnes, præter unum vulnere impeditum, trepida fuga excessere.

## CAPUT XII.

*Centenus à Carvaile funditur. Prorex prælii fortunam adversus Pizarrum expertus vincitur & interficitur.*

**H**Æc Panamæ & Nominis-Dei gerebantur: interea Gonzallus Pizarrus ad opprimendum Didacum Centenum, rebellionem adversum se molientem Franciscum Carvajalem præfectum castrorum legatum suum mittit. Is Centenum ad Potosiam assequutus, aggreditur funditque, usq; adeo captivis militibus immitis ut omnes suspendi laqueo juberet. Centenus ipse inter tumultum cum Lodoico Rivera & famulo uno in montes quosdam asperos Indis habitatos elapsus non procul Arequipa, perniciem effugit. Carvajal ea victoria insolescens & varia per loca infesta arma circumferens, omnia sanguine, ferro flammisq; miscuit, Ciarchas diripuit: atq; ex eo loco Arequipam, deinde Culcon regressus, latrocinii, suspendiis, & corporum dilacerationibus quoscumq; Regis partibus faventes cepit, atrociter vexavit.

EODEM



*Prorex vi-  
res instau-  
rat.*

EODEM ipso tempore prorex in Popajano, provinciæ Venalcazaris agro erat : à Gonzallo Pizarro instante acriter cedenti diu jactatus, ejus manus vix effugerat : tum verò ibi delitescens, quum mendaci fama accepisset Pizarrum è Quito Limam concessisse, etsi captivitate fratris non mediocriter angeretur, spem tamen recuperandi imperii, vindictæq; à Pizarristis expetendæ, non omnem abjecit. Itaq; Sebastiani Venalcazaris ope quadringentos Hispanos contrahit, acieq; instructa procedens : ubi Ottabalum pervenit, Gonzallum nec Limam profectum, nec procul abesse cum valido exercitu adversus ipsum venientem cognoscit. Hoc tam inopinato nuncio perculsus sub vesperam crebris ignibus ad fallendum hostem passim excitatis, inde prima ferè vigilia movit : & per invios saltus atque aspera tesqua raptim exercitum ducens, ne ullo quidem quietis momento ad relaxandum laborem dato, totam eam noctem & magnam sequentis diei partem, ducibus Indis, ingens viæ spatium emensus est, ac vix tandem fatigatus & propè exanimatus siti, Quito pervenit. Ibi quum Numidica mulier aquæ ampullam unam ei porrexisset, sitim restrinxit : & à civibus de exercitu Pizarri diligenter sciscitatus, ubi validum esse comperit, aliquantulum expavit : mox collecto animo, multis consulentibus ut positis armis Gonzalli fidem ac clementiam experiretur : Vel mori strenuè sibi esse melius respondit, quàm se tali viro, id est, tyranno, dedere.

*Prorex à  
Pizarro vi-  
ctus infici-  
tur.*

EXINDE nonnullorum fidei civium diffusus, Quito egreditur, & tribus ab urbe pass. millibus in modica planitie, castris locum deligit. Pizarro, quem dispersis passim exploratoribus nullæ hostis res fallebant, fuga proregis comperta & quanto flexu viæ copias circumduxisset, milite sequi jussu cedenti instare constituit, & postera die patentibus locis eum adeptus, castra castris contulit. Prorex animosius, quàm prudentius suos in aciem eduxit : neque illi pugnam detrectant. Ac primo congressu tormentularii Pizarri pilis plumbeis hostium aliquot obriverant, hinc trepidantes equitum alæ proregi circumfunduntur : ille animosè pugnam ciens omnes pariter in hostem ducebat. Sed transversam regionum aciem equitum turma duce Cepeda incurfâns, facili mē perripit. Prorex ex equo dejicitur, quumque oppressus pondere armorum niti ad resurgendum non posset, ignotus aliquamdiu inter suorum hostiumq; stragem fefellit. Mox quum Quitensis aditus illac fortè prætervectus, propius se ad eum applicuisset, tum prorex : Abstine à me manus, inquit : ego sum prorex. Sacerdos, Opportunè : tu is es, quem nos quærimus. Ac confestim ad Licentiatum Carvajalem accurrens, latum illi hoc nuncium perfert. Is Factoris fratris sui cædem ulcisci ardentissimè cupiebat, quem prorex manu sua, ut ante diximus interemerat. Ergo properabat, ut jacentem hostem confoderet : ni Petrus de Puellis descendere equo parantem cohibuisset, Haud satis decorum ipsius auctoritati ejuscemodi facinus edere, admonens. Ille igitur, servo ad cædem misso, proregem obruncari jubet. Interfecti caput abscisum Quito Carvajalis jussu deferitur, & patibulo, unde capita noxiorum pependerant, affigitur. Neq; eo ludibrio contenti nonnulli, barbam etiam contemnim vulerunt. Tandem tamen corpus sublatum, deportatur Quito, & postera die jussu Gubernatoris honorificè conditur.

*Sup. cap. 10.*

Eo prælio Pizarristarum quinque, cecidere, aliorum paulò plures. Gubernator moderatè victoria usus, cum hostibus clementer egit. Venalcazarem quoque, quamquam adversus se pugnasset, donis prosequutus, in suam provinciam remisit, & aliquot præterea prætores & duces. Bonitiam Præfectum ærarii, & alios Quitenses cives captos, Chilen in exilium misit. Sed illi comparata clanculum navi in novam Hispaniam aufugere. In Guajaquil Manuelem Statium præfectum misit : ad Portum-veterem, Lupum Ajalam :



lam: Saufam Alphonfum Mercadillum: Trugillum, Didacum Moram. Ad hunc modum cæterarum civitatum imperiis distributis, Petrum de Puellis quoq; legatum Quito præficit, & inde progressus in civitate Regum ingenti omnium lætitia exceptus est.

## CAPUT XIII.

*Petrus Gasca componendis Peruanae provincie motibus mittitur à Cæsare. Ad Gonzallum Pizarrum scribit. Pizarri & rebellium responsum. Multæ urbes à Pizarro deserviunt. Centenus Cuscon occupat.*

**U**TER hos Peruenfium motus, nuncius affertur Cæsari proregem à Limensibus captum, à Gonzallo Pizarro motam contumaciter rebellionem & sumpta adversum se arma. Ex quo ingenti dolore affectus est, graviter Adhesores inculpans, quod talia consensu suo approbassent. Mox comperto, præcipuam mali causam à prorege ortam: illumque, quum nollet provocationem à novis legibus admittere, seditioni materiem & flammam subdidisse: aliquantum mitigatus, ne provincia majus detrimentum acciperet, superioribus vulneribus sanandis quieti ingenii hominem legere instituit. Nemo ad eam rem Licentiato Petro Gasca aptior visus est, viro quem astutissimæ vulpis quam ferocissimi leonis similiorem facile esse crederes. Hunc Præsidis titulo auctum omnique imperio, autoritate, & quibuscumque voluit petiitque literis ac diplomatæ instructum, in Perusium mittit.

Is Licentiato Cianca & Renterio comitibus adjunctis, Anno M D XLVI. ex Hispania vela fecit, ac prospero usus vento quinquagesimo quinto, quam solverat die, ad Nomen-Dei appulit. Inde terrestri itinere Panamam progressus, quam occultissime fieri poterat, quo statu Pizarri res essent, sagaciter odorando & sciscitando pervestigabat. Si quando à Pizarristis fortè interrogaretur, quam ad rem ex Hispania missus esset, omnibus comiter ac sæpè capite aperto respondebat, Se ad componendos Peruenfes motus, & abroganda edicta, quæ prorex attulerat, venisse: ac oblatis venia omnibus, quæ deliquerant, summo opere se cupere eas provincias in pristinum statum reducere, ut omnes honestè pacificeq; viverent. Interdum etiam familiarius cum gregariis militibus sermonem socians, bono animo & hilari esse jubebat: se omnia velle recta & molli via consequi: quin etiam divitiis omnes expleturum pollicitus, non se aliò tendere affirmabat, quàm ut jus earum provinciarum recuperaret: & ipsi agnito errore sub imperium Cæsaris redirent.

His & aliis multis ejuscemodi splendidis dictis omnium oculos perstringens, simul Inojosam aggreditur, & ad tradendam sibi cum exercitu classem sollicitat. Dein ad Pizarrum literas mittit, (b) quarum sententia hæc erat: Si imperium & arma spontè poneret, veniam ipsi omnium anteaكتورum à Cæsare tribui, & abrogatis legibus novis omnibus. fortunæ suas relinqui. Porro, nec eorum, qui ipsius partes hæctenus sequuti essent, fidei nimium inniteretur. quippe illos, simul ac vocem Regis audissent, veniam & pacem offerentis, omnes ab eo ad unum defecturos, & perniciem eosdem ipsi allaturos, quibus salutem suam crederet.

His acceptis literis Pizarrus, advocato primorum consilio, omnes sententiam liberè dicere jubet. Illi, re diu multumque deliberata, tandem congruentibus fermè

E

in



In unum omnium sententiis decernunt, Primum omni ope Gascam Peruanæ provincie aditu prohibendum esse: deinde mittendum legatum ad Cæsarem, qui de proregis morte ei explorata omnia & certa referret: tum Regiæ ejus Majestati supplicaret, ut propitia volensque provincie imperium Gonzallo Pizarro confirmaret. Id, si ab eo impetrarent, magnam vim pecuniæ ei se ultro contributuros. His decretis, F. Hieronymum Loaisam & Laurentium Aldanam in Hispaniam delegat, ac Epistolam ad Gascam præsidem communi omnium nomine scribunt, legatisque eam sexaginta quatuor Provincialium, qui eas terras pro virili parte manu ceperant, chirographis subscriptam & obfignatam ad eum perferendam tradunt. Exemplum ejus infra scriptum est.

*Gonzalli & parium ad Gascam magnanimum responsum.*

MAGNIFICE Domine, te Panamam advenisse, & nunc quoque de tractu in Peruensem provinciam cogitare, accepimus. Equidem si paulò maturius & ante proregis mortem venisses, id nobis non minus jucundum, quam utile futurum fuisse testamur. Nunc autem post tot intestina bella & Hispanorum cædes non tantum parum tutus in has provincias adventus tuus, verum etiam detrimentum aliquod gravius allatus est. Quare multò satius videtur, & cum publico omnium bono conjunctum, ut tu in Hispaniam cum legatis nostris redeas, quos ad Cæsarem mittimus, ut ei horum motuum causas successusque & consilii nostri summam exponant: petantque ab eo, ut Gonzallo Pizarro hujus provincie imperium proroget ac confirmet, periculoso omnium viro ac longo rerum & tractandæ provincie usu assuefacto: qui etiam propter singulares ipsius virtutes ab omnibus meritò velut parens patriæ habetur & diligitur: qui provinciam pace & justitia regit: qui Regia vectigalia ac redditus sanctos rectosque præstat. Ac nos quidem eam gratiam à Cæsare accepturos confidimus, propter egregiam in eum merita & constantem in obsequio & fide perseverantiam: quam, etsi ab ipsius legatis & præfectis bellis civilibus & rapinis adeo voracibus, ut ne vectigalibus quidem Regis pepercerint, crudeliter vexati, integram hæcenus retinimus. Facile quod nos ei probaturos speramus, quæcumque propugnandi nostri causa sumptis in eos armis gessimus. quidquid enim hujus fecimus, quod leges permittunt, juris nostri tuendi gratia fecimus. Quare veniam aut gratiam criminum nullam ab eo petimus: quando deliquisse in eum aliquid nobis conscii non sumus. Te verò pro eo studio ac zelo, quo hæcenus semper in Dei cultum & Regis obsequium affectum esse præ te tulisti, magno pere oratum volumus, ut Hispaniam repetas, & quæ his provinciis recreandis commoda necessariaque esse pro tua prudentia perspicias, ea coram ipse Regiam majestatem edoceas. Quod te quidem ita facturum speramus.

LITERAS quoque dant ad Inojosam (& hoc idem Pizarro Laurentio Aldanæ in mandatis dedit) ut Petrum Gascam L. millibus ducatorum donatum in Hispaniam remitteret: aut si potius ita videretur, eum interficeret. Id mox, allatis Panamam literis, Laurentius Aldana præsidem Gascæ indicavit, monuitque, ut ab occultis hostium insidiis ad ipsius cædem structis caveret. Præterea ei pro certo retulit Pizarrum numquam sponte passurum, ut Peruanam provinciam intraret: quamquam alioqui complures bene in Regem animati eum multò libentissimè usuri essent. Cæterum quum Inojosa nullo pacto adduci posset, ut classem Gascæ proderet, nempe fidei Pizarro data nondum immemor, ad ultimum tamen Cæsareis literis inspectis, quibus antea eorum omnibus, qui à Pizarri factione ad Regem descivissent venia dabatur, expugnatus eam tandem tradidit: Tanta re tam facile potitus Gasca, sine qua frustra in oppugnando

*Inojosa  
classis Pi-  
zarri Gascæ  
prodit.*



quando Pizarro se fatigasset, ingenti lætitia, eundem Inojosam ut ante classi præficiens: ceteros quoque classiarios duces suo quemque gradu atque ordine, quem prius obtinebat, relinquit. Simul Nomine Dei aliquot tormenta & machinas advehi jubet, quas ex Hispania transfulerat: mox etiam Mexico, Guattimala, Nicaragua, Dominica, missis ad præfectos literis, milites, equos, arma, commeatus, contrahit: pecunias in stipendia militum mutuas à mercatoribus sumit: Laurentium Aldanam ad promulgandas Veniæ generalis literas & novarum legum abrogationem, tribus navibus in Perusium mittit.

ILLE Panama solvens, nullo loco prius terram attigit, quàm in Calliaum Limæ ostium pervenisset. Inde navim unam è tribus Trugillium, alteram Arequipam mittens, pluribus simul locis Regia diplomata & classis defectionem evulgat. Quæ ex re factum est, ut maxima pars civitatum, fama de classæ ab Inojosa Gasca prodita sparsa, à Gonzalo Pizarro deficeret. Primum Trugillii Didacus Mora, Quito Rodericus Salazar ab eo descivere, quorum hic Petrum de Puellis jacentem in lectulo pugione confodit: Franciscus Ulmeus in Guajaquil Emanuelem Statium interemit, jam tribus aliis in Puna insula civibus interfectis. Quæ quidem cædes jam refixo explicatoq; adversus rebelles & proscriptos vexillo Regio, impunè grassabantur.

QUUM fortè tantas inter rerum procellas ad portum veterem essem, Didacus Mendez Lupum Ajalam cepit, Moralem trib. mil. strangulari jussit: sed ab istis hæc ulciscendi potius rabie quàm studio justitiæ fiebant. Didacus Centenus à Didaco Alvare Arequipa excitus è montium latebris, in quas se abdiderat, prodit, & se Alvari jungit, affluentibus quotidie aliis, cum octoginta Hispanorum globo, quos ejusdem causæ fors aggregaverat, Regis nomine Cusco occupare properat: eam tum trecentorum militum præsidio Antonius Robles obtinebat, quos paulò post ad Pizarrum ducturus erat. Id, ut comperit, Centenus noctu urbem intrat: hostes incautos & sopitos opprimit. Multi trucidati, vulnerati plures: dux ipse vivus capitur: ei Centenus cervices abscindi jubet, & ceteram multitudinem, amisso duce, sub imperium Regis faciliè redigit.

QUA victoria admodum inflatus, Cusco movet, & Potosiam adversus Alphonsum Mendozzam & Johannem Silveiram contendit. Hi duo Pizarri legati erant, eo loco jussa ejus cum valida manu expectantes: sed ubi Centenum adventare intelligunt, ei obviam ultro egressi copias junxere. Quibus ille viribus auctus Tiquacacensis lacus claustra occupat, & cum exercitu ibi confidit, eo consilio, ut præsidem opperiens, simul obfesso eo transitu omnia itinera hosti intercluderet.

(b) PETRUS Gasca longa epistola Gonz. Pizarrum monuit, ut abdicato Gubernatoris munere, sponte sub fidem atq; imperium Cæsaris concederet. Ejus exemplum extat apud August. Zarat. hist. Peru. lib. 6. c. 7. Eam per Petrum Hernandum Paniaguam misit, simulque Caroli Cæsaris literas ad Gonzal. Pizarrum scriptas, Anno MD XLVI. Earum literarum sententia hæc erat:

## R E X.

GONZALLE Pizarre, tum literis tuis, tum aliorum relatu, certiores facti sumus de exortis in Peruanis provinciis motibus, ceterisque rebus, quæ ibi acciderunt, ex quo Prorex Blasius Nunnez Velazquez noster, & cum eo Regie Curie Auditores eò missi sunt: quod nimirum illi novas leges atq; Edicta à nobis facta ad justum earum regionum regimen, & clementer tractandos earum indigenas, rigidius exsequi vellent. Ac certum quidem habemus, nec te, nec eos, qui te sequuntur, eo consilio secessisse, ut imperium nostrum exueretis: sed tantum, ut rigorem & asperitatem declinaretis, qua dictus Prorex ita uti strictè volebat, ut nullam ab iis legibus provocationem admitteret. Itaque, totius veritate accuratè

E 2

perspecta



perfecta, simul audito Fr. Maldonado, qui abs te & Provincialibus colonis missus nobis omnia retulit: Licentiatum Gascam, è sancta & generalis Inquisitionis corpore ac consilio nostro eò mittere visum est. Quem idcirco mandatis ac potestate instruximus, ut eis terris pacè ac quietè reddita, quæcunque ad Dei cultum provinciarum constitutionem ac decus, & colonorum, clientium nostrorum, & indigenarum, commoda pertinere ipsi videbuntur, ea omnia curet ac provideat. Quare vobis mandamus atque injungimus, ut quæcunque dictus Licentiatum nostro nomine vobis edixerit, ea præstetis, ac perinde dicto audientes ei sitis, ut si ea à nobis ipsis mandata essent: tum ut quantocunque poteritis, favore & ope eum juvetis, quo facilius commissæ à nobis perficere & exequi possit. Quod vos præstituros confidimus. Ac me quidem scito habere in memoria, & habiturum beneficia & officia in me vestra, tum quæcumque Marchio Franciscus Pizarrius frater tuus imperii mei propagandi causa præclarè & fortiter gessit: atque eorum tum liberis ejus, tum fratribus suo tempore præmia persoluturum. VENELO, XVI. die Februarii, Anno M D XLVI.

EGO REX

Mandato sue Majestatis:

Franciscus de Fraño.

#### CAPUT XIV.

Gonzall. Pizarrum amicorum præcipui deserunt. Centenus ab eo prælio vincitur. Chilensem provinciam, suadente Carvajale, petere abnuut.

Gōz. Pizarri in vicibus in adversis animus.

**I**NTEREA Pizarrius è Regum-civitate miseram partium ruinam, & paulatim diffugientes cum fortuna amicos, conspiciens, eos præsertim qui suscipiendi hujus incepti præcipui ipsi autores & participes fuissent: ac jam à Petro Inojosa, in quo uno maximè spem ac præsidium rerum suarum collocaverat classem Gascae proditam, atq; ab omnibus ferè sociis populis sumpta in se arma: ingenti quidem dolore percuti, non tamen tot adversis casibus frangi aut animum abjicere. Itaque adversum mala insistens spei, Johannem Costam ducens cum militibus Trugillium adversus Didacum Moram mittit: sed is, quum Didacum Cassiamalcam concessisse, & se validiorem esse comperisset, Limam revertitur. Eum mox Pizarrius cum majorebus copiis Cuscon ablegat, ut inde Centenum ejiceret, quem in ea urbe esse existimabat. Paulo post istius discessum, Laurentius Aldana Limensem portum quatuor navibus invecus, ingentem Pizarri exercitui terrorem intulit.

Pizarrius a-  
mici  
pau-  
sae  
miser-  
tur

IN ea trepidatione Johannes Rojas & Alphonfus Maldonatus cum multis aliis Pizarrii deseruere. Pizarrius, ne plures ad hostem transfugerent veritus, Lima Arequipam migrare constituit: sed ne ea quidem res Licentiatu Carvajalis fugam morari potuit, qui cum omni familia, cognatis & amicis repente à Gonzallo defecit. Ejus hominis transitio Gubernatoris animum vehementer pupugit, quod is è primoribus exercitus ducibus erat, & inter omnes amicos præcipuo honore cultus à Pizarro. Ergo ipse Lima excedens, per celeres equos ad Johannem Costam scribit, ut quam celerrimè Arequipam veniat. Quum prope Guamanguam esset, Sortus summus Præfectus castrorum Martinus Ulmeus trib. mil. cum maxima cohortis parte, eum deseruerunt. Interea Arequipam ipse, Laurentius Aldana Limam ingreditur, & vexillum Regium attollit.

GUBERNATOR, reverso Johanne Costa, dubius animi, cum & reliquos amicos, qui



qui fidem non mutaverant, in consilium adhibet, quid optimum factu esset exquirens: neque enim jam de imperio, sed de salute agi, itaque quando retinenda provinciae nulla spes esset, vitae saltem consulerent. Quum omnibus nova exilia, novas quarendas terras placeret, & ad id Chilensis provincia opportuna videretur: Pizarrus militem ire in ordines & disposito agmine ingredi jubet. Quingenti ferme Hispani milites, multis Indis lixis & calonibus admixtis, erant.

At Pizarrus cogitans recto itinere tendentibus necessario transeundum esse, qua Centenus cum mille ac ducentis Hispanis angustias quidam infederat, Franciscum Spinofam cum triginta equitibus viam propter alveum Tiquacacensis lacus sequi jubet, ut hosti velut illacituri speciem praebens, eum ad impediendum transitum in illam partem averteret. Ipse vero diversa via Carvajale praefecto castrorum cum toto exercitu praemisso, per Uscovium asperros Guamanga montes perstringens tendebat. Ibi sacerdos fortè repertus, Casarei exercitus explorator, ab eo suspendi iussus est. Centenus ab Olca trib. mil. qui ad eum transiverat, de Pizarri consilio edoctus, ex eo loco movet & Pucoranum properat. Pizarrus ubi hostem recta ad se tendere comperit, se Guarinae saltu & hostilibus copiis clausum ac viribus imparem: mittit ad Centenum, Se provincia omni ultrò excedentem in Chilen migrare: proinde transitum liberum abeunti concederet. Centenus enim verò negare se daturum: sed petere ut se in ipsius fidem ac potestatem permitteret. At Pizarrus, TU NON ES REX, inquit, ut me tibi dedam: tu nuper unus è meis clientibus & domesticis eras: verum quum fortè aliquid à me flagitanti negassem, tu adversum me arma sumisti.

Ab hoc responso Centenus ulterius pergens, emissarius Tiquicacensis lacus ponte intercisso, Pucoranum pervenit, ibiq; xv. millib. pass. à Pizarro castris positus aliquot dies confedit, ratus haud dubiè Pizarri milites ad se transitionem facturos. Verum ut ab illis nihil moveri videt, octo millia pass. propius hostem admotis castris: copias Alphonso Mendozæ & Johanni Silveræ legatis tradit. Ipse, lateris dolorem causatus, cum Johanne Solano Cusensi Episcopo in tutum locum secedit. Alphonfus Mendoza & collega, quibus hostem ultrò aggredi certum erat, aciem tumultuariè, ac contentu hostis negligenter ordinant. siquidem jam certam victoriæ spem praeceperant animis, multa & vana jactantes & ludicra inter se cientes certamina, quum videlicet se Pizarristis, etiamsi triplo tantoplures essent, facile pares esse dicerent.

CARVAJAL de ordine & loco, in quo hostium acies instructa stabat, ab exploratoribus edoctus, confestim ad Pizarrum, Illustrissime Gubernator (inquit per Deum iurans) ecquid proditores istos invadimus? quid cessamus? victoria quidem in manibus est. Simulq; dispositis agminibus, cum maxima tormentulariorum parte ceteram aciem strenuè antegressus, repentino incursu hostium stationes irrumpit. Ac primo quidem congressu tormentularii ingentem stragem faciunt. Sed Alphonfus Mendoza cum xl. tormentulariis, & omni suorum equitatu in Pizarri alam vehementer invecus, propè in fugam verterat: ni Carvajal huc illuc ad animandos milites agmina obequitans, quanto in discrimine esset Gubernator, unum advertisset. Simulq; is Johannem Torrem ad operi ferendam nomine ciens: Agedum, inquit, patrono nostro succurramus, qui in magno periculo est, ni maturè subveniatur. Ergo accitis promptissimis in eam partem accurrentes, praelium instaurant, nec tantum labantem sustinuerunt aciem, sed omnibus viribus ad victoriam conmissi, pepulere hostem. Tandem Centeniani, quum furentium inimicorum impetum tolerare non possent, abruptis ordinibus & defessi funduntur. Simul ac

*Praelium  
Pizarri  
cum Centeno.*

*Pizarri victoria de Centeno.*



suorum fugam Centenus è tuto conspexit, non expectato Episcopo, insiliens in equum aufugit. E Pizarri exercitu circiter octoginta Hispani cecidere. Cepeda & Johannes Costa vulnerati sunt. Ex hostibus quadringenti & quinquaginta desiderati sunt: in iis Johannes Silvera, & alii trib. mil.

SECUNDUM eam victoriam Pizarrus Carvajalem cum xxx. tormentulariis versus Arequipam mittit, si fortè Centenum fugientem exciperet. Is Centeno non reperto, urbem intrans aliquot cives pecuniis spoliat. Pizarrus Bobadilium trib. mil. cum totidem militibus, Ciarchas petere jubet, & quidquid equorum armorumq; nactus esset capere: Machicao & sex aliis Hispanis gulam laqueo frangi curat, quod sub initium pugnae ad Centenum transfugissent: cæteris ignoscit, quum fidelem ipsi operam præbituros in posterum promitterent. His gestis Guarina movens Cuscon petit: urbemq; intrans cum ingenti omnium civium metu, Licentiatum Martellum & duodecim alios è primoribus civitatis suspendi jubet: ex auro & argento arma fabricanda curat, urbemq; excubiis & valida custodia firmat.

*Proditorum  
numquam  
sua fides.*

*Pizarrus  
sano consi-  
lio uti ne-  
scit.*

TRADUNT nonnulli, Pizarrum à Carvajale monitum, ne militum, quos ex Centeni clade collegisset, & aliorum præterea quorundam fidei crederet, quippe prodituros eum ubi se occasio tulisset. Verum potius in Chilensem provinciam concederet, quacunque transiret terram urens populansq; & sequentibus hostibus omnia vastitate præripens, ne commeatus militi, neu pabulum equis suppeteret. Porro ad hæc respondisse Pizarrum, Sibi stare animo, aut vitam amittere, aut provinciam servare. Tum Carvajal, horribiliter dejerans: Age, inquit, pergamus, quando ita lubet, Illustissime Gubernator: mihi quidem scias tam bonas cervices esse quam Dominationi tuæ. Equidem si tam sapientis consilii ratio à Pizarro accepta esset, frustra in eo persequendo Petrus Gasca caput scaberet, & incassum se ac militem fatigaret, nihil ex eo incepto præter irritum laborem in Hispaniam relaturus. Verumtamen Pizarri res eum exitum habere necesse erat.

## CAPUT XV.

*Gasca in Peru trajicit, Pizarrum prælio vincit. In eum, in Carvajalem & cæteros noxios animadvertit.*

**I**NTER hæc Præses Gasca duodecim onerariis navibus cum magnis tum modicis Panama solvit, quæ omnes fermè mercibus onustæ erant, cum quingentis militibus quos in omnes naves diviserat. Ex iis Liburnicam unam, seu biremim celerem, quæ remigio impelleretur, efficere conatus est: sed frustra, prærapida aquarum celeritate impeditus, quæ iis interdum locis torrentis instar decurrunt. Ergo decursum eum maris adversum subiens atq; ægrè inde eluctatus, hiberno videlicet tempore: vix tandem in Mantæ portum pervenit.

FORTE tum portum-veterem Franciscus Ulmeus cohortis unius præsidio obtinebat: is audito præsidis adventu, cum Didaco Mendez aliisq; civibus ad eum excipendum obviam egressis, ei ad mare occurrit, ibi ab illis cognoscit, quo in statu res Pizarri essent, & ut ab eo omnes prope civitates defecissent: unde incredibili affectus lætitiæ, postquam tamen Moralis, Emanuelis Statii trib. mil. aliorumq; civium patratas cædes accepit, tali oratione eos increpuit: Vos, inquit, dum Regi servire vos dicitis, per speciem obsequii & hominum cædes patris & privatas injurias ulciscimini. Rex ejusmodi obsequiis non eget.

Mox



Mox inde digressus, brevi Tombesiam appellit: Tribunum mil. ad San-Michaelis coloniam mittit, qui transfugas à Pizarro deficientes colligeret: Mercadium trib. mil. à Bracomoris arcessit. Brevi quoque ejus accitu Quito Salazar, Popajano Sebastianus Venalcazar cum multis Hispanis venire. Exin nuncio accepto, Didacum Moram Cassimalca esse cum valida manu, & omnibus ex locis ad partes juvandas auxilia concurrere, praeses missis ad novae Hispaniae praesidem literis, remittere se illi cogendi supplementi laborem significavit, quippe eo opus non esse. Eodem exemplo ad Nominis-Dei, Nicaragua, & aliarum regionum praefectos, unde auxilia exciverat, scribit. Neque ex his ullus venit, praeter Licentiatum Ramirem: is navim unam militibus & comiteatu onustam ad Gascam adduxit.

INTEREA Gasca Inojosam per montana cum maxima parte copiarum mittit, ut Hispanos, qui Sausa erant, colligeret: ipse maritimo itinere Trugillium profectus de Centeni clade ibi nuncium accipit. Ex quo non mediocri dolore affectus, aliquandiu haesitavit, an ulterius procederet. Donec trepidantem confirmarunt, sui hortante, ne hac una clade territus irritum inceptum omitteret: quippe ipsi ad profligandum hostem abundè superesse militum: ad hæc hostilis exercitus maximam partem invitam Pizarro servire: simulq; ut vexillum Regium conspexissent, ingratam militiam deserturos. Quibus ille monitis acquiescens, versusq; in consilia belli Alphonsum Alvaradum ad cohortes excipiendas, quas Laurentius Aldana contraxerat, Limam delegat: exploratores multos cum Hispanos tum Indos ad itinera & consilia Pizarri speculanda praemittit.

INTENTO in hæc Gasca, Episcopus Cusensis & Alphonfus Mendoza, cum paucis victi exercitus reliquiis Trugillium superveniunt: & diversa ex parte Didacus Mora Cassimalca: Petrus Inojosa & alii duces aliis è locis suas eò quisq; copias adducunt. Jam <sup>Gasca</sup> praeses circa se non spernendam manum mille & quingentos milites habebat. itaque <sup>Pizarri</sup> quod supererat, arma inspicit, vehendis machinis carros instaurat, plures globos & pilas ferreas, hastas, & lanceas fieri curat. Quibus perfectis, cum toto exercitu movet: Indi sarcinas & comiteatus humeris ferebant, iiq; longo versu vincti, ne aufugerent: sub iniquo onerum pondere laborantes plerique agmen sequi non poterant: alios ad eò vehementis sitis fatigatos exurebat, ut linquente spiritu humi corpora prosternerent. Ergo <sup>Hisp. leviter</sup> istos, quum allevare se non possent, Hispani immaniter gladiis detruncabant: quorum <sup>ii. adven-</sup> <sup>tu inica</sup> <sup>man ipse,</sup> dam etiam, quibus catena collo inserta erat, capita amputantes, ne videlicet in iis eximendis longiorem moram tererent, aut si funibus revincti essent, costas & lateras ferro transfigentes: nonnullos quoque cruribus, alios naso, quosdam lacertis, alios etiam cruribus amputatis, truncos & laceros abjiciebant: donec tandem Praeses Sausam, Indi Guamangum pervenere.

PORRO iter facienti primum obvius fit Valdivia, ad ejus opem è Chilensi provincia accurrens, ac post eum Centenus: sed quum Andagolianorum provinciam ingressus esset, alimentorum inopia atq; insalubrium ciborum perniciosi succi (quippe exercitus Maizto duntaxat immaturè cocto, aut certè raptim tolto, vescabatur) tum etiam continui imbres & humidum terræ, per omnem ferè exercitum morbos vulgare: donec Abancaja flumine transmissa, allata ab indigenis & finitimis populis cibaria, militem utcunque refecere.

Eo loco quum inter scissos ab hoste pontes omnes praeses cognovisset (junguntur autem flumina earum regionum ejuscemodi pontibus: Prælongas arborum virgas, eadem ferè crassitudine, qua perticae salignae apud nos sunt, simul connexas, moxq; instar rudentum



rudentum intortas, reticulato opere ab utraque ripa deligant: ex his ita contexti ponticuli, quamvis non equiti, pediti tamen facilem transitum præbent) quum ergo ejus formæ pontes abruptos nunciatum esset, eos præses ab Indis reponi & instaurari jubet. Quibus incredibili celeritate relictis, Apurimam fluvium haud procul Cusco cum exercitu incolumi transmittit: præter paucos milites & equos, qui prærapida vi fluminis ablatis & aquis hausti sunt. Inojosa & Petrus Valdivia, quum ulteriorem ripam evasisent, cum LXX. tormentulariis editum collem, munitum & natura utriusque opportunum, dum totus exercitus traducitur, occupant. Vix eum locum infederant, quum Johannes Costa cum quinquaginta tormentulariis ad eum capiendum Cusco ingreditur. Sed ubi hostes in vertice conspexit, extemplo in urbem regressus Gubernatori, adesse hostes & à præside transmitti flumen, renunciat. Ille cum nongentis Hispanis & multis Indis Cusco egressus, in conspectu hostium ad Sanguisaguanam castra locat.

*Gasca de  
Pizarro  
victoria.*

PRÆSES, trajecto fluvio, quum fortè locum frigore ac gelu infestum, lignorum & commeatu inopem infedisset, veritus, ne sui ad Pizarrum transfirent, cui ea res abundè suppetebant, maturè acie decernere instituit. Itaq; bonam noctis partem in expediendis armis consumit: ac luce orta milites ingentium præmiorum spe ac promissis implet, quod sæpè dixerat, etiam atq; etiam inculcans: Irent fortes ac pugnam strenuè capessent: se qui omnia eorum causa vellet, bene meritos de se milites præmii expertes numquam passurum. Mox signis explicatis rectè ire in hostem jubet. At Pizarri clades à Cepeda cepit. Quum enim eum ad angustias quasdam colli vicinas, quas hostis petiturus erat, occupandas præmisisset, ille repente ad præsidem transfugit, & post eum quinquaginta tormentularii transeunt. Cæteri destituti à sociis & subito pavore perterriti, abicere arma, & qua quisque potuit, alii in castra Cæsaris, alii alio erumpere. Tum Inojosa quantum niti poterat clamitans, hortatur suos instare percussis, illi nullius rei magis, quam prædandi memores, ad diripienda impedimenta vertuntur: minus tamen prædæ, quam speraverant, ex hostium castris redactum est. Cæsareanorum unus tantum Hispanis in acie cecidit: hostium quinque.

*Pizarri in  
rebus deplo-  
ratis ma-  
gnanimi-  
tas.*

GONZALLUS Pizarro ab omnibus præterquam à paucis legatis & trib. mil. destitutus, ad Johannem Costam conversus, Nos, verò, inquit, tribune, quid faciemus? Costa, quid superest, inquit, Illustrissime Gubernator, nisi ut exemplo Romanorum fortiter moriamur? Tum Pizarro excipiens: Absit, absit, inquit, ut honore & opibus amissis, animata quoque perditum eam. Secundum hæc dicta fortè Villam Vincentium prætereuntem conspiciens, sciscitatusque qui esset, postquam is respondit, se exercitus Cæsaris primum Tribunum esse (Sergentem-majorem vulgò vocant) rum ipse, & ego, inquit, malè fortunatus Gonzallus Pizarrus sum. Inde ab eo ad præsidem deducitur: cultu in primis eo die notabili. Insigni & prævalenti vehebatur equo, quem præfulgentes argenteis bullis phaleræ undique adornabant: ipse munimentum corporis leve indutus, nitentem ex auro purissimo galeam, cristis & signo plurimis clarissimis smaragdus distincto decoram gerebat.

*Gasca ad  
Pizarrum  
captum  
oratio.*

PRÆSES verò cum in conspectum adductum sic alloquutus est: Quam rectè fecisse tibi videris, Gonzalle Pizarre, qui occupata Cæsaris provincia adversus eum arma sumferis, & vectigalia ejus consumferis? Pizarro. Meos redditus, inquit, consumsi, non Cæsaris: provinciam verò mihi pro meo jure ut Gubernator possidere visus sum, quam videlicet ego ac fratres mei armis subactam pro virili manu cepimus. Hoc responso audito, & Pizarro è conspectu commoveri jussu, præses ejus judicium Licentiaro Cianca committit.



mittit. Is ubi edita in reum crimina causamq; cognovit, ei perduellionis ac proditi-  
onis noxam judicat. Præses damnatum ad capitale supplicium postera die abduci ju-  
bet. Corpus Cusci humatum, caput Limam delatum est, & in foro, septo cancellis ferreis  
loco, pilæ lapideæ impositum. Hic Gonzalli Pizarri fuit exitus. Vegeto ac valenti cor-  
pore vir fuit: valetudine prospera, animi magni: avarior tamen quam liberalior, litera-  
rum planè imperitus, & facili in omnes credulitate.

Pizarri  
mors.

Post in alios quoque noxios animadversum. Carvajalem semiquadrantis horæ  
spatio ad caudam religatum per campum traxit equus: mox è patibulo suspensum in  
quatuor partes dissecuit carnifex. Quum ad supplicium traheretur, imperatorem suum  
Gonzallum Pizarrum crebro suspirans flagitabat. Pridie quam moreretur, quum cum  
Didacus Centenus fortè invensura compellasset, Domine præfecte castrorum, inquit, «  
ubi nunc sunt tui illi militares unguis? ita ei respondit, Mihi, inquit, erepti sunt in ipsa  
acie tanquam bellatori stenuo: sed tu, ut vili & ignavo prostibulo ortus, è prælio fugisti. «  
In eo viro sævitia avaritiæ par fuit: & exiguo illo temporis spatio, quo in Gonzalli Pi-  
zarri exercitu Præfecti castrorum munus obiit, amplius trecentos Hispanos occidit.  
Quum aliquem suspenderet, sæpenumero ridens ei dicebat: Audi te esse equitem: æ-  
quum est igitur eum tibi haberi honorem, qui tuæ dignitati & nomini conveniat. En ti-  
bi aliquot arbores: ex iis quacumque libuerit deligito: ea tibi à me fiet gratia, ut ei,  
quam optaveris, suspendaris. Mox, ubi miserum talibus sarcasmis aliisq; ejuscemodi lu-  
dibriis eluserat, suspendi jubebat: assidue secum ad ejus operis ministerium quatuor  
Numidas circumducens. Longum esset commemorare fœda omnia & crudelia facino-  
ra, quæ iste passim edidit. Mortuo Carvajale, Johannes Costa & Johannes de Torre aliq;  
undecim Tribuni milit. suspensi sint: multi milites virgis cæsi & in Hispaniam ad trire-  
mes damnati, alii in Ghilensem oram exulatum missi, Valdiviam ejus provinciæ Guber-  
natorem sequuti sunt.

Carvajali  
exitus.

## CAPUT XVI.

*Gasca res Peruanas componit. Milites promissis explere frustra conatur. Contraria fratres in ejus  
pecunias involant. Iller recuperatis omnibus, in Hispaniam trajicit.*

**S**UBLATO partium duce Pizarro, Præses Cusco ingressus, Hispanos o-  
mnes, qui vasallos & subditos haberent, quosdam donis, plures promissis  
onustos, domum remisit: de strenua & fideli erga Regem opera eorum  
gratias agens. Dein Gonzalli Pizarri aliorumq; qui perduellionis damna-  
ti fuerant, ædes solo æquat, & areis salem inspergit: mox Cusco excedens  
Purimam petit. Ibi cum Hieronymo Loaísa Archiepiscopo Limensi & Petro Lopez scri-  
ba suo de assignandis agris dividendisq; inter colonos Indis vasallis, consilio habito: In-  
ojosa centum millia ducatorum annui redditus attribuit: Valdiviæ paulò minus: sed hic  
postea non diu vixit. Veneno sublatum fuisse ferebant. Cæterum præsidem in hæc præ-  
mia & annuos redditus amplius decies centena & quinquaginta ducatorum millia plur-  
bus erogasse constat.

Gasca duces  
de se bene  
merita.  
iamis af-  
fuit, milites  
negligit.

VERUM vulgata ejus divisionis fama, multi milites, qui summis periculis ac sudori-  
bus strenuam fidelémque operam Regi præbuerant, ac gaudio alacres haud ambigua  
spe mercedem laborum expectabant: ubi se solos indonatos & præmiorum expertes  
prætermitti videre, vehementer conqueri de Præsidente ac fremere apertè ceperunt. Mul-  
F cebant



cebant iratos benignis verbis ipse & Archiepiscopus quantum poterant: Sibi quidem non esse in praesentia dicentes, quod ultra largirentur: sed brevi daturos operam, ut omnes dignam meritis gratiam referrent. Sed illi dictis usque adeo non placabantur, ut etiam vecordes seditiosis ac contumeliosis vocibus eos increpare & ferocissimè obloqui auderent.

*Militem  
Hispaniæ  
seam, aliis  
dicta.*

EAUUM aliquot haud illepida exempla referam. Haud multis ab hinc annis Cordubæ Monacha erat (Magdalenam de Cruce appellabant) non tantum plebis opinione, sed Hispaniæ quoque procerum iudicio pro diva & fatidica vulgò habita. Quin ipse Cæsar expeditionem nullam ferè aut inceptum aggrediebatur, ut ad eam velut ad oraculum non mitteret, rogarètque, ut fufis pro se precibus rem Deo commendaret. Tandem aliquando fraude patefacta, compertum est sortilegam eam mulierem esse, eique cum Diabolo familiarem consuetudinem intercedere. Ejusmodi Magdalenam de Cruce ipsum praesidem esse, ei in os exprobravit miles, cumq; iniri à Diabolo: Archiepiscopum videlicet iis ambagibus designans, quod praeses nihil sine ejus consilio & sententia ageret.

ALIUS objecit, astutiorẽ eo vulpem cælo non tegi. Alius furens & exspes ei dixit, Se in quam remotissimas terras abire velle, unde ne nomen quidem Hispaniæ audiret. In hunc adeò exarsit praeses, ut nisi optimos precatores habuisset, qui à praeside ei veniam exorassent, eum illico in patibulum acturus fuerit: tum verò remissa ultima poena in Chilen relegavit. Quidam etiam miles ridens praesidem sic affatus est: Domine praesidens, date mihi, quæso, de gratia birretum illum, quem vos habetis in capite. Tum praeses & ipse renidens: Ecquid vis illo facere? inquit miles: Volo comburere, ait, & redigere in pulverem ad facienda maleficia: quandoquidem vos cum illo tot bonos viros decepistis. Alii vulgò in eum jaciebant, Venisse eum, ut veniam daret tyrannis, & fidos Regis servos occideret. Nonnulli minaciter dicebant, Nisi daret, unde viverent, semet ultro undecumque possent rapturos.

*Seditio mi-  
litaris in  
Peru.*

Hic tam præterturbatus rerum status eo tandem erupit, ut non pauci conjuratione facta Inojolam interficere, praesidem vinctum in Hispaniam mittere, Cæsarem per literas orare decernerent, ut sanctum atque innocentem aliquem virum eo mitteret, qui agros & ditiones provinciæ omnibus, ut quiq; meritus esset, de integro divideret. Verum quum omnia foras emanassent, captis consilii autoribus & in Hispaniam missis (in iis erat Sacerdos Cantaber, qui se eo bello operam navantem Cæsari quadraginta millia ducatorum consumsisse dicebat) ea tum quidem conjuratio in praesens repressa est. Verum non multò post quam praeses Perusio in Hispaniam vela fecerat, nova seditia erupit. Octingenti exciti Hispani quendam Franciscum Ernandem ducem & caput sibi imponunt: Petrum Inojolam, Balthasarem Castellenum equestrem ducem, fratrem ejus, & Didacum Palominum obtruncant, & quoscumq; alios tribunos mil. & illustres viros adipisci potuere, qui primo Gonzalli Pizarri partes sequuti ad Gascam defecerant. Sed is motus statim restinctus est, sublato seditionis capite Ernande, quem noctu suum cum aliis aliquot tribunis interfecere.

*Gascæ di-  
ctam Peru.*

CÆTERUM praeses, ne quid incommodi ab iratis pateretur metuens: tum etiam ne contumelias & probra quis à militib. lacerabatur, coram ipse audire ac videre cogeretur: Purima relicta Limam concedit. Ibi Regiam curiam & juridicos magistratus constituit: provinciæ statum composuit, quæq; ad ejus regimen pertinerent, descripsit. In primis edixit, ut Sacerdotes ac Monachi in singulos Indorū pagos tributū & Christianam fidem

edocere.



edocentes, falsas & perversas opiniones ex eorum animis evellerent. Hispanos omnes, qui subjectos sibi vasallos & clientes haberent, omnium Indorum censum agere iussit, & uniuscuiusq; fortunarum recta æquaq; æstimatione inita, pro censu tributi modum describere. Cæterum in singulis, qui irent pagis Missam unam Spiritus sancti (ut vocant) celebrari voluit, quem æstimatores orarent, ut divina ipsius ope adjuti in censu peragendo sanctè atq; innocenter sese gererent.

SED eo demum perfectò, summæ tributi imperatæ Indi reclamaverunt: Sibi multò plus indici querentes, quam pendere possent: maxima videlicet indigenarum parte vel assiduis bellis extincta, vel enecta laboribus, quibus ab Hispanis inclementius vexati essent. Edixit præterea, ut Indici vasalli suis Senioribus seu patronis ex earum tantum rerum genere tributum penderent, quas tellus sua funderet. Quippe antehac Hispani aurum & argentum, quamvis deesset, ab illis flagitantes, ut quærerent, tormentis urgebant: ac si qui fortè, quum nec possiderent aurum, nec unde parare possent, haberent, in silvas se abdiderant, Hispani eos veluti feras indagantes sagaci canum odoratu pervestigabant: multosq; ita repertos efferati canes dilaceravere: ipsi verò, damnata vitæ spe, tantas ærumnas suspendio finiebant. Vetuit præterea præses, ne in posterum Hispani Indos invitos ad ferenda onera adigerent: quamquam in nonnullis provinciis, præsertim in Quitensi, penuria jumentorum eos onerari permisit.

PORRO earum omnium rerum curam Archiepiscopo Limensi & quibusdam Dominicanis commisit: qui tum Hispanorum tum Indorum causis inspectis, ubi verum comperissent, pro sua prudentia de rebus statuerent. Ipse verò totus in accumulandis Cæsari pecuniis, Hispanos provinciales omnes, quibus agros & ditiones assignaverat, stipendiarios facit, pensione imposita quam Cæsari solverent. Licentiatum Gamam in Quitensem provinciam, Gabrielem de Rojas diversa parte in Potosiam Judices assiduos cum Dominicanis aliquot Monachis mittit, ac nominatim eis negotium dat, ut peragrantes omnes eas terras, tum ab Hispanis colonis, tum ab Indis ipsis pecunias quantas maximas possent, conquirent. Atq; illi ad eam rem minimè segnes, non jus aut verum in cognitionibus, sed solam opum magnitudinem, spectabant. Itaq; passim specie juris objiciendo, Tu in Regem rebellasti: tu Gonzallo Pizarro operam præbuiisti: tu eventum spectasti, ut fortunæ tua consilia applicares: tu optasti, ut vinceret & provinciæ imperium occuparet: his, inquam, & aliis ejusmodi speciosis accusationum coloribus,ambo ingentem pecuniarum vim collegerunt. Inter hæc Gabriel de Rojas in itinere subita morte extinguitur: ac pleriq; ferebant justo Dei judicio interceptum: & à Deo tandem exauditas esse diras, & maledictiones vulgò à miseris provincialibus in acerbissimos illos exactores jactas: moxq; istum horribilis Cacodæmonis specie quibusdam Dominicanis Monachis apparuisse.

AT præses, posteaquam quantam maximam potuit vim pecuniarum collegit: quæ decies centenum & quinquagenum millium Castellano rum summam æquabat, pro præsidem in sui vicem Licentiatum Ciancam relinquens, Lima decessit, & myoparonem Johannis Cajetani conscendens brevi Panamam appulit: moxq; inde statim Nomen Dei cum pecuniarum parte profectus, Quæstorem regium reliquam summam, quam primum posset, mittere ad se jubet.

BIDUO postquam inde decesserat Rodericus Contreras ejusq; frater, inconsulti juvenes, Roderici Contreræ Gubernatoris Nicaraguæ, filii, cum centum octoginta militibus de improvviso Panamam irrumpunt.

F 2.

Isti

Gasca à Peru decessit.



Isti fratrem Antonium Valdiviesam illius provinciæ Episcopum interemerant, quod ad Cæsarem multa in ipsorum patrem scripsisset, cui ob id abrogatum munus & crepta provincia fuerat.

*Contrera  
fratres col-  
lectus à  
Gascapecu-  
nis ra-  
piunt.*

Tum verò ingressi Panamam quadringenties milles amplius ducatorum auri involant: neglecto argento ut graviore & minoris pretii. Nec ea præda contenti nonnulli milites, qui cum ad triremes à præside damnati in Hispaniam mitterentur, nave una rapta in Nicaraguam aufugerant: vindictæ cupidine ardentes, Nomen-Dei quoq; petere statuunt. Ergo divisò trifariam exercitu, Rodericus cum septuaginta quinque militibus terrestri itinere Nomen-Dei contendit: frater ejus cum totidem sociis secundo amne Chiagro defluens, eodem iter capessit: cæteri ad præsidium navium & partæ prædæ custodiam remanent.

Vix Panama egressi prædones erat, quum cives manu facta cum centum & quinquaginta amplius mancipiis abeuntes insequuti, primum eos allèquuntur, qui per Chiagram flumen delabebantur, eosq; adorti faciliè fundunt. Mox alterum quoq; adepti agmen, & illud profligant. Rodericus & Monachus quidam cum quatuor aliis Hispanis in vicinas silvas se abdunt, nec deinceps quidquam de iis compertum est.

RODERICI frater, quum non compareret, diligentissimè inter cæsorum cadavera quæsitus: ac reperto fortè adolescentis cujusdam corpore, quum illum ipsum unus militum ejus esse diceret, etsi lutulenta & confusa facie satis quis esset internosci non posset: quisquis tamen ille esset, avulsum corpori caput in medio Panamæ foro ferreis cancellis septo locopila impositum est. Tres & triginta Hispani capti, labore ac vulneribus fessi revinctis pone tergum ad ligneum cuneum manibus in urbem tracti sunt, & in custodiam traditi. Eos ibi prætor quidam rerum capitalium, proprio motu, crudeliter pugionum ictibus confodit. Cæteri, qui in navibus erant, audita suorum clade, scaphis subito fugam capessunt: sed brevi omnibus captis, præcipui quiq; suspensi, cæteri ad triremes damnati sunt. Interea præses, audito Contrerarum latrocinio, cum valida manu Nomen-Dei adversum eos egreditur: sed accepto in itinere de eorum clade nuncio, & receptis pecuniis, in urbem regressus, brevi inde in Hispaniam trajecit. Gasca in Hispaniam reversus, Vallætoleto in Germaniam ad Carolum Cæsarem transivit: ubi rebus à se gestis expositis, Palentiæ Episcopatu ab eo ornatus est.

## CAPUT XVII.

*Navigacionis è Panama in Peruratio. Portu veterensis provinciæ incolarum mores, superstitio pervicax, & navigandiratio.*

*E Panama  
in Peruna-  
viantium  
cursus.*

**P**RIMUM QUAM Peruanis rebus & falsis opinionibus, quas ex gentes de nobis concepere, finem imponam: quo modo quove cursu è Panama in hoc regnum navigetur, exponere hîc mihi consilium est. Ergo navigaturi in Peruanas provincias, ferè inde à mense Januario usq; ad finem Aprilis solvere consueverunt, quippe hæc totius anni maximè idonea ad navigandum eo tempestas est: actum aperta illa maria, ætate videlicet obtinente, & assidue Subsolano & Corospirantibus. Quæ naves, quacumq; alia tempestate vela faciunt, ingenti maris sævitia & periculis conflictantur. Porro onustæ naves Panama primum in Tabogam aut alias vicinas insulas aquatum decurrunt (quæ Perlarum, id est, Unionum, nominantur, obrepertam ibi ab Hispanis unionum copiam) mox in altum provectæ

*circire*



circiter centum & quinquaginta milliapassi. versus occasum navigant, flexo videlicet in eam partem cursu, propter rapidos aquarum æstus, qui torrentis instar perpetuo lapsu in Ortum decurrunt. Inde correcto cursu recta in Perusium tendunt.

Quo tempore primum Panama eo navigavi, navis, qua vehebar, mense Junio solvit. itaque quod ea hiberna tempestas illic esset, omnes ferè vectores morbis impliciti sunt, quia naves, quæ ea maria navigant, constratæ ac rectæ non sunt, ut quæ in Septentrionali vehuntur Oceano (id est, eo qui adversam continentis Indicæ partem alluit) itaque in illis sub dio morantes perpetuo verberari imbribus necesse est. Ad hunc modum navigantes tandem ad Gorgonam insulam appulimus. Navis-magister (Patronum <sup>Gorgonæ insula.</sup> vulgò vocant) ubi se in eam deferri videt, Hæc, inquit, terra Dæmonum est: quippe nulla toto co itinere pejor navibus nec statio nec navigatio occurrit. Tradidere nonnulli assidue in ea insula pluere: sed in eo falluntur. Octo quidem certè continuos anni menses, inter tonitruum fragores, & corusca fulgurum, adeò effusus ibi ruere imbres verum est, ut elementa ipsa inter se certare ac misceri videantur. Quum nos eam insulam attigimus, jam veris initium erat, quod ibi sub finem Maji incipit: itaq; quod tempus in Panama hyemis est initium, id in illa altera regione ineuntis æstatis principium est.

PORRO vicini continentis oræ accolæ auro abundant, & cacuminibus arborum mapalia sua, velut nidos, suspendunt. Eam oram, qua palustris & inequitabilis est, Hispani subigere nondum potuerunt. Caspar Andagoia, quum ad Bajam, id est, sinum Sancti Matthæi esset, cum centum & quinquaginta militibus æstate populabundus eam provinciam percurrerebat, tabulas sæpè ad protegendum militem adversum incidentia circumferens. Quippe Indi strenuè saxa, tragulas, ollas fervida aqua plenas, & quicquid fors in manus dederat, subeuntibus ingerebant. Hispani verò securibus arbores tamdiu cedere, quoad & ipsæ & super structæ domus ingenti fragore prociderent: interea tamē <sup>Domus arboribus (usu) perfructa.</sup> sæpè non inulti Barbari, nec nisi mutilatis aliquot Hispanis, interdum etiam elisis atque obrutis, cadere. Tandem quod asperior ea esset regio, neq; in tam informi omnis humani cultus solitudine alimenta exercitui expediri possent, Andagoia cum satis magna auri copia inde decessit: neque ea loca ullis Hispanis hodie habitantur.

JAM quia hi tractus maxima anni parte importunis quibusdam ventis ab Occasu vel à Meridie perflantur, tum etiam propter rapidos maris æstus & torrentes aquas, velut præcipiti alveo perpetuo decurrentes: necesse est quotidie vesperi actis in falo ancoris ad ea littora consistere: mox luce orta flantem à terra ventum sequi atq; inde moliri. In quo sæpenumero usu venit, ut dum naves provehi cogitant, in contrarium repulsæ peractum iter relegere cogantur, ac totos interdum quindecim aut viginti dies circa promontorium unum harere, sicuti nobis contigit. Quum enim caput S. Francisci in conspectu haberemus, centum triginta millibus passi. à Capite Passão distans (quod quidem caput in Portus-veteris finibus est) rati eum locum Indis habitari, ut quondam solebat, quotquot vectores in ea navi eramus, victus penuria (jam enim tertius mensis abierat, ex quo Panama solveramus: & facile mercatores, qui eadem navi vehebantur, nos miserrima fame contabescere potius passuros, quam vel buccam panis elargituros, apparebat) consumptis igitur prope alimentis, terrestre iter capeßere decrevimus.

ERGO viginti quatuor ejusdem fortunæ focii in terram exponimur, & singuli cum quatuor Maizii scutellis ignotum iter, quo casus & error ferebant, ingredimur. Pervenimus ad flumina, quibus Quisimæ nomen est: quatuor sunt haud magno inter se spatio discreta: ea nos summis laboribus ac periculis prægrandibus arborum ramis, quæ in ri-



pa fortè rimantibus occurrebant, simul junctis & colligatis infidentes, tandem superavimus. Cæterum quum aqua falsa esset, æstu videlicet confundente dispares undas (quippe stata vice exæstuans mare non tantum his fluminibus, sed aliis, quæ in eum Oceanum defluunt, mixtum subit, & xv. amplius millium spatio alveos invehitur) ergo ut biberemus puteos fodere necesse erat.

TANDEM ad Caput Passaum pervenimus. Ibi Indos crematis tuguriis penitus se in sylvas abdidisse, ut comperimus, in alterum promontorii latus transgressi, ad sinum Caraquam procedimus. Is sinus Æquinoctiali lineæ subiectus est. Ibi quo iremus incerti, quum neq; in adversam sinus partem trajicere possemus, nec alimenta suppetere, cancris & cereis quibusdam prunulis vescibamur, quæ cum parum carnis inesset, lignum seu os interius simul commedebamus: & aquam certè salubrem ex lacu exiguo, quem haud procul mari in silvis reperimus, bibebamus. Ibi xxi. dies morati, quoad mavis portum intraret, quum pro certo omnes haberent, nos vel fame extinctos vel ab Indis mactatos esse: ubi à Navarcho conspecti sumus, missa confestim scapha excepti, ea nocte in navi requievimus.

Portu-ve-  
tus colonia  
& provin-  
cia.

POSTERA die egressus Portum veterem petii. Id oppidum habitatum Hispanis viginti duas ferme domus ex arundine contextas & palca tectas continet. Ea provincia propemodum in vastitatem & solitudinem redacta est: indigenæ smaragdorū copia olim abundabant, & earum gemmarum feraces fodinas penes se occultas habent: neq; hætenus tamen ullis tormentis adduci potuere, quamquam multis sævitia torquentium extinctis, ut locum Hispanis indicarent. Mihi tamen aliquando retulit Johannes Dolmos trib. mil. dispensator quidam, Indicam mulierem ipsius concubinam locum illum ei edidisse: nec eum id postea evulgare voluisse, veritum ne Rex eas sibi fodinas attribueret. Multa quoque aurea & argentea vasa in supellectili quondam habebant: sed ea Hispani omnia convasarunt: itaq; hodie nihil Patronis suis seu Senioribus pendunt, nisi ex iis fructibus, quos è sua terra percipiunt: unde fit, ut pauci Hispani coloni eam oram inhabitent.

Gom. hist.  
gen. Ind. lib.  
4. cap. 195.

TRADIDERE nonnulli, ejus provinciæ indigenas fœdos suos mores & falsæ religionis errores paulatim abjicere: neq; ultra falforum suorum Numinum responsis fidem addere, ex quo Sacerdotum & Monachorum opera sancti Evangelii vocem audierint. Ego verò, quamquam ita esse optaverim, Deumq; orem, ut id propitius faxit, verè tamen testari possum, nullos adhuc neq; Sacerdotes neq; Monachos ad concionandum aut fidem nostram edocendum eos populos peragrasse. Quin ipsi quoq; eam derident, palamq; ac publicè dicunt, se nolle Christianos esse, sceleribus videlicet & nequitia nostra deterritos. Ac quantum vis præses Gasca edixisset, (uti supra memoravimus) ut in singulis earum gentium pagis Sacerdotes & Monachi manerent & erudiendis Indorum potissimum filiis operam darent: Hispani tamen hujus coloniæ municipes, & aliarum præterea aliquot, vehementer reclamarunt. Quippe Sacerdotem unum quadringentos ducatos in stipendium annuum petere: id verò precium esse majus quam quantum omnes simul Indi Patronis suis tributum penderent.

Portu-ve-  
terem sum  
per vicin-  
superstitio.

Ac quia eo ferè tempore Perusio excessi, quorsum res postea evaserit, nescio: sed dum in ea provincia morarer, sæpè fallendi temporis gratia Indicos illos pagos tum maritimos tum mediterraneos perambulans, in ejuscemodi quiddam incidi. Ingressus fortè aliquando viculum quemdam ignobilem (Chiarapotum appellant) indigenas in fano solitis sacrificiis faciendis occupatos comperi. Quumq; inter strepentium tympani.



norum sonitum patria quædam carmina canentes audivissem, propius visendi cupidus, delubrum inco. Sed vix pedem intuleram, quum Sacerdotes, toto vultu iracundiam testante, propemodum mihi in faciem despuentes, festinanter me foras ejiciunt. Ibi vidi Idololum è creta tigridis effigie, ac duos pavones aliasq; aves, quas suorum Deorum sacrificiis dicatas habebant. Ibi præter hæc fortè adolescens aliquis mactandus aderat (quomodo apud eos humanis victimis litare fas ac solemne est) mihi tamen tunc videre non licuit.

ALIA quadam die usu venit mihi, ut Picalancemam profectus, Indos ejus pagi incolas comporantes deprehenderem: quumq; propius accedens, per otium spectare vellem, quomodo se largius potu invitarent: quatuor repente ex illis minaci gradu ad me tendunt, & OH Christiane, inquit, nebulo impure, perfide, faceffe, propere è sinibus nostris. Ergo quum præter has minas, simul illos in meum ensen manum injicere velle animadverterem, proripio me in fugam: & apud me constituo Indis numquam deinceps intervenire, qua die solemaia sua agitent.

*Indi Christianos sacrificiis suis interesse nolunt.*

PRÆTER eos, quos commemoravi, plures quoque perlustravi pagos, quales sunt Cava, Camuliova, Camuxiova, & alia earum gentium loca, quorum incolæ Indi aliqui filios suos necant, ne Hispanis serviant. Pro certo refertur, Manta regulos pulcherrimum & nobilissimum smaragdum habere, ovi gallinæ magnitudine, quem inter præcipua Numina colunt. Manta porro, oppidum ad mare situm, una è præcipuis ejus urbibus quondam erat: & priusquam Hispani eam provinciam inirent, amplius duobus Indorum millibus habitabatur: quum ex tanto numero vix hodie fortè quinquaginta supersint. Nec dispar solitudo in aliis ejusdem provinciæ municipiis facta est. Quum aliquando Lupus Ajalaab hujus civitatis Regulo peteret, an Christianus esse vellet: respondit ille, Se nescire, & Faceret ipse, ut visum esset. Ita Lupus Indum baptizari jubet, & Didacum nuncupat: sed ne ita quidem cicuratum Hispani cujusquam contra os intuentem umquam animadveriti. Ejus subditi fœdis moribus bruti, spurci, masculæ Veneri dediti & vitiiis omnibus inquinati sunt.

*Manta oppidum.*

*Peruenisse in viis Christianis nismum subeunt.*

PER omnem ejus oræ longitudinem, Indi omnes ejus maris accollæ aquam salubrem bibunt, quam è puteis manufactis hauriunt: & peregrè ituri omnes cucurbitam ea aqua plenam efferunt: nisi qui fortè Manta in Portum-veterem iter faciunt. Quippe illi aquam putealem ferre negligunt, veriti ne in aliquem forte Hispanum incidant, qui eam eripiat & bibat: sed duo millia passuum in mediterranea progressi aquam quadam ex rupe manantem, nigram, spurcam & fœtidam, excipiunt: haud dubii nimirum talem Christianos non bibere.

*Indine aquam quidem liberè ferre, metu Hispanorum audiens.*

EA regio calidi & humidi temperamenti est: itaq; serenum ac purum cœlum vix unquam ibi conspicias. Cervis, porcis, gallinisq; ex earum genere, quæ ab Hispania ad stirpem propagandam transvectæ sunt, abundat: neq; ulla in Indiæ parte melior ex Maizio panis fit quam illic. quamquam iis tamen non assentior, qui panem illum triticeo anteponunt. Mellis præterea, sed acerbi, ac ceræ, sed ignobilis, neq; admodum bonæ, satis ferax: peculiare quoddam fructuum genus habet (indigenæ *Papae* vocant) ficuum specio, modicorum magnorumq; quale nusquam in India, præterquam in eoregno, vidi. Arbor, quæ illud pomum gignit, procera & gracilis: fructus sapore dulci est. Ibi etiam aliud ficuum genus exiguum visitur (*Tunne* nominant) sed & illi aliis provinciis, ut Nicaragua, Guattimale & toti novæ Hispaniæ regno, communes sunt.

*Com. hist. gen. Ind. lib. 5. c. 115.*

CÆTERUM omnes in universum Portus-veteris provinciæ Indi ferè pustulis quibusdam

*Postula Peruenjer.*



busdam obnoxii sunt, seu verrucis: quæ è facie aliisq; corporis partibus erumpentes, quum maximæ sunt, nucis juglandis crassitudinem æquant. Id morbi genus & ipse expertus sum: nullo doloris cruciatu afficiunt, fœdæ sanguinæ, ac ne aliud quidem remedium desiderant, quàm ut maturitate expectata, tenui filo constrictæ abscindantur. Indigenæ ejus gentis ora coloribus fucant: nares, labra, aures & genas perforant, ac festis suis diebus aurea monilia, uniones, iis foraminibus velut emblemata includunt. Quod ad cultum attinet, maxima pars subuculis non manicatis vestiuntur: cæteri nudi, & sæpè totum corpus nigro fucantes, incedunt.

Perueniunt  
lintrium  
forma.

INDI universæ illius maritimæ oræ accolæ piscatui in primis student. Lintres, quibus tum ad piscandum tum ad navigandum utuntur, instar ratiû, tribus, quinque, septem, interdum etiam novem aut undecim tignis levissimis junctis, expansæ manus effigie, contexunt, ita ut medium tignum cæteris longius promineat: eosq; modo longiores, modo breviores fabricantur, ac pro longitudinis & latitudinis modo vela expandunt. Porro ubi per tranquillum ejusmodi rates diu remigio subegere, panem, fructus, aliq; ejusmodi in mare, velut sacrificium, projiciunt: orantes ut prosperum ventum immittat: quippe se defessos esse, neq; ad remigandum vires ultra sufficere.

## CAPUT XIX.

*Guancavilichæ regionis incolarum mores & cultus. Guamacayæ transitus. Zarza-parilla herba. Chimbos mons.*

**P**ORTU-VETERENSIS provinciæ fines proximè Guancavilichæ regio excipit, regni Peruani provincia inferior. Ejus oræ maritimæ primus pagus, Colonchi appellatur, S. Helenæ prominenti proximus. Ejus pagi ac populi Principem sæpè vidi, annorum fermè sexaginta hominem. Dignæ certè Principe ci facies, corpus vegetum robustumq; & prospera valetudine erat. Subucula non manicata, & rubro tincta, amictus, torquem ex auro purissimo, sextuplicato circa collum circulo, quasi majores corallii furculi, aut baccæ crassitudine gestabat, annulumq; in digitis: illi quoq; ex auribus perforatis baccæ & aurea stalagmia pendebant. Sinisterioris brachii carpum pellucida gemma instar speculi, tuendæ oculorum aciei, exornabat.

Peruenses  
reguli à  
Christiana  
religione  
abhorrent.

Quo tempore Hispani primum eas terras ingressi sunt, principatum obtinebat in ea provincia Regulus (Baltacho ei nomen erat) qui apud suos venerabilis non magis imperio, quàm autoritate ea loca regebat. iste nemini adeuntiû aut visentium assurgebat, præterquàm Colonchio illi principi, de quo ante dixi. Attamè iste Cacicus nulla unquam adduci persuasione potuit, ut Legem Dei vellet audire. Eum aliquando Patronus suus me præsentem ita alloquutus est: Colonchie, inquit, volo, ut Christianus fias: at ille abnuens: Domine, inquit, jam mihi propè acta est ætas, neq; idonea, ut Christianus fiam: at filios meos potius, ut voles, cape, & eos, quidquid visum fuerit, edoce: quippe illi munia ministeriaq; moris tui facilimè obire assuescent: me verò id ætatis majorum meorum legem & instituta relinquere non juvat.

Ejus provinciæ homines è superiore maxilla quinque aut sex dentes excutere solent: ac si causam quæsieris, id elegantia se causa facere respondent. Subucula non manicata, ut Portus-veteris indigenæ, amiciuntur. Pudenda fascia bombicina velant, cujus extremæ vittæ ad talos usq; demissæ, instar equinæ caudæ ab tergo dependent. Fœminæ

fœminæ.



præinctorio aut castula, nodo revincta & ad medium crus demissa, integuntur. Ejus provinciae populi Hispani in urbe Guajaquil habitantibus serviunt.

EAM coloniam principio Hispani in planicie Chioni fluminis ripae imposuerant, quadraginta millib. pass. procul mari. In illis autem regionibus immentæ quædam panduntur planicies, velut infinita camporum parentium superfusia aquis mersa & quoratum densissimæ silvæ, cum incredibili copia crocodilorum. Adhæc octo anni mensibus <sup>Peruenses culices infestis.</sup> tanta vis culicum eas terras infestat, ut mirer ullos incolas ibi posse vivere. Itaq; Hispanos eo loco manentes, ubi nox advenerat, ut quiescere possent, vela & conopsea circumpandere necesse erat, quod & ipsi quoq; Indi adhuc faciunt. Quamquam etiam illi cubilia sublimè quatuor scaphis arundineis firmissimis, levi tabulato, suspensa imponunt: & in hunc modum quiescunt, minus videlicet ita infestis culicibus.

ANNO VERÒ M D X L V I. continuis imbribus auctus fluvius ille non ingentem modo stragem dedit, sed totos circa campos & maximam regionis partem, illamq; adeo ipsam urbem, inundavit & obruit. Quare Hispani viginti millia passuum propius mare novæ urbi sedem deligunt, eamq; ad ripam ejusdem fluminis colli imponunt. Is locus <sup>Guajaquil urbis inundatio.</sup> Transitus-Gainacavæ appellatur, tali de causa. Gainacava ducem quendam suum cum valido exercitu, ad subigendam eam provinciam quondam miserat. Dux quum traducere exercitum decrevisset, indigenas transversis tignis trabibusq; injectis, quomodo schediæ & rates compingi solent, fluminis transitum ponte jungere jubet. Perfecto opere, quum jam exercitus cum impedimentis transiret, hostes funibus abscissis pontem solvunt: multi in flumen se præcipitantes gurgitibus hauriuntur: cæteri interclusi à suis ab circumfuso hostium exercitu prope ad interneccionem cæsi sunt.

GAINACAVA ubi suorum cladem accepit, magno contracto exercitu, Quito movet, & ex illis montibus in plana degressus, eam gentem ingenti cæde perdomat. Post eam victoriam, jungendi aggere fluminis cupido eum incessit, ut pedestri transitu in ulteriorem ejus ripam tuto, quum visum esset, transcurreret. Jamq; aggestis saxis & terringes moles jaci in alveum cœperat, & aggeris longitudo jam viginti & amplius passus impleverat, quum Gainacava propter latitudinem, altitudinem & rapiditatem fluminis quidquid ingerebatur absorbentis, incepto destitit. Hanc ob causam eum locum Hispani Gainacavæ-transitum nuncuparunt: urbemq; ibi à se conditam, San-Jacobum, <sup>San-Jacobum colonia.</sup> quæ ædificiorum & incolarum frequentia à Portus-veteris colonia nihil differt.

Ejus fluminis ostio Puna insula objecta est, & ea quidem in ditione Regis. Ejus indigenæ, quomodo fluminum accolæ & aliæ earum provinciarum gentes, quoad suppeditarunt vires, continua adversum Hispanos gerentes bella multos interfecere. In iis, quum F. Vincentius de Valle-viridi, cum X L I I. Hispanis Didaci Almagri furorem fugiens, (quo tempore ille Franciscum Pizarrum Marchionem interfecit) in eam insulam se abdidisset, nocte quadam Indi fustibus & clavis omnes ad unum trucidarunt. Hic erat Monachus ille, qui cum Attabaliba Cassiamalæ colloquutus erat, quum is à Francisco Pizarro captus est (uti superius dictum est.) Eum Cæsar Episcopum Peruanæ provinciae designaverat.

IN Puna & finibus Guajaquil & Portus-veteris, herba quædam ramosam reperitur: foliis ut roboris, (*Zarzaparilliam* vocant) quæ veneræ contagioni & aliis morbis medetur. Ea nempe duobus silicibus trita expressus & percolatus succus, admisto aquæ calidæ modico, ægrotis bibendus porrigitur. Ii mox haulta ejus portionis, quantam natura patitur, mensura loco calido compositi, quoad tolerare possunt exsulant. Eo medicamento

G

<sup>Zarzaparillia, herba utenda ratio adversus veneream lues. Vide Nicol. Monard. lib. de simpl. Ind. Occid. Medicam.</sup>



dicamento tres aut quatuor dies, ut visum est, utuntur: bis octo tantum interea pane & pulli gallinacei assi paululò vescentes. Alii ejus herbarum ramusculos dumtaxat aqua incoquentes, jus eliciunt, quod interdum bibant: & eo sorbitionis genere nonnulli duos trèsve continuos menses utuntur.

In provincia Guajaquil & aliis versis in Orientem regionibus, hyems mense Novembri incipiens usque ad finem Aprilis durat. Majore veris initium est, Octobri exitus. In ora ejus maritima, inde à Tumbez Austrum versus, adeò rari imbres sunt, ut vix triennii quadriennii sive spatio paucis miserè expressis gluviarum guttis planities illæ aspergantur. itaque ibi partim ob nocturnos rores, qui copiosè cadunt, partim diurnis accolarum irrigationibus humentia sata adolescunt. Arenosæ quoque ibi planities jacent, in quas nunquam impluit: in montibus contra octo mensibus anni pluit: nonnulli etiam obfusi nivibus & perpetuo rigentes gelu conspiciuntur. Æstate venti quidam assidue à Meridie incolis noxii infestique admodum spirant.

*Chimbos  
montis apud  
finem.*

Quum è Guajaquil Quito iter facerem, Chimbos montem, in altitudinem XL. millium passeditum & omni prorsus humano cultu vacuum transgressus sum: quo in itinere, nisi Indus quidam pauxilulo aquæ oblato mihi subvenisset, sitis planè extinctus essem. Postquam tandem in verticem perveni, paulisper consistens, novas illas & mirabiles terras subiectas oculis è sublimi tanta cum admiratione despexi, ut inusitata quædam, velut in somnis, visi species oculis meis ablata videretur.

In hac ingenti provincia Quitensi, ut & in aliis nonnullis Peruviani regni regionibus, quum plerique populi peculiare idioma habeant, vulgò tamen Cuscanis lingua in usu est. Quum enim Inga (id est, Peruviani Reges) eas provincias ditioni suæ adiecissent, edixere ut omnes Cuscanam linguam edicerent, eamque patres filios suos edocerent. Ex eo igitur illud idioma per universas eas provincias, quæ eorum imperio subiectæ erant, promiscuo usu obtinuit.

## CAPUT XX.

*Peruvianorum religio & ritus, cultus. Pecora. Ebrietatis studium. Opificia. Vini apud Peruvenses summa caritas.*

*Orandi ritus  
apud  
Peruvianos.*



Æ gentes etsi cum Dæmonibus colloquia misceant, Solem tamen pro Numine præcipuo habent. Ab eo beneficium aliquod petitori tum Principes, tum Sacerdotes, mane, oriente eo suggestum quoddam editum, lapideum, conscendunt: ibique demisso capite stantes, complosis ac confricatis invicem manibus, mox in cælum sublatis passisque ut si Solem ipsum amplecti vellent, certas quasdam preces concipiunt, petentes ab eo quibus indigent. Nunc verò etiam quum ab Hispanis vexantur, eos uti Solem adorant, precantes ut misericordia in se utantur, neve ipsis noceant.

INGENTIA ibi delubra Numinum, præsertim Solis, & immensæ opulentia erant: incrustati intus auro & argento parietes: multæ quoque sacris dicatae virgines (*Mamocona* appellabantur) nulli operi præterquam nendis texendisque tantum ornamentis Deorum vacabant. Humanis victimis litant, viros ac pueros mactantes, quorum tamen carnes non mandunt. Pecudes quoque, aves, & alia animalia immolant: & hostiarum fuso sanguine Idolorum ora & templorum portas inungunt. Quum Dæmonis colloquium expetunt, aut seminare, aut aliud quid aggredi in animo habent, Sacerdotes aliquot dies jejunium sibi indicunt.

Mōrē.



MORTUOS Regulos magnificis & ingentibus sepulchris inferunt, ac cum eis mul-  
tum aurum argētumq; elaboratum, formosissimas uxores & quas viventes ipsi maximè  
dilexerunt, famulos, vestes, fruges, vinum & quæque alia carissima, simul defodiunt: ne  
videlicet eis cibus ac potus defit, quoad in alterum mundum pervenerint. Quæ sepe-  
liendi ratio in plerisq; Indiæ regionibus usurpatur. Atq; isti immortalitatem animæ cre-  
dunt. Ejusmodi multa sepulchra ditissima Hispani reperere: pauca tamen illa præ iis,  
quæ adhuc supersunt. Multos dies defunctos lugent.

*Sepeliendi  
ritus*

*Immortali-  
tas animæ  
apud Peru-  
anos credi-  
ta.*

VIRI subucula ex lana aut bombyce non manicata vestiuntur, & pendente nodo  
ex humero altero penula: nobiles caput fascia involvunt, & floccum è lana gestant, qui  
in sinistram aurem propendet. Ex herba quadam candida, cannabis specie, calceos con-  
ficiunt. Fœminæ longa palla ab humeris ad talos usq; promissa induta, & fascia quatuor  
digitos lata præinctæ (*Chumbi* appellant) ad pectus, & aureas & argenteas affixas præ-  
ferunt, quas *Topi* nominant: ac superimpositum aliud breve amiculum gestant, quod  
*Liquida* appellatur: capillis quoq; promissis & liberè fluentibus conspicuæ. Atq; hic ve-  
stitum mos & forma apud Cuscentes in usu est.

*Peruan-  
sum cul-  
tus.*

PERE GRE profecturi rubro quodam bitumine faciem oblinunt, adversus ventos,  
herbamq; ore clausam (*Cocam* ipsi appellant) velut panchrestum quoddam pharmacum  
circumferunt. Quippe ejus præsidio freti integrum diem, nullius nec cibi nec potus e-  
gentes, iter faciunt. Atq; hoc quidem herbæ genus earum rerum, quibus mercaturam  
exercent, præcipuum est. Est & apud eos radice genus (*Pape* vocant) tuberum specie, sed  
exigui saporis. Abundare olim pecoris copia (id asini amplitudine, specie prope cameli  
est) sed, ut ipsi referunt, non ita dudum tetra quædam lues, lepræ instar, armenta corri-  
piens maximam partem extinxit. Verùm multò peior lepra Hispani universum propè  
id pecudum genus absumere. Horum animalium caro ferinum quiddam sapit: eorum  
velleribus indigenæ quondam vestiri abundè consueverant: quæ nunc in summa rari-  
tate carissima habent.

*Coca herba  
medicam le-  
viam.*

*Peruana  
ovis.*

CÆTERUM et gentes, sicuti omnes ferè Novi illius Orbis, summam voluptatem  
& præcipuum vitæ præmium in crapula collocant. Itaq; postquam multo mero incalu-  
luere, fœminam quisque, quæ prima collibuerit, amplexus libidinem explent, sublato  
prope omni matrum, filiarum aliarumq; necessitudinum discrimine: & ipsi adeò Regu-  
li ac proceres easdem sorores & conjuges in matrimonio habent. Panem nullum planè  
faciunt, excusso grano tantum cocto & tosto vescentes. Atq; hæc unalex est, quam inter  
alias Gainacava tulit: quum videlicet aliquam ingressurus, suos in pane faciendo occu-  
patos esse nollet. Ergo etiam nunc eum morem observant.

*Ebrietas  
Peruano-  
rum.*

Ejus Regni primaria quondam civitas Cusco erat, Inguarum imperii caput: quæ  
priscis temporibus longo abhinc ævo (ut indigenæ memorant) à Magocappa condita  
est, primo ejus stirpis Rege. Cujus mox successores, amplificatis imperii sui finibus &  
multis gentibus subactis, leges iis suas morésque tradiderint, multaque passim ædificia,  
tum cultui Deorum tum Regis usibus destinata extruxerint. Eorum parietes, levissimo  
lapide, pumice ædificati sunt: straminibus & paleis integuntur: cujusmodi ego aliis lo-  
cis, maximè in provincia Quitensi, in Tumbambæ finibus non minus sumptuosa &  
magnifica quam in Cusco vidi. Ac quamquam plurima ab Hispanis diruta jaceant:  
multa tamen etiam nunc in militaribus viis visuntur (quæ indigenæ *Tambos* appellant)  
ex quorum semirutis maceris, qualis fuerit ingentium eorum ædificiorum fabrica faci-  
lè colligi potest.

*Peruano-  
rum ædifi-  
cia.*



Gaiacava  
na monu-  
menta.

INTER alia Gainacava monumenta, nobilissimum opus viastrata, complanatis ad æquum aliquot monticulis, adhuc spectatur. Quitoensis istius provinciæ aër temperatus & salubris est. Cuscenses Reges plerumq; ibi morabantur: multisq; partibus aurificinas instituerant. Ac aurifabri quidem Indi, nullo ferreo instrumento utentes; mirabilia opera, quamquam paulò rudius, non infcitè tamen fabricabantur.

Aurificum  
Peruanorum  
opera.

PORRÒ in hunc modum operantur. Primum aurum vel argentum fusum catino longo aut rotundo injiciunt: eum ex panno terra incrustato, & carbone contuso factum, moxq; exsiccatum igni imponunt, cum ea metalli copia quantam capere potest: mox quinq; aut sex siphunculis arundineis tamdiu circumflando incendunt, quoad liquefactum metallum omni excocta scoria, nitescat. Inde catino eductum aurifices humi sedentes, nigris quibusdam filicibus, aptè ad id factis tamquam malleis, opus pariter inter se fortiti elaborant, & ex eo faciunt, aut (ut magis proprie loquar) faciebant prospectis suis rebus, quidquid jubebantur, puta Diis dicata statuas, vasa, monilia: pecudum etiam omniumq; animalium quæ videre poterant simulacra effingentes.

Gom. hisp.  
nat. lib. 4.

QUOD ad res ex Hispania eo traductas attinet, frigida omnia ac temperata loca tritico satis fida sunt, & in iis abundè provenit. Ibi etiam vites aliquæ, sed parum feraces sunt. Dicunt nonnulli spem esse sibi fore, ut brevi vites in iis regionibus adolescant fiantq; vina: imò ut fructus prope omnes Hispaniæ concessi, ibi quoq; nascantur. Verum etsi spem suam nemo illis tollit, irrita tamen erit, neq; meo quidem iudicio, effectus quales illi sperant, umquam apparebunt: quippe aëris temperamento & cœli positione nostræ planè contraria.

Peruana  
regiones  
alendis vi-  
ribus inc-  
a.

Ad hæc quando in Nova-Hispania aliisq; locis ubi melior mitiorq; tellus est, quam consitis viribus, vinum tamen non collegere: quanto minus in Peruanis provinciis? Addo etiam Dei bonitatem brutis illis gentibus tam præstantem liquorem concedere noluisse: sed attribuisse tantum pro eorum captu habituq; res ad tuendam vitam utcumq; necessarias.

HISPANI, qui coloniasibi posuere, raphanorum, lactucarum, melonum, cucumerum, brassicarum, copiam habent. Limonum etiam & aurantiorum, quamquam hi fructus non nisi ipso calido nascuntur. Ficuum mediocriter. Pecoris propemodum inopia est, idq; ob continua bella: & quum ibi essem, Limæ vacca una centum ducatis aestimabatur: ovis quinquaginta & sexaginta.

Vini caritas  
apud Pe-  
ruenses.

PERUANI: regni fertilissima provincia Quito est: ea frumenti admodum ferax, magnam etiam vim porcorum & gallinarum, Hispanicæ sobolis, alit: insuper cuniculorum jucundissimi saporis ingenti copia semper abundans. Sed vini summa ibi caritas. nam in ipsa Quitoensi urbe, ut quum vilissimè venditur, vini seriatim una, duodecim circiter lagenarum capax (lagena seu bocalium, ut vocant, xxvi i. uncias capit) quatuordecim aut quindecim ducatis aureis valet: Limæ & aliis maritimis locis, duodecim: sed Potosiæ mediterranea urbs est, quingentis amplius millibus pass. introitus à mari retractiori vulgò lxx. & lxxx. ducatis venit. Ad eum modum cæteris locis, pro ratione & situ regionis, quo importatur, majus vel minus pretium sortitur.

ATQUE hic nova sæpè intervenit calamitas. quum enim cadus, seu seriæ aut fidelis, quibus vinum ab Hispania deportatur, fictiles sint, quum è loco in locum circumferuntur, plerumq; franguntur. Sæpè numero etiam, morantibus diutius navibus, tantis locis vini penuria incidit, ut ejuscemodi cadus unus quadringentis, quingentis interdum, imò etiam mille, ducatis aureis ematur.



## CAPUT XXI.

*Peruani Christianos ex maris spuma concretos esse putant, Aurisodina exhausta Colonia in Peru ab Hispania condita.*



ATURUM jam mihi videtur falsas eas opiniones, quas illæ gentes de nobis habent, expromere. Postquam ingressis Perusium Hispanis, mores eorum, facta & atrocia sævitæ exempla, quæ passim ab eis edebantur, inspicere: nunquam ex eo non modo fateri voluerunt, nos esse Christianos filios Dei (sicuti ab Hispanis audiebant) sed ne ita quidem in lucem editos ut vulgò nasci homines solent. Quippe fieri non posse, ut tam ferox & truculentum animal ab ullo homine genitum & fœminæ partu editum sit.

*Aburda  
Peruano-  
rum ac  
Christianis  
opinio.*

Itaque eorum animis penitus hæc insedit opinio, nos mari esse ortos: ac proinde nos *Viracochie* vocant. quippe *Cochie* apud eos valet mare, & *Vira* spumam significat. Ergo nos è mari concretos & coalitos, spumaq; nutritos, vulgò ferunt: ac venisse in terras ad vastandum ac perdendum mundum. Neq; eam opinionem ullus, præter Deum omnipotentem, eorum animis evulserit. Nempe inter se ita ratiocinantur, Venti domus prosternunt, arbores frangunt: ignis eadem urit: sed isti *Viracochie* omnia devorant: terram invertunt, vim fluminibus afferunt, neq; ullum tempus remittunt: perpetuo irrequieti modo huc modo illuc vagantur, aurum & argentum insatiabiliter quærentes: mox ubi quæsi vere, alea consumunt, bella gerunt, mutuis cædibus se conficiunt, latrocinantur, blasphemant, Deum execrabiliter ejurant abnegantque: verum nunquam loquuntur, & nos nostris ditionibus & fortunis spoliare. Deniq; Indi mare diris execrantur, quod tam sævam & truculentam sobolem in terram immiserit.

*Barbari  
Christianorum  
vitia  
gravissimè  
arguunt.*

SÆPE varia ejus regni loca perlustrans, si quem fortè Indum obvium haberem, animi gratia, ut mentem ejus nudarem, sciscitabar ex eo, ubi hic aut ille Christianus maneret. Illi verò tantum abest, ut responsum aliquod darent, ut ne in os quidem contra me intueri sustinerent. Verum simul ac petieram, ubi maneret *Viracochie*, confestim mihi respondebant. Pueri quidem eorum vix verbum unum balbutire incipiunt, quum patres digito nostrum aliquem indicantes, En tibi, inquiunt, *Viracochie*.

PORRÒ quum in multis hujus Regni pagis, nempe quia opulentum est, Sacerdotes & Monachi erudiendæ juventuti dent operam, utinam tamen bonum aliquem fructum edant. Neq; hic omiserim, quod in *Quito* à Flandro quodam Monacho *Franciscano* audiui, cui *Jodocus* nomen erat. Is mihi reulit, se in provinciam *Cagnariam* profectum, exstructo ibi cœnobio, omnes ejus gentis regulos & primores evocasse. Quum tres tantum ex iis venissent, luculentissimam apud eos orationem habuisse, ut qui linguam *Cuscensem* optimè calleret, eisq; quæ ad fidem nostram pertinerent, copiosè exposuisse, fœdos simul eorum ritus & Diabolicas ceremonias damnantem: mox postulat eorum omnes baptizasse, atq; ita domum reversos.

*Religionis  
Christianæ  
contemptus  
apud Peru-  
anos ex ma-  
ris Hispani-  
æ exempla.*

VERUM, ut vidit Monachus eos ad sacrum in templum non venire, denuò homines adit, rogatq; ut in sancto proposito perseverent. Donec ad extremum, ubi vidit se operam ludere, nec fructus ullam esse spem, quum illi palàm cum risu dicerent, res *Viracochiorum* sibi non convenire, nec sibi tantum ab suis rebus esse otii, ut in templo frequentando vacare possent: his, inquam, compertis, Monachus sexto postquam eo venerat mense, *Quito* n ad suum monasterium reversus est.



Ac quando in eum sermonem incidi, age libens ab Hispanis ipsis quæ siverim, si apud eos nulla umquam antehac notitia, ac ne nomen quidem ipsum sacri Evangelii auditum, atq; hoc tempore gens aliqua in Hispaniam ad promulgandam Christianam doctrinam commearet, quomodo ipsi in Indiam iverunt: atq; & ea ipsis suas fortunas, uxores & liberos eriperet, atq; in ipsorum corpora tormentis cadibusque sæviret, ac promanciis venderet, multasq; alias in dignas injurias in eos ederet: quæro, quid ipsi essent facturi. Ego quidem non dubito, quin ipsi non tantum capitali & perpetuo odio eam gentem prosequerentur, & in eam probra omnia & fœda jacerent: sed etiam atroces de ea, si possent, expeterent pœnas. Si hoc Hispani ipsi alteri genti facturi sint, quis miretur hunc in modum Indos Hispanis, si possint, ufuros?

JAM superius de immensa opulentia egi ab Hispanis reperta, quum primum hoc regnum subegerunt. Attamen utcumq; tantum inde opum exhausterint, Indietiam nunc grandem lancem plenam Maizio tenentes, granum unum ex omni acervo eximunt, & Viracochia, inquit, hic foras exportarunt: & illud (lancem intuentes) apud nos remansit. Itaq; illi ne tam ingenti gaza Hispani potirentur, partim projecerunt in mare, partim defossas in terram opes abdidere.

Potosienses  
fodina.

Hispano-  
rum in ex-  
haustendis  
fodinis la-  
bor.

HISPANI præter hæc argenti & auri fodinas ditissimas apatuere, & argentearum quidem nobilissimæ sunt apud Potosienses. Non procul Cusco in flumine Calvaja auri purissimam ramentam invenere: deinde in Quitensi provincia auriferum aliud flumen, quod ab Hispanis San-Barbara appellatur. Aurarias quoque in quibusdam montibus nacti, cuniculis per magna spatia actis & tellure lignis columnis & fulturis suspensa, usque adeo fodere, quoad auraria venæ finem invenirent. Ac sæpè accidit, ut sidentibus rimis fracti montes, & omnes operarios & Hispanos ipso opprimerent. Aurum, quod ex iis montibus eruitur, minutæ arenæ speciem habet: id, effossa terra, agenti vivi ope colligunt, quo dè fluviis tollitur, in grumos & granum exiguum tum majora discretum est. At tunc quidem omnes ferè aurifodinæ exhaustæ sunt: argentaria abundè quidem adhuc suppeditant, sed non ea copia quæ primum. Neq; enim tantæ magnitudinis ullus mons est, quem, si semper inde tollas, ac nihil reponas, aliquando non exhausteris.

Colonia His-  
panica in  
Peru.

COLONIÆ ab Hispanis in eo regno conditæ hæ sunt: Lima, Arequipa, Cusco, Neapolis, Argyropolis, Trugillium, Guanucum, Chiachiapoi, Quito, San-Michaël, & Portus-vetus. Earum amplissima Lima est, quadringentis & quinquaginta circiter focis habitata: cæterarum aliæ viginti, aliæ triginta, quædam quadraginta, nonnullæ quinquaginta, aliquæ octoginta domus continet. Deniq; sic statuo atq; affirmo, omnium earum urbium, quotquot Hispani in ea India condiderunt: (quas illi amplius trecentis esse jactant) etiam si in unum acervum conferantur, non tot esse cives ac municipes, quot vel unius suburbii Mediolanensis extra portam Comasinam olim esse meminimus. Nam florentibus illius urbis rebus, ex solo eo suburbio XII. amplius millia hominum, exceptis senibus, emitti solebant: at in India Occidentali, annumeratis etiam senibus ac pueris, lustro facto nunquam amplius XIII. aut XV. millibus capitum reperta esse constat.

C A-



## CAPUT XXII.

*Peregrini à Gasca è Peru arcentur. Hispanica classis naufragium. Benzonis ex India Occidentali in Hispaniam, atque inde in Italiam reditus.*



UUM jam tertius ageretur annus, ex quo in Perusium veneram, ac me, jam collectis aliquot ducatorum millibus, earum terrarum satietas & fastidium cepisset, reverti in patriam constitui. Accessit eo etiam edictum præsidis Gascae, quo peregrinos omnes Perusio excedere iussit: quum videlicet à quibusdam Hispanis accepisset, Levantinos (sic nimirum nos vocant) perfidos ac sævos esse, ac multis Hispani exitii causam fuisse. Ergo, quum tunc in urbe Guajaquil essem, eoq; fortè acacium è Panama mercibus onustum appulisset, abire inde & patriam revisere statui.

Ut primum, confectis ad quæ venerat, magistro navis abire vacuum fuit, navim conscendi VI. die Maji, Anno M D L. solvimus, & in portu Zalangi præsidem Gascae invenimus. Is Panamam petebat, unde in Hispaniam trajiceret: ac tum quod solus navigaret, Navarcum nostrum comitem sibi ire iussit. Ille, quum Maizio navem onerare vellet, præsidem rogat, ut propter necessarios quosdam usus ipsum ibi manere pateretur. Præsides abit, nos tamdiu in eo portu hæremus, quoad onustum esset navigium.

MOX inde solventes, brevi ad Mantam appellimus: sed ibi navigium scopulo illisum fractumq; mergitur: omnes vectores & nautæ cum maxima auri & argenti parte incolumes, ad terram evadunt. Ea calamitas naucleri seu piloti suæ artis non satis petiti inscitia accepta est: is verò, qui Panamæ acacium deduxerat, subliterat in Guajaquil ejuscemodi ob causam. Allatum fortè erat per eos dies ab Hispanis Cæsaris edictum ac omnibus Indiæ partibus promulgatum, mulierum postulatu, quæ viris junctæ essent: Ut videlicet Præsides ac Gubernatores, viros, qui in Hispania uxores haberent, in Hispaniam remitterent: aut juberent eos de arcessendis eo uxoribus satagere. Ergo metuens nauclerus ille, ne Panama in Hispaniam remitteretur, nullius ibi favore subnixus, quum eo reverti nollet, in Perusio substitit.

*Edictum de arcessendis uxoribus.*

AMISSO verò, ita uti dixi, navigio, expectare aliam trajiciendi occasionem nosse nos fuit. Tandem quinquagesimo post hæc die, quum navis Lima veniens eo applicuisset, ei jungimur, & brevi Panamam pervenimus. Ibi comperto præsidem cum omnibus navibus è Nomine Dei in Hispaniam vela fecisse, in Nicaraguam transgredior. Ibi gravi ac diuturno morbo implicitus, ac vix tandem recepta valetudine, post quattuennium è Guattimala ubi tunc eram, ad Portum-caballorum me confero, quo naves ex Hispania appulisse acceperam.

CONSCENDO navim, solvimus: sed quum jam haud procul Cuba essemus, sæva repente coorta procella navim ad brevia illidit: nos, omni prope amissa pecunia, quæ in navi erat, ægrè in scapham transgressi, omnes tamen incolumes trigesimo quarto demum die summis cum laboribus & periculis portum Avanzæ tenuimus: ubi classẽ Regiam reperturos nos sperabamus. Sed ea jam octiduo ante, summo ipsius præfecto Didaco quodam Cajetano, in Hispaniam vela fecerat: atq; eam quidem vix medio itinere atrox adorta tempestas miserabiliter afflixit. Ex duodeviginti navibus, tredecim fluctibus penitus hæc sunt, quarum una vehebatur Clavissus Panamæ Gubernator, & duo Adseffores juridici novi regni Granatæ, qui ob multa injustitiæ & repetundarum crimi-

*Classis Hispanica naufragium.*

na,



na, Regis mandatu è provincia in Hispaniam deportabantur) duæ quassatæ & semilaceræ ad Dominicæ insulæ littora ejectæ sunt. Tribus reliquis in Hispaniam abreptis, una littoribus Portugalliæ illisa est: vectorum pars, amissâ navi, aggre ad terram enavit: altera Calicium portum incolumis subiit: Prætoria, haud procul portu San-lucari de Barameda, cum ducentis fermè hominibus periit. Præfectus scaphæ præsidio cum parte nauticorum & concubina evasit.

Mox quum Hispalim venisset, iussu Regis in custodiam conjectus est. Objiciebatur, eo tempore ex India solvisse, ut ei necesse esset hyeme in Hispaniam appellere, littorum præsertim egressu ea tempestate periculossimo. Itaq; ipsius culpa tantam calamitatem esse acceptam. Ille verò culpam omnem in necessitatem transferens, se quum tantæ alendæ multitudini comœatu Avana expedire non posset, indeolvere esse coactum defendebat. Tandem hæc atq; alia afferens emittitur, sed abrogato ei munere.

*Benzonis in Hispaniam, inde in patriam rediit.*

Ego interea Avana hærebam æger animi ac merens, idq; duplici de causa. Primum quod fortunarum mearum partem in supradicta navi amiseram: deinde quod classẽ Regiam, cui me adjungere cogitabam, profectam comperissem. Verum tam funesti naufragii nuncio audito, Deum divinamq; ejus gratiam laudavi, quod ei classi molienti me succedere non esset passus, haud dubiè si id factum esset, cum aliis periturum. Tandem decimo postea mense classis Regia in Indiam appulit: moxq; in Avana portu aggregatis quatuordecim navibus cum modicis tum magnis, brevialia vela, Dei ope, in Hispaniam fecimus. Trigesimo nono quam inde solveramus die, horribilem unam tempestatem in eo cursu perpepsi, insulam quandam Lusitanie (vulgò Maderam appellant) tenuimus, quæ juxta Cosmographorum rationem ab Avana amplius 1 v. m. miliaribus distat.

*Belmuda insula.*

MEDIO fermè itinere jacet exigua quædam & deserta insula, quæ ab Hispanis Belmuda appellatur: sed eam neq; nos in conspectu habuimus, neq; multi nautæ illac præternavigantes vident. Sumto in Madera pane, vino, aliisque comœatibus, vela damus: & octavum post diem, XII. Septembris, MDLVI. San-lucari portum ingredimur, atque inde Hispalim procedimus. Ipse simul ac expeditis negotiis dimissus sum, Calicium portum peto: & onerariam navim conscendens (Urcam vulgò vocant) Genuamq; bimestri navigatione pervectus, & incredibili ex conspectu patriæ perfusus gaudio, brevi Mediolanum pervenio.

*Gratiarum actio.*

QUAMOBREM immensæ atq; æternum laudandæ Majestati Dei, potentiæq; ejus, ac Servatori nostro Jesu Christo, immortales gratias ago, quod concessio mihi hoc beneficio, ut res adeo novas, tamq; à nobis diversas ac remotas terras viderem, me ab innumeris periculis liberaverit: ut quoties præterita in memoriam revoco, humanum unum corpus tot tantisque malis tolerandis sufficere vix potuisse existimem.

### CAPUT XXIII.

*Brevis insularum, quæ Canariæ appellantur, & rerum in iis memorabilium, descriptio.*



OMNIBUS navibus, quæ in Indiam Occident. cursum dirigunt, primam stationem præbent Canariæ seu Fortunatæ insulæ, 200. leucarum, nonnullæ etiam 240. intervallo ab Hispania, à 27. ad 29. ab Æquinoctiali limite, in Septentrionem, gradum sitæ. Earum prisca nomina, Pluvialia, sive Ombrios, Capraria, Nivaria, Canaria, Junonia, & eodem nomine proxima.



xima, sex tantum veteribus cognita, hodie septem numerantur. Illæ post Jubæ & aliorum veterum inquisitionem, diu nostris hominibus ignotæ manserunt, donec Johannis, secundi hujus nominis, Castellæ Regis, denuò, Anno Domini 1405. aut (ut alii tradunt) Petri Regis Arragoniæ, temporibus, Anno 1334. Hispanorum navigationibus aperta sunt, moxq; (ut hic scribit Benzo) partim ab Hispanis, partim à Gallis subactæ.

Operæpretium nunc facturus mihi videor, si quædam de Canariis insulis memoria non indigna contexam. Hæ septem sunt: Gran-canaria videlicet, Teneriffæ, Palma, <sup>Canaria seu Fortunata in insula septem.</sup> Gomera, Ferrum seu Ferrea, Lanzarotta, & Forte-ventura. Eæ non magno intervallo inter se disereta, ab ortu in occasum, continuo versu in ordinem porrectæ, xxvii. gradibus & dimidio ab Æquinoctiali linea absunt: Ab Hispaniæ promontorio Boldori non gentis & octoginta pass. millibus: ab Africa lxx. Perhibetur à veteribus nonnullis scriptoribus Fortunatas esse dictas, quod omnibus, quæ vita humana desiderat, iisq; sponte genitis abundant. Verum Solinus multò secius de iis scribens, plurimum istius fertilitatis famam elevat.

Porro veterum earum incolarum & indigenarum stirps hodie propemodum <sup>Canarii indigena pauci.</sup> sublata est. Ego quidem unum duntaxat in Palma insula vidi, annos fermè lxxx. natum: cui, quod è præcipuarum & veterum insulæ familiarum stirpe esset, Rex Hispaniæ certum annuum stipendium in victum dabat. Quum mihi fortè aliquando sermo cum isto esset, & ab eo mores atq; instituta gentis cognoscere cuperem, nunquam à vino integrum vacuumq; reperi. quippe ejus potius duce dine semel degustata, omnem voluptatem in ebriatione collocabat. Itaq; ea de re nihil certi tradere possum, nisi fortè pauca quædam, quæ ipse vidi, vel ab Hispanis nonnullis magno conatu audiui. Sed priusquam id aggrediar, exponendum videtur, quæ primagens (uti à nonnullis scriptoribus proditum est) eas insulas subegerit.

In historiis Petri Arragoniæ Regis, ejus nominis IV. traditur Anno mcccxxxiv. <sup>A quibus primum subacta Canaria.</sup> ad eum adiisse nobilem quendam Hispanum (Ludovico Cerdæ nomen erat) virum bellicarum rerum artiumq; peritissimum, qui, quod ei adhuc omnia incepta prosperè provenissent, arroganter Principem Fortunæ, sibi metipse cognomen fecerat. Is à Rege, ut ejus autoritate atque auspiciis Canarias insulas subigere liceat, simulq; auxilium petit: moxq; impetratis ab eo pecuniis ad celoces duas armadas, classe instructa è Calicio portu solvit. Brevi Gomeram tenet, ac centum & viginti milites in litus exponit. Sed vix egessos, Insulani feroces animis acriter impetu facto repellunt: maxima pars cæsi: cæteri trepida fuga compulsi ad naves partim eo nantes, alii scaphis raptim conscensis evasere: ac cum suo duce, qui Principatum Fortunæ se amisisse serò tandem agnoscebat, spe irrita mœsti in Hispaniam revertuntur.

Tradunt nonnulli missas è majore Baleari naves aliquot ad subigendas eas insulas: sed omnia scedè atq; improspere evenisse. Proditum est ab aliis, anno mcccxciii. Hispalenses & Cantabros aliquot naves militibus, equis & com meatu ad eam expeditionem instruxisse. Hi quum classe perarmata ad Lāzarottam appulissent, exscensuq; ad terram facto expedito agmine ad pugnam procederent, ne indigenas quidem incautos & solutos oppressere. Itaque multis horis acriter utrimque pugnatum: tandem victores Hispani plurimis hostium cæsis, multis captis, præda & spoliis onusti in Hispaniam revertere.

At ei ejus rei gloriam Gallo tribuunt, Nobilem videlicet quemdam Gallum, Ven- <sup>Venacur- rius Gallus Canariæ.</sup> tacurtium nomine, contractis ex castelli cujusdam sui pretio pecuniis classem tantæ <sup>expe-</sup>



expeditioni parem armasse, primumq; eas insulas cœpisse subigere. Is enim, quum ad Gran-canariæ oram naves applicuisset, atq; indigenæ egredientem in littus vim advenarum conspexissent, id protinus Bajanori insulæ regulo renunciant. Is tristi accepto nuncio, haud cunctanter concitis popularibus quantam potest multitudinem colligit: moxq; omnes è vicinis collibus ac tumulis ad littus descendentes ferociter in hostem incurrunt. Ac Galli quidem primo furentium Barbarorum impetu pulsi ac perterriti ingens damnum acceperunt. Sed mox confirmatis animis effusè concitant equos, & multæ cæde hostium inveciti, turbatos in fugam vertunt. Bajanor prælio superatus, simulatq; ex fuga sese recepit, statim ad ducem Gallum legatos de pace mittit. Qua bene data, Ventacurtius, Reguli hujus consensu arcem in insula coctili latere ædificat, eamq; quinquaginta militum præsidio munit.

EXINDE cum reliquis suorum cæteras insulas ordine prælegens, Palmam aggredditur, qua parvo negotio subacta, brevi quoq; Gomeram in potestatem redigit. Has tres insulas ita perdomitas Alphonso comiti Nebulensi Hispano, magno pretio vendit, qui mox cæteras ditioni suæ adjecit. Ex quibus apparet, jam multis ab hinc annis has insulas Hispaniæ regno subiectas esse.

Gran ca.  
maris de-  
scriptio.

JAM, quod ad mores ejus gentis attinet & fertilitatem terræ, quæ vel ipse vidi, vel ab aliis audiui (uti superius sum pollicitus) ea paucis exsequar. Primum ergo earum insularum maxima (Gran-canariam Hispani appellant) rotunda propemodum specie, cxxx. circiter millium pass. ambitu, urbem in planicie modica sitam haud procul mari Orientem versus, habet: quæ quum ibi essem, quadringentis circiter domibus habitabatur. Ibi Gubernatores & præfecti tum seculares, ut vocant, tum Ecclesiastici manent. Nullus ante urbem portus, sed duobus ab ea millib. pass. Septentrionem versus, prope exiguum montem statio quædam est. Ibi naves ancoras jaciunt: quibus scilicet tutandis vicino in littore Hispani modicam arcem excitarunt: ubi tum tormenta quatuor ferrea erant, eaque situ ac rubigine obducta. Ac sæpenumero equidem demiratus sum, quum Galli eodem ipso in littore naves aliquot ceperint, satis validum ad impetus hostiles arcendos propugnaculum ab Hispanis non exstructum esse.

In ea insula magna sit sacchari copia, plurimiq; propterea mercatores eo negotiandi causa commeant, maximè Genuenses. Omnes arbores ex Hispania eo translatæ facillè, præter oleam comprehenderunt. Ea, quæ Palma dicitur fructuum ubertate, maximè vini, in primis insignis est. Itaq; tantum ex illis vitibus provenit, ut non insulis modo vicinis vina suppedient, sed etiam dent, quæ navibus in Indiam, in Flandriam & Angliam portentur. Caprarum etiam & ovium greges cæ insulæ habent, ex quarum lacte caseum ingenti copia faciunt: cuniculorum verò vim prope innumeram. De cæteris, Tenerife quoq; & ipsa rebus ad victum necessariis abundat: sed tres illæ priores palmam obtinent: reliquæ, ut exiguæ, inopes & ignobiles spernuntur.

## CAPUT XXIV.

*Miraculum arboris in insula Ferro. Canariensium mores. Teneriffes insula mons.*

Arbor fer-  
rennes a-  
quas exsu-  
dans.



Es poscere hic videtur, ut priusquam hunc de Canariis sermonem absolvam, memorandæ Arboris miraculum referam. In insula Ferro est: perennes aquas è foliis exsudans stillansq; & quidem tanta copia, ut non incolis modo, sed etiam multò plurib. sufficere possit. Ea arbor mediocri magnitudine, nucis juglandis folio, quanquam paulò majore, muro circumlapi-  
deo



deo septa, instar fontis, est: & eo cratere defluens aqua suscipitur. Arcanum equidem natura mirabile: non reperiri tota insula ullam aquam, præter eam, quæ ex illa arbore manat: Porro arborem perpetua accensa nebula circumvestit: quæ tamen interdum, ubi Solis æstus flagrare incipit, paulatim discuti ac resolvi videtur.

PRINCIPIO, Hispanos eam insulam subigere aggressos, quum neque fontes, nec puteos, nec flumina invenirent, ingens admiratio stuporq; inceserat. Quumq; ab indigenis sciscitando exsequerentur, unde aquam sibi pararent: illi pluviam aquam in vasis collectam, reponere ad necessarios usus se respondebant: arbore nimirum prius arundinibus, terra aliisq; integumentis operta. quippe ita rati Hispanos, ubi aquam non reperissent, ex omni insula excessuros. Sed parum astus profuit. Nam insulam mulier Hispano cuidam, qui cum familiaris ei consuetudo intercesserat, arborem & arcanam vim ejus aperuit: protinusq; ille Hispanorum duci. At dux, qui rem tam inusitatam pro fabula duceret, risu temperare non potuit: mox tamen detecta arbore & rei certitudine comperta, omnes rei tam novæ miraculo defixi obstupuerunt. Neq; mulier indicium impune tulit, siquidem primores insulæ proditum ab ea arcanum quum cognovissent, brevinecem ei clanculum intulere.

Arborem  
illam mu-  
lier Hispana  
prodit.

CÆTERUM hi ferè Canarienses quondam idololatæ erant. Caprarum pellibus, quibus abundabant, amiciebantur: neq; alias domus, quam subterraneos specus norant, eosq; ferè ad radices montium aut sub collibus positos. Quum nullum haberent animal præter capras, quæ nostris multò grandiores sunt, iis vice boum ad colendos agros utebantur, & earum cornibus terram velut bipaliis fodiebant. Milium illis pro omni fruge erat, ex quo duorum lapidum attritu commolito panem faciebant, ab ipsis Goffo appellatum. Vinum è palmis, ut Æthiopes, moliebantur. Colore cutis prorsus tali sunt, quali erronei illi, quos vulgò Ægyptios vocant. Earum insularum cælum calidius, quàm frigidius est, etiam si Tenerife montem erigat (Picum Teydæ vulgò vocant) totius prope anni spatio opertum fidumq; nivibus. Quod quidem primum signum à mercatoribus ad eas insulas navigantibus eminus conspicitur.

Canarienses  
sunt mores  
& cultus.

Canariensis  
panis.

Tenerife  
mons altitudo  
15  
ferè leu-  
garum.

H 2

DE





## DE GALLORUM EXPEDITIONE

IN FLORIDAM, ET CLADE AB HISPANIS

NON MINUS INJUSTE QUAM IMMANITER

ipsis illata, Anno 1565. Brevis historia.

CUI ADIVNCTVM EST, SVPPPLICIS LIBELLI

*& quarele, à viduis, liberis, cognatis & amicis Gallorum, ab Hispanis in Florida  
contra fas ac fidem caesorum, ad Carolum IX. Galliarum Regem  
delatae, exemplum.*

## A R G U M E N T U M.



UNC libellum superioribus Benzoni libris adjunximus, tum quia ejusdem pene argumenti est, quum & rei in iisdem illis terris gestae historiam, & Hispanicæ sevitiæ insigne exemplum contineat: tum ut Hispanis ipsis speciosam illam larvam excuteremus, quam vulgò uti solent. Non mirum esse videlicet, se adversus Barbaros & Anthropophagos homines nihil humani præter speciem oris habentes, quorum immanitatem frustra per benignitatem & modestiam effugeris, sævitia sæpius quam clementia esse usos. Nam quid hic simile adferent? Expeditionem in Floridam suscipiunt Galli, idq; Regis sui iussu: neq; in alienam possessionem violenter irruunt. Etsi enim nullo jure Hispani latissimas illas in Occidente tum Insulas tum Indicarum continentis provincias, nisi fortè umbratili Pontificis donatione, cujus ea non sunt, possident: ab illis tamen Galli, velut justo titulo possessis, non vim duntaxat sed appulsum quoq; abstinent: & jam Hispanis visam quidem, nullis tamen adhuc Hispanicis coloniis infestam oram, velut vacuum, occupant. Hic Hispani non contenti vi ex iis littoribus arcere Gallos, ut pedem in sua inferentes: non in armatos tantum in quos par periculum & ardor certaminis irritat, sed imbellem quoq; inermemq; in turbam pueros & fœminas plusquam beluina sævitia debachati sunt. Ethoc quidem per me occultum sepultumq; maneret, nisi Hispani plura atq; atrociora & pridem & hodie in Belgio perpetrarent, quam quæ apud Indos unquam edidere.

## C A P U T I.

*A quo primum reperta & nuncupata sit Florida. Johannis Pontii, Ferdinand. Sotti & Hispanorum Monachorum infelices in eam expeditiones.*



UAM inclementer & parum humane Hispani victorias pacemq; adversum Indos Occidentales exercuerint, superiores libri abundè docuere: nunc verò etiam quomodo Gallos in Florida acceperint, brevi narratu exsequar. Sed ante omnia, quæ regio sit Florida, ubi sita, à quo primum reperta & tentata, exponendum est.

*Florida seu, & quâdo primum inventa sit.*

NON procul Hispaniola Boriquena insula est, quam hodie S. Johannis de Portudivite appellant. Ejus primus occupator ac Gubernator Johannes Pontius Legionensis, pro certo habens fore, ut ab Didaco Almirante & Prorege Indiæ, magni illius Christophori Columbi filio, æmulantium calumniis accenso, provincia demoveretur, cedere inimicis statuit, & novas sedes quaerere. Itaq; anno M D X I. celocibus duabus armatis,

- flexo



flexo in Septentriones cursu altum tenens, tamdiu navigat, quoad aliquantum progresso Biminiæ insulæ sese apperuerit: quæ ad Septentrionem Cubæ insulæ jacent.

EODEM tempore de prodigioso quodam fonte fama increbuerat, cuius aquis epotis fenes, exuta canicie, in juventam revirescerent: neq; eam fabulam cupidius sparserant Indi, quam crediderant nostri. Eam famam sequutus Pontius, dum circa eas insulas, fontem illum fabulosum quærens, senescit potius quam repubescit, sex amplius menses irritò errore absumit. Tandem tamen diu vagatus novam Indicæ continentis oram detegit, eamq; partem ad quam fortè ipso Resurrectionis die appulerat (quem vulgò Pascha floridum appellant) velut è renata sumpto nomine, Floridam ipse nuncupat. Id terræ <sup>Florida nuncupatio.</sup> prominens, linguæ aut manicæ instar, se ingenti fronte in altum evehens, centum leucas in longitudinem, quinquaginta circiter in latitudinem, patet. Ejus extremum cornu ab Æquinoctiali linea, Septentrionem versus, gradus xxv. distat: moxq; extendi ac dilatari incipit, qua in mediam inter aquilonem & exortum æquinoctialem regionem versa est.

Ex ea nova terra reperta ingentes sibi divitias despondens Pontius, brevi ad S. Johannis insulam regressus, mox inde Hispaniam petit. Ibi à Rege Catholico expositis, quæ invenerat, non magis meritorum respectu quam amicorum gratia, Biminensem & Floridensem præfecturam, Adelantadi titulo, obtinet. His auctus, in Boriquenam revertitur: coloniæq; in suam provinciam deducendæ certus, milites scribit, classem comparat, multosq; in eas res sumptus facit. Sed vix in Floridæ littus egressus, urbe condendæ sedes quærebat, quum Barbari classe inspecta accurrunt, expediunt arcus & nimbo sagittarum Hispanos obruunt. Pontius ipse in turba, venenata sagitta graviter ictus, prælio excedere coactus est. Inde Cubam auctus, paulò post ex vulnere moritur. Neq; ipse tantum, sed multi quoq; Hispani, qui ejus auspicia ad eam expeditionem sequuti fuerant, partim Indorum telis confixi, partim morbis & miseriis absumpti sunt. Ita jam tum Florida inauspicato tentata, inventoris sui cædæ nobilitata est.

Ex eo quum ob truces & bellicosos incolas vulgò infesta atque infamis haberetur, per diu intacta mansit. Donec tandem multis post annis Ferdinandus Sottus trib. milit. Attabalibæ Peruani Regis spoliis dives, & ex jam partis majora concupiscens, ejus provinciæ subigendæ administrandæq; potestatem à Cæsare petiit. Quæ impetrata cum multis Hispanis Floridam init: & omisso condendæ coloniæ cura, in mediterranea progreditur. Inde incertis huc atq; illuc errans sedibus vexare indigenas, & uni parandi auricuræ intentus, metalli ejus fodinas quærere passim institit. Parem videlicet ubiq; esse terrarum felicitatem, qualem in Peruanâ provincia nactus erat, credens aureos ibi montes opinionis errore finxerat. Ad extremum, quum non tantum Barbaros omni tormentorum genere, sed semetipsum quoque & socios cæca auri cupidine & irritò labore totos quinq; annos fatigasset, & suorum spem ipse, & eum vita, destituit.

SED ne tristi quidem Sorti exemplo cæteri à simili incepto deterriti sunt. Siquidem Anno MDXLIII. Floridæ in ditionem redigendæ multi decus petiere. In iis Julianus Samanus & Petrus Alhumada. Verum neq; Carolo Cæsari, qui tum in Germania erat, neq; Philippo filio ejus, qui præsens Hispaniam imperio regebat, ex Indici Senatus consilio, mittere quemquam in eam provinciam cum imperio placuit.

ERANT tum fortè in Hispania Dominici, qui feroces illas gentes verbis magis cicurandas, quàm malo & armis exasperandas esse dicerent, quiq; se eas tum ad Christianam fidem, tum ad Cæsaris imperium accipiendum sola oratione adducturos profite-



rentur. Neq; id facilius dictum quam creditum. Itaq; anno MDXLIX. auspiciis & sum-  
tibus Cæsaris mittuntur eo Monachi F. Ludovicus Cancellus de Balastro Dominica-  
nus & quatuor ejusdem ordinis.

*Dominica-  
ni in Flori-  
da à Barba-  
ria truci-  
dantur.*

APPELLUNT, exeunt de navi F. Ludovicus cum collegis & nautæ aliquot inermes  
(neque enim doctrinam pacis præ se ferentes arma ostendere par erat.) Illis conspectis,  
protinus Indi non ad concionem, sed ad cædem advolant. Mulcere alloquio Barbaros  
conabatur concionabundus Monachus: sed verba fiebant apud surdos. Ergo ne quic-  
quam vociferantem invadunt, & cum duobus collegis trucidant: cæteri quum fortè  
Confessorum laudem inter suos quam martyrii palmam apud Barbaros consequi mal-  
lent, proripiunt sese in fugam & navim repetunt.

AT Barbari (sicut postea ex adolescente quodam, Ferdinandi Sotti olim pedisequo,  
auditum est) in lætitiâ atq; epulas versi saginatis Monachorum carnibus opipare ve-  
scuntur, & detractas corporibus pelles, cutim etiam capitum in orbem attonsam, ferale  
tropæum, in delubro suo suspendunt.

HÆC igitur Florida est, de qua acturi sumus, inter cæteras Indiæ provincias multis  
Hispanorum cladibus notissima: nunc verò etiam (ut ex sequenti historia patebit) Gal-  
lorum.

ATQUE hæc, quæ sequuntur, prope usq; ad finem, ex brevi Gallicè scripta historia  
sumimus, cui præfixa epistola Nicolai cujusdam Challusii Diepensis nomen præfert:  
qui è Florida regressus, suos & lociorum casus memoriæ prodidit. Hunc ergo potius  
quam nos, quæ cum aliis viderit & perpeffus sit, ut in Gallico illo scripto loquentem in-  
duximus.

## CAPUT II.

*Rex Gallia classem in Floridam mittit, cui Johannem Ribaldum legatum præficit. Prospera de Flo-  
rida fama sparsa multos ad eam expeditionem invitat. Apparatus classis Diepe fit. Multi metu  
inceptum deserunt. Retrahi à fuga imponuntur in naves. Galli ab Anglis comiter accipiuntur.*

*Rex Gallia  
in Flori-  
dam clas-  
sem mittit.*



AULò ante civiles Galliæ tumultus Rex ex Principum & consilii sui sen-  
tentia decreverat in eam Indiæ oram, quæ Florida appellatur, nuperrimè  
à Gallis animadversam & cognitam, multarum navium classem cum non  
spernenda manu mittere. Itaq; composito primò civili Galliæ bello, pa-  
cèque regio edicto sancita, intermissa ejus incepti mentio revocata est.  
Moxq; in ejus rei effectum Johannes Ribaldus, vir magni animi consiliq; & longo re-  
rum maritimarum usu peritissimus, in aulam à Rege accitus milites scribere & septem  
naves viris comitatibusq; instruere regiis auspiciis jubetur, eiq; ipse classi, Legati regii  
titulo, præficitur. Mandatum disertè erat, ut recto cursu in Floridam navigans, ab omni-  
bus Hispanorum littoribus atq; insulis, quæcunq; in ditione Regis Hispaniæ essent, vim  
atq; egressum abstineret.

VULGATA protinus ejus expeditionis fama, multos ut illo Prætorè & regiis auspi-  
ciis ire vellent, & se ei classi adjungerent, perpulit: sed propriè quemq; causæ & varii affe-  
ctus trahebant. Alios cognoscendi orbis cupido accendebat, à qua nemo unquam in-  
genus abhorruit. quippe navigationem plurimum ad id studium conferre. Alii recen-  
ti à bello adhuc calentes, navigandi subire molestias quam conflictari prioris vitæ sordi-  
bus & ingrato labori malebant.

SED



SED in primis stimulabat omnes secundus de Florida rumor per Galliam dispersus. Fama de Florida, multo rariore veris affigit. Ei videlicet terræ omnium rerum, quibuscunq; vita carere non debeat, copia abundantissima etiam, vitalis ac perennis salubritatis cœli temperiem esse concessam. Quippe neq; infesto rigore ac gelu Septemtrionis præmi, neq; nimio Solis æstu exuri: sed salubri utrimque mixtura, in iustos etiam agros sponte natis frugibus incolas alere. Quod si excolere etiam liberet, hominibus tantum gnavis atq; industriis opus esse, qui nativam soli ejus ubertatem in humanos usus labore & cultu elicerent. ita optimam terrarum fore.

Ipsam ab Austro in Septemtriones prope pari cum Europa longitudine porrectam, latitudine etiam xxxi. ferè gradus amplecti. quumq; foliis percussa radiis plurimum genitalis caloris concipiat: eo tamen ita temperato uti non tantum rore ac frigore nocturno, sed lætis quoq; ac mollibus pluviis, ut è pingui cespite magnam vim herbidi graminis mirandam in altitudinem crescentis sua sponte tellus effundat. Ad hæc auri omniumq; animalium divitiæ, spaciose planities, aprici colles montesq; clementer editi: mira amnium fontiumq; amœnitas, varietasq; arborum gummi nobile & odoriferos succos exsulantium, prospera fama passim celebrabantur.

ERGO talibus pollicitis multi invitati, pleriq; etiam avara ditescendi spe, diversis è Apparatus Gallica clissi Disposit. partibus Dieppam confluebant. Eo loco lustrari multitudinem convenientium atq; inspicere oportebant, ut ex omni numero, quos maximè ad eam expeditionem idoneos judicasset, Regius legatus legeret. Segnius tamen quam pro nonnullorum studio tota res administrata & perfecta est: eorum maximè qui milites domi suæ exceperant, indignantium tam diu ignavos & immunes homines suis sumptibus ali, etiam si spe precii & splendidis promissis lætarentur.

QUATUOR menses & amplius otiosè in ambulantes in ea urbe consumserunt: donec tandem fide data se Regi strenuam fidelemq; operam navaturos, in verba legati jurare: simulq; ut sacramento obligati fuerant, stipendium in sex menses accipiunt: cuius rei mox Prætores ipsam pœnituit. Quidpe incunte Majo, Anno MDLXV. quum naves conscendentium numerum recognosci oporteret, multi eorum etiam, qui stipendium acceperant, sive longitudine itineris, seu formidabili barbari elementi specie perterriti, mutato repente proposito, clanculum se subducunt. Ei desertioni ut maturè obviam iretur, ne latius exemplum serperet, conquisiti desertores atq; à fuga retracti, severè eodem ipso momento naves conscendere jubentur. Id x. die Maji factum est: nos tantisper dum pecorum & farinæ commeatus in naves in salo stantes imponitur, in ea statione usque ad xxxi. diem ejusdem mensis hæsimus. Multitudo eorum, qui conscenderant, in quibus aliquot cum familiis suis opifices, trecentorum numerum efficiebat.

QUUM ibi commodum & imperium Legati regii simulq; secundum ventum expectaremus, xxxi. ejus mensis venti repente vehementes utrimq; ingruunt. Inde inhorrescens mare, & concitati ex alto fluctus icuq; contrario inter se horribilem in modum arietantes, nautas quoq; ipsos turbaverant. Ergo trepidi & ancipiti malo attoniti nihil opis invenire, nisi ut incisis ancoralibus, amissis ancoris, nos ventorum arbitrio permitterent. Vehementissimus omnium Aparctias erat: is tanto impetu vela nostra ex alto percussit, ut protinus ad Portum-gratiæ (vulgò *Haure-de grace*, Normandiæ portus est) volantibus similes deferremur. Ibi triduum morati, quoad missus à nobis Dieppam myoparo, nuncia inde referret, ab ea statione xxvi. ejus mensis solvimus.

QUUM recta in Floridam cursum corrivere cogitaremus, adverso protinus vento repulsi



repulsi ad insulam, cui *Vnich* nomen, Anglicæ ditionis, deferimur. Ibi Angli de nostræ expeditionis consilio cognoscere quum voluissent, postquam intellexere, se suaq; nobis iuvandis benignè obrulerunt. Ibi a<sup>o</sup> xxviii. ejus mensis ad xiv. Junii, quum naves in ancoris steterissent, ea ipsa die aspirante Aquilone secundo, sublati velis rectum in Floridam cursum capeimus, quam velut novam Franciam appetebamus.

*Lucasina  
magna, una  
ex Lucasii  
insulis.*

Toros duos menses Oceanum sulcavimus, priusquam Floridæ oram ullam aut vicinam aliquam ei terram in conspectu haberemus, præterquam Antiliarum unam (quam indigenæ *Vocajouques*, Galli Magnam-lucasiam vocant: nostrum aliquibuscum Catharinam, Regis ipsius matris nomine, nuncupare placuit) Eam xxvii. gradibus ab Æquinoctiali circulo in Septentrionem distare ferunt. Ducentis etiam ab ea leucis in alto navim quandam animadvertimus, sed ad quam non propius quam quinque aut sex millibus pass. accessimus.

## C A P U T III.

*Gallica classis in Floridam appellit. Floridensium cultus, mores, cibi, fruges, potus. Crocodili & Alata serpentes. Florid. religio.*



*Hispanus  
naufragus  
à Gallis ex-  
cipitur.*

ANDEM xiv. Augusti Floridæ littora nobis sese apperuerunt, mox igne, quod Indi nobis signum dabant, e minus conspecto, phaselum ad explorandum terræ accessum mittimus. Is fluvium quendam exiguum specularatus, ostium ipsius invehitur. Accurrentes ad littus aliquot Barbari nummos mercibus nostris permutant. Eam autem pecuniam sibi paratam agebant

ex navi quadam, quæ ab Antiliis revertens carinam ibi vadis fixerat. Repertum quoque in eo littore Hispanum unum, qui è naufragio ante viginti annos ibi facto evaserat, in navim accepimus. Mox sciscitanti ex eo, ecquid de Gallis audivisset, & ubi sedes haberent, docemur: Nihil scire ipsum eade re, nisi quod ab ipsis Barbaris didicisset: Gallos videlicet quinquaginta leucis Septentrionem propius quam quò appulissimus, confedis.

*Maji flu-  
via.*

ERGO inde retro oram prætervecti (quæ nobis depressa, & solo arenoso arbusculis confita: leni etiam neq; admodum profundo æstu, qui ab Occasu brumali adlabitur, inundari visa est) medio ferme cursu flumen detegimus, quem Maji fluvium nostri antè nuncupaverant, ubi æstus quoque, ab Occasu solstitiali affluentes, modicè intumescunt: ac propter tenuitatem aquæ sidentes in vadis ancoræ faciliè conspici possunt. Sex quidem aut octo à littore millibus pass. non profundiorum quam sex aut septem ulnas aquæ altitudinem comperimus. In aliud præterea flumen nos incurrisse memini, inter Majum & Ayum fluvios, à Majo Septentrionem versus quatuor millibus pass. distans: ad cuius os singulis noctibus jactis in profundum ancoris, octo aut novem ulnas altitudinis arenamq; interdum in fundo, nonnumquam calculosam terram, aliquando permixtum limo uliginoso sabulum, reperiebamus. Fluvii quoq; qui Delphinatorum dicitur, jacta boide altitudinem explorantes, duarum ulnarum esse in alvei faucibus cognovimus: quanquam ibi æstus quatuor super cubitis intumescit.

*Delphino-  
rum flu-  
vium.*

*Carolina ca-  
stellum Ca-  
roli IX. no-  
mine nuncu-  
patur.*

POST hæc commodum aliquem egressum in ea ora speculari, xxvii. Augusti statione in Maji flumini objecta, quatuor à littore millibus pass. ancoras ad vii. aquæ altitudinis ulnas jacimus. Vigesima nona die ejus mensis tribus minoribus navigiis flumine adverso subeunt, recta ad Carlinæ Castellum tendimus. Id propugnaculum nostri paulò antè, ut per fugio ac præsidio Gallis eò appulsis esset, extruxerant, satis commode atq;



INSUL. CANARIÆ.

atq; opportuno situ quippe hinc alluente fluvio: ab altera parte vicina silva, campoq; inter silvam & munimentum interjecto, cui amœnus collis imminet, quem densa arborum gramina omni ex parte vestiunt. Semita tantum una adibat silva, unius passus latitudine via singulis pervia: quam nostri aperuerant, ut ad fontem, qui in nemore erat, commearent. Postquam ad eum locum pervenimus, Prætor noster exportari in navibus cibaria ceterosq; commeatu ad recreandum præsidium jubet, nosq; opifices cum feminis & pueris eo concedere: negotio dato nobilibus viris Ullio, Bellocaro, & aliis, ut nos educerent, quibus etiam rerum, quas in impedimentis preciosissimas habebat, custodiam commisit. Ceterum eos, qui in castello erant, non mediocri lætitia adventus noster affecit, quippe anxios incertosque, quod jam diu nihil à Gallia audirent. Onerat dolorem, quod alimenta etiam defecerant, nisi forte indigenarum, agrestium & barbarorum hominum, ritu vivere vellent: à quibus etiam nihil, nisi vi & rapto extorquere poterant, sicuti suo loco fusi dicemus.

Si mutæ nobis quicquid concessa est, indigenarum speciem contemplari cœpi, quæ <sup>Floridissimæ & generatim cultæ.</sup> mihi satis liberalis & humana visa est. Quippe viris rectus & quadratus corporis habitus: natus color in rubedinem vergit. Regulos esse illis & singulis præesse pagis accepi: corpus distinctum coloribus & maculis varium gerere, pro ornamento habent. Nullo vestitu, nec magis viri quam feminae, coluntur: nisi quod illæ populo aut plagula ex Croci alteriusve animalis pelle, quam nodus attingit, extremis fasciæ tenui infistunt femur pendentibus, muliebria operiunt. Ceterum plena rotundaq; oris specie, nec simi neq; chilones sunt: truces vigentesq; oculi, promissæ facies, quam & concinnè circa caput colligunt: ita innexis comis, quoties bella ineunt, pharetræ illis vicem præbentibus, quippe ibi sagittas condunt, quibus mirum est, quam procul, quamq; certo ictu destinata feriant.

Quod ad mores attinet, fœdi & flagitiosi sunt: liberos suos, neque ulla domestica <sup>Floridissimæ & generatim cultæ.</sup> erudiunt disciplina, nec coercent: nec rapere, nec pro suo uti, quod rapuere, ipsis religio ulla est. Attamen sua cuiq; uxor & severa illic matrimonia sunt. Bella adversus finitimas gentes, sed sermone dissonas, gerunt: tela illis præcipua, arcus & sagittæ. Domus ferè rotunda ut columbaria nostratæ, robustis impostæ arboribus & palmarum foliis contextæ, nec ventos, nec tempestates metuunt. Infestis tamen vexantur culicibus, quos ipsi <sup>Floridissimæ & generatim cultæ.</sup> *Maringones* vocant: neq; alia ope quam crebro igni, maxime sub cubilibus accenso, ab ejusmodi pestibus se liberant. Acriter ea insecta pungere referunt, & corporis partem morsu ab us appetitam in lepræ speciem verti. Nihil ferè preciosius aut elegantius ducunt, quam versicolores avium pennas: pretium etiam apud illos calculis, quos ex piscium ossibus faciunt, & rubris quibusdam ac viridibus lapillis.

Cibi eorum, radices, fructus, herbae & vari generis pisces. Pinguissimo pisce utuntur, quem exenteratum fumo durant: patria lingua *Bauquavé* nominant: cujus exento adipe pro butyro aut alio liquamine utuntur. Frugum nostrarum nihil habent, sed <sup>Floridissimæ & generatim cultæ.</sup> *Mili* quoddam genus summa copia, quod in septenum pedum altitudinem crescens, culmo arundineo, granum pisi crassitudine, spicam seu paniculam pedali longitudine fundit, recentis ceræ colore. Cujusmodi omnes ferè tum insularum, tum continentis Indiæ Occidentalis indigenæ utuntur, & vulgo *Mari* vocant in Hispaniola: *Brasilien*es verò *Avati*. Quum eo vesci libet, primum tritum in farinam solvunt, mox eo diluto mistoque *Migan* suum (ut ipsi vocant) informant: id oryza nostræ speciem refert. Protinus corrumpitur. itaq; quam recentissimum edi oportet. Silvestres labruscas magna copia



*Labrusca  
apud Flori-  
denses.*

*Floriden-  
sum potus.*

ea tellus alit, quæ ut multis Galliarum locis videre est, amplexu arborum innixæ sursum reptant sed cultu mitescere, vinumq; reddere ab incolis non docentur, neq; ejus rei usum ipsi norunt. Potum ex multiplici herbarum succo, ipsi sibi moluntur: *Cassinet* appellant: Cerevisiæ fermenti colorem refert, ac ne mihi quidem ipsi bibenti admodum abhorrenti gustu visus est.

*Crocodili  
Florid.*

REGIO mihi montosa ac silvosa visa est: inde ingens ferarum copia, quarum favitiæ ipsi indigenæ, nisi acri custodia semet sepiant, obnoxios sæpè se esse memorant. Jam mira multa de animalibus, quæ ibi esse auditu tantum accepi, consultò prætereo. Ea exsequi satis habeo, quæ mihi visu comperta, & quæ nunc memoriæ prodantur, satis digna judico. Crocodillos inprimis plures vasto hiatu ex arenis prædam captantes vidimus: in iis mortuum unum, cujus caro tenera & candida, mihi locisq; vescentibus, vitulinæ gustum referre visa est. Is tormentuli globo duas inter squamas adacto, carius fuerat: alioquin cute contra omnes ictus invicta. Ore vasto hic erat, maxillis horribilem in modum inversis, pectinatim stipante se dentium serie: hiatu quidem adeo patenti, ut solidam juvencam vorare posse videretur. Cæterum XII. aut XIII. pedes longius, breviora crura quàm pro cætera corporis proportionem habebat, unguibus sævis armatus, cauda longa & valida, in qua præcipua ejus vis roburq; consistit. Nullam in ejus ore linguam animadverti, nisi fortè intra fauces lateret. Ore enim (ut dixi) ita prodigiosè distorto erat, ut superiorem maxillam inferioris loco positam haberet, sædum planè ac terribile visu spectaculum.

*Alata ser-  
pens.*

*Floridenses  
non proprii  
à pietate  
alieni.*

ALIAM quoq; serpentem, à nostrorum uno interfectam, non procul nemore, vidi: alis, ut videbatur, eatenus instructam, ut tolli à terra posse, & demissè volitare, videretur. Ejus defectum caput Barbari summa cura abstulerunt: rationem scire non potui. Nostrum aliquibus opinio erat, id superstitione quadam à Barbaris fieri: neque quantum animadvertere mihi licuit, planè religionis expertes sunt. Imò, quemadmodum signis & argumentis deprehendi, eos non tantum ad civilem aliquam morum honestatem, sed etiam ad pietatem, si Dominus concederet, assuefieri posse existimo. Quippe simulacrum ære campano in castello signum ad preces datum audiverant, ex templò in vicinum campum concurrentes, sublatis, ut nos in cælum manibus, attentionem aliquam ac reverentiam præ se ferebant.

## CAPUT IV.

*Hispanica classis ad Floridam appellit. Hispani Gallorum castellum de improvviso adorti Gallos viros feminasque promiscue trucidant.*



NTEREA Prætor noster invicti muneris haud immemor, propugnaculo muniendo intentus erat, ut incursionibus Barbarorum sustinendis par esset, si fortè in nos impetum facerent. Verùm unde minimè metuebatur periculum atrox ingruit. Nam XIII. Septembris, repente classi nostræ quinque Hispanæ naves superveniunt, Prætoria quadringentorum, ut videbatur: tantum & quinquaginta doliorum capax: tribus dromonibus comitata. Ea classem ipsam stationem appellit, ubi quatuor nostræ naves in ancoris stabant, circum nonam vespertinam. Noctu nostri in colloquium Hispanos evocant, petunt animo, quidve quærentes suis navibus adeo propinqui steterint. Illi respondunt: Gallis pro hostibus uti, mutuumq; inter eos bellum satis superq; indictum esse. Nostrum



Nostri Hispanorum infesto perspecto animo, neq; sibi satis ad resistendū virium, subla-  
tis confestim dolonibus altum capessunt. Hispani fugiētes passis & ipsis velis insequuti,  
assequi tamen nequiverē. Itaq; Delphinorum fluminis ostium inveci, exscensum ibi fa-  
cere statuūt. Mox cum Barbaris (ut ex eventu apparuit) consociatis de perniciē nostra con-  
siliis, occultos militum globos, quantum satis ad rem parrandam esse visum est, inde ab  
eo flumine mittunt. Sexcentos in armis fuisse expeditos, à Barbaris postea accepimus.

PAULÒ post, quum tres naves nostræ è fuga collectæ ad stationem revertæ essent,  
(nam Prætoria, Trinitas ea vocabatur, paulò longiùs in altum provecta à reliquis disces-  
serat) Johan. Ribaldus Prætor, tribus illis Hispanis ultrò occurrere easq; aggredi statuit.  
postquam utiq; ex consilii sententia instructam in alto classem ostendere hosti, ut ne-  
cessarium, decrevit, & se toto Oceano defendere, nisi navium jacturam facere vellemus.  
Nostri enim militibus in terram expositis, facilimum hosti erat, naves præsidio vacuas,  
nullo impediēte occupare & injecto unco abducere: quod sine gravi nostro incom-  
modo accidere non poterat. quippe supremo erepto auxilio & sublata unica ope, qua  
Regem Galliarum dererum nostrarum statu possemus certiozem facere.

ITAQUE X. Septembris, hora tertia pomeridiana, Prætor lustrato & recensito exer-  
citu, lectisq; non iis modò militibus, quos ipse nuper adduxerat, sed eorum quoq; præ-  
cipuis, qui Castellum præsidio antè obtinebant: in iis nominatim, legato, signifero, &  
præfecto ordinum Lauduneri tribuni mil. omnesq; ad strenuam Regi operam navan-  
dam cohortatus, simul navim conscendit. Is tribunus tum quòd jam diu nullum è Gal-  
lia nuntium acciperet, tum in summa commeatus angustia tædio victus, paulò antead-  
ventum nostrum inde excedere & reverti cogitabat: parum interim sollicitus, ne quid  
Barbaris injuriæ à suis inferretur, quo eorum animi à Gallis alienarentur. Itaq; illi tole-  
rante ipso vulgò indigenas vexare, & vi captos in castellum trahere: milium cæterasq;  
eorū fortunas agere ac ferre. deniq; omnia facere, quæ necessitas impatiēs legū jubebat.  
Quibus ex rebus ingens brevi Barbarorum odium in nostros conflatum est. Ergo (ut  
conjectare ex eventu est) stimulante partim insita humanis ingeniis ulciscendi cupidine,  
partim protegendi corporis appetitu, omni animantium generi à natura tributo, perni-  
ciem nobis clam struere & occulta cum Hispano consilia inire, incipiunt.

UNDECIMA die Septembr. circiter VIII. horam matutinam, quum jam nostræ na-  
ves haud procul Hispanis abessent, vehemens repentè turbo exoritur, effuso imbre mi-  
stus, cum ingenti fragore cæli tonitribusq; & fulguribus præstinguentibus aciem ocu-  
lorum, ut penè ipsum cælum continuo incendio ardere videretur. Turbatæ utrinq; clas-  
ses diversæ abiere: tres nostræ naves demissis antennis procellæ vim declinare, Hispana  
Prætoria & scapha ventum sequi, coactæ sunt. ea tempestas, usque ad XXI. Septembris  
diem tenuit. Interea Hispani in terram egressi satis ocii ad nostra exploranda habuere,  
easq; comparanda, quibus nos per dolum opprimerent. Neq; eos fallebat, nos præcipuè  
classe pollere, eoq; vires abductas cæteram multitudinem in castello relictam, imbellem  
numerum, partim ægròtis, nondum ex jactatione maritima recreatis, partim opificibus,  
fœminis ac pueris constare. Ducenta fermè & quadraginta capita ibi erant, Lauduneri  
trib. mil. fidei ac tutelæ commissà: militare robur in navibus: neq; is, casus ejus, qui su-  
pervenit securus, vim ullam hostilem ab terra metuebat.

AT Hispanus incredibili celeritate, silvas, stagna, & flumina transgressus, ducibus  
Barbaris, XX. die Septembris improvisus advenit, & paulò ante Solis exortum, pluvioso  
admodum tempore, Castellum nullo resistente ingreditur. Pleriq; vigilum solutis ma-



*Hispani  
Gallos de  
improviso  
oppressos  
fœdè iugu-  
lant.*

nè excubiis, ad reficienda quiete corpora fœda totius noctis tempestate vexata, dilapsi erant. Hispani portula aperta irrumpentes, sopitos vigiles in cubilibus suis obruncant: fœda inde trucidatio in castello fit: viri ac mulieres, ægroti & valentes, senes ac pueri promiscua cæde jugulantur. Quis immania ejus Dei facinora, quis stragem huic parem aut animo assequi queat, aut oratione complecti? At nostri interea tamen in tantis angustis non se deferere: qui maximè impigri erant, è stratis inter tumultum elapsi celeri fuga se in navigia ad fluminis ripam religata proripiunt, quorum Prætor Jacobo Ribaldo, navis unius Præfecto (cui Perla nomen erat) & Ludovico Balardo legato ejus, custodiam commiserat. Alii repentino casu oppressi, vallum transiliunt: in iis Laudunerijs tribus mil. cum domestica ancilla illac erupit.

*Hispanica  
sævitia ex-  
emplum  
horribile.*

Ipse vix è tugurio egressus, quum ad opus diurnum fabrilè scalprum gerens proficisceretur, in hostes incido: ac quum neq; ulla nisi in fuga spes, neq; ullum effugium, nisi per vallum pateret, & jamjam tergo meo duo Hispani cum hasta & sarissa hærent: ibi repente, qua vi nescio, haud dubiè quidem divinitus, geminatis in senili hoc meo & effæto corpore viribus, vallum novem ferè pedes altum, quod ægrè aliàs per otium reptando ascendere & sensim transgredi potuissim, expedito saltu supero & in silvam accelero. Ab ea quum non longius abesse viderer, quàm quantum telo adigipoteat, respiciens & in castellum oculos retorquens, paulisper etiam in colle subit, idq; eo fidentius, quòd nemo mihi fugienti instaret. Ab eo loco facili in castellum & inferius adeò hypætrum prospectu, sævientes Hispanos, & horribilem nostrorum lanienam video, triaq; jam hostium vexilla munimentis imposita. Quamobrem omni de nostris spe amissa, collectis conjectisq; in unum Dominum sensibus, meam salutem ejus gratiæ commendans, in silvam me proripio. Quippe nihilo immaniores feras experiri posse videbar, quàm hostes, quorum plusquam beluinam sævitiam in nostros exundantem conspexeram.

*Errantes in  
solitudine  
clamant ad  
Dominum:  
ex de angu-  
stiarum  
eripit eos.  
Psalm. 107.*

CÆTERUM horribiles illæ angustiae, in quas conjectus nullam circà spem neque viam salutis in terris cernebam, nisi Dominus singulari quadam ope, & præter omnem opinionem, me ex tam præsentis periculo eriperet: erumpere in suspiria & flebiles voces cogebant, atq; ejuscemodi clamores, crebro singultu ac gemitu interruptos, ad Dominum edere: O Deus patrum nostrorum, Deus misericors; qui te ex ipsis inferorum faucibus & media mortis abyssò invocari à nobis jussisti, teq; nobis laborantibus certò ad futurum es pollicitus: quæso, ut pro ea spe ac fiducia, quam in tereposui, viam mihi aliam quam ostendas, qua exitum tot malis, atq; huic infelici meæ senectuti, in profundos dolorum gurgites demersæ, finem tandem inveniam. Saltem hoc unum concedito, ne hinc ex ferarum rabie, illinc ex hostium tuorum nostrorumque sævitia conceptus pavor, omnem ex animo meo fidem & certam de promissis tuis persuasionem excutiat. Illi nos magis propter sacrosanctum tuum nomen, quod invocatum est super nos, quam ullam aliam ob rem oderunt, Domine. Fer opem mihi Domine, fer opem. nam me tot undique circumvallant mala, ut emergere nequeam.

Dum hæc mecum anxius agito, invium interea saltum densisq; inter proceras arbores virgultis ac spinis, veluti perpetua sepe objecta, contextum penetrans: vix semihoræ spacio processeram, quum ecce repente è proximo strepitus hominum lugubri ejulatu planctuq; permixtus, ad aures meas pervenit. Ego, Dei auxilio fretus, progredior ac circumspectans, primum unum è nostris nobilem, cui Blonderio nomen erat, reperio: neque longo ab eo intervallo alium, quem D. Robertum vocabant, nobis omnibus faciliè notum, quòd ei precum in castello concipiendarum cura commissæ esset. Mox etiam etiam



iam in Ullii nobilis viri pedisequum, D. Belli nepotem, Jacobum Tuscanum, & multos alios uno agmine, incidimus. Ibi collecti & communem miseriam descentes, quid facto opus esset, ut saluti consuleremus, unà deliberamus. Tum nostrum unus, quem vulgò omnes in sacrarum literarum lectione plurimum versatum atque exercitatum judicabant, hunc ferè in modum disseruit:

EXTREMUM hoc miseriarum est, Fratres: quocumque convertimus oculos, nihil præter immanem barbariem cernimus: cælum, terra, mare, silvæ, homines, omnia nobis adversa atq; infesta sunt. Juvat tamen humanam misericordiam experiri. Ecquid scimus, num fortè Hispanus, si nos ejus fidei ac clementiæ permitimus, deditis ac supplicibus parcat? Interficiat nos: brevis in morte dolor, harum etiam calamitatum finem afferet. Homines sunt: neq; extra spem est, quin furore placato nos in deditionem accipiant. Nam quæ alia salutis via aut ratio nobis superest? Non præstat subire manus hominum, quàm aut hic lacerari ferarum unguibus aut miserrima fame tabescere? Ille ita loquutus est: & major pars, consilium approbans, in eam sententiam ibat: me frustra dissuadente, & cruentas adhuc ab recenti victoria hostium manus subiciente. Neq; verò eos propter communes Regum ac populorum discordias, aut humana certamina, tam impotenti rabie sævisse: sed ob id maximè, quod intellexerint nos ex eorum numero esse, qui Euangelio nomen dederint. Non pudere nos in homines potius quàm in Deum conjicere oculos? qui suorum vitam vel in media morte incolumem præstat, iisque ferè, quoties terrena subsidia deficiunt, & humanæ spei locus nullus est, salutarem manum è cælis porrigit. Simul in eam sententiam petita è Scripturis exempla adferebam, Josephi, Danielis, Eliæ, & aliorum Prophetarum: Apostolorum etiam, in iis Petri & Pauli, qui extraordinariis, & humanæ rationi incognitis modis, periculis erepti sunt. An brevior aut imbecillior nunc, est (ajebam) Dei manus quàm olim fuit? Non meminimus exitus Israëlitarum ex Ægypto, quum à Pharaone fugerent? Quæ spes erat populo, ut tam potentis tyranni manus effugeret? Ipse à tergo fugientium vestigiis hærens: mare à fronte, utrumq; latus prærupti montes claudebant. Itaq; qui tum mare dividens, quibus nullæ ad resistendum vires, ac ne effugium quidem patebat, hinc à fronte, hinc ab tergo, inclusis, iis per medios fluctus novum iter aperuit, non potest idem per invios ignotæ hujus terræ saltus nos in tutum locum deducere?

*Hispani ob religionem pios Gallos oderunt.*

*Esa. 50. 1.*

HÆC & talia quamvis dicerem, sex tamen ex omni numero minimè assensu, deserunt nos, ac sperantes se aliquid gratiæ apud hostes inventuros, ad eos se conferunt. Verum mox tristi experientia didicere, quàm parum prudenter sibi consulant, qui plus fidei in hominibus quàm in Dei promissis ponunt. Vix enim silva egressi per clivum ad castellum descendebant: quum ab circumfusus protinus Hispanis capti, cæterorum exemplo jugulati sunt, & ad ripam fluminis tracti, ubi cumulata corporum strues jacebant, eorum quos in castello Hispanicus furor absumserat.

*Eorum, qui hominum fidei quàm Dei providentiæ se credere malunt, trijūs exitus.*

## CAPIT V.

*Hispani Gallis, qui in navibus erant, deditionis leges ferunt. Galli deditionem aspernantur. Hispani in mortuos sæviunt.*

SINGULARE sævitæ exemplum hoc loco non prætermittam, Jacobus Ribaldus Perlæ præfectus, (navigii id nomen erat) naveis in ancoris centum fermè à cruento illo spoliario passibus, habebat, multosq; è carnificina clausos exceperat. Hispani egregia de inermibus victoria inflati, & reliquum Gallorum sanguinem haurire cupientes, Castelli tormenta in naves & le-

*Hispani, quos insidiis excipere non poterunt, verbis pellentes conantur.*



nunculos dirigunt, sed pluvioso tempore, tum non satis paratis machinis, effectum est, ut sine ullo nostrorum vulnere, omnes eorum conatus in irritum caderent. Itaque tubicinem ad naveis mittunt, qui nostros ad deditiōem compelleret. Verum ubi his parum moveri Gallos intelligunt, legatum unum è suis remittunt, qui Dom-Petri de Malvendo, hujus cohortis Præfecti auctoritatem præferens, cum illis de pace his conditionibus ageret: ut traditis majoris formæ navibus, ipsi cum suis rebus atque impedimentis, scaphis & lenunculis ad cæteram classem evaderent, quæ in salo ad ostium fluminis stabat, à Castello quatuor millibus pass. distans.

Galli cor-  
dati omnem  
cum Hispano  
compositionem a-  
bernantur.

Ad hoc postulatum nostri respondent: nullum sibi cum ipsis bellum esse, quod pace aut deditiōe finire opus sit. Se sextum ante mensem eam navigationem Regio mandatu ingressos: ac tantum abesse ut eam hostili in quemquam animo, aut prædandi consilio susceperint, ut disertè tum ab Rege suo, tum ab ipsius Almirante seu Archithalasso, vetitum sit, ne in ulla Hispanorum littora exscensionem facerent: imò, quo minus illis justam offensionis causam præberent, ne propius Hispanicæ ditionis oras naveis appellerent. Nos verò (inquiunt) hoc Regis mandatum sanctè atque inviolatè servavimus: ac ne id quidem vobis relictum est, ut eadem hanc nostrorum hominum, quos contra omnia belli jura trucidastis, nostro ullo merito aut culpa accidisse causèmini. Itaque que nil mirum est, si vos ejus rei aliquando pœniteat. De cætero, quas petitis naves vitam potius nostra quàm iis vos potituros scitote: ac si vis adfertur, nos arma & corpora, & quidquid à Deo accepimus, opposituros.

Hispani in  
cadavera  
jaciunt.

HISPANUS reversus, Gallos verbis nihil flecti renunciat, imò animos atque arma expedire ad certamen. Tum furiosa illa cohors omnem in cætorum corpora iram effundere eaque procul nostris, qui in navibus erant, ostendere: ut eorum pectora sauciarent, quorum corpora laniare, ut vellent, non poterant. Nam mortuorum exsculpenes oculos, & pugionum mucronibus præfixos gestantes, armato cum risu atque ululatu in Gallos, quò illis oculi dolerent, versus aquam torquebant.

## CAPUT VI.

*Galli aliquot ex Hispanorum manibus elapsi, agrè ad mare perveniunt. In aliquos è sociis incidunt.*

Galli Hispanorum  
manus elu-  
ciant, cum  
locorum  
difficulta-  
tibus cer-  
tant.

**A**M, ut ad nos, qui in silva manseramus, redeam, quum porrò ire & ignotum transgredi iter pergeremus, ad mare, quantum ancipiti æstimatione augurabamur, tendentes: tandem, Deo gressus nostros dirigente, in montis cujusdam jugum enisi, mare inde prospicere cœpimus. Sed multum adhuc via, & difficilimæ quidem supererat. Mons, qua descendendum erat, arduus, adeoque præruptus & præceps, ut stabilis gradus ullo loco insistendi minimè spes esset: ita rectis saxis, ut agrè nemo, nec nisi tentabundus manibusque retinens virgulta ac stirpes circa eminentes, demittere sese posset. Ergo modò saluti consuleremus, manibus nos parcimus, quamquam jam laceras stirpium surculis ac spinis cruraque & totum corpus sædè cruentatum haberemus.

Nobis tandem agrè è monte demissis, interjectum nemus, impositum colli maris, conspectum abstulit, quo per ingentem planitiem præalto limo atque uligine informem, palustrique ulva, calamis & inusitato quodam caricum genere confitam, perveniendum erat, quippe earum herbarum caulis duritie ligni, folia etiam præacuta crura nobis & pedes ita incidebant, ut sanguinem elicerent. Nos interea in aqua pubetenus, continuis etiam



etiam imbris adeò perfundebamur, ut hinc paludibus, illinc nimbis obruti, perpetuo quodam diluvio demersi videremur: & quò longius procederemus, eò altiores aquarum voragine occurrebant.

ITA QUÆ quum extremum tempus vitæ nobis tum adesse crederemus, ultimo complexu inter nos dato, collacrymantes suum quisq; & sociorum casum, multis cum suspiriis & lacrymis clamare ad Dominum cœpimus, & cum serio peccatorum sensu iusta ejus in nos judicia pœnasq; agnoscetes, mœstas ejuscemodi voces supremo inter gemitus fundere: Hæu Domine, ecquid in vilibus hisce vermiculis contendis, dexteram tuam fatigas? animæ nostræ ingenti dolorum æstu torridæ, toties experta clementia tua fretæ, in sinum tuum semet rejiciunt. O Pater misericors, libera nos ab his angustiis mortis: aut si ad suprema ventum est, & in hac solitudine nos interire jubes, ne patiaris usque adeò sensus nostros mortis horrore constringi, ut gratiæ tuæ oblii, cujus tot documenta propter Christum Filium tuum nobis dedisti, locum demus Satanæ, diffidentiae ac desperationis spiritui. Nam seu moriamur, nos tibi velle mori, coram Majestate tua hîc testamur: seu vivamus, non ob aliud victuros, nisi ut miracula tua in medio Ecclesiæ & cœtu servorum tuorum enarremus.

*Gallus ad  
Deum in  
periculo re-  
bus confu-  
git.*

HIS precibus conceptis, agrè ad nemus contendimus. Sed prius trajiciendus erat ingens amnis, ea prata interfluens: cujus alveus latitudine quidem modica, sed immensa altitudine, ti ansiri posse vado spem ademerat: præsertim quum proclivi ad mare campo, prærapida celeritate aquas evolveret. Hinc nobis rursus nova laborum facies: nemo nostrum committere se præcipiti alveo & natatu periclitari audebat. In tanta rerum difficultate hæsitantibus, venit mihi in mentem relicta nobis ab tergo silva: itaq; socios ad tollerantiam & bonam spem cohortatus eò revertor & longum ramum fabrilis illo scalpulo cum quo deprehensus fueram, amputo. Mox ad nostros regressus, qui me anxii expectabant, Agedum (inquam) fratres: experiamur, an hujus longurii ope Deus ad perficiendum iter nos adjuvet. Simul longurium à terra in amnem porrigimus: quumq; non plures uno trajici possent, cui primo obtigit, is ligno insidens aquam ingreditur: nostamdium perticæ alterum caput retinuimus, quoad ferè ad medium alveum enasset: tum ne secunda æqua deferretur, vii in alteram ripam impellimus. Ibi exstantium cannarum aliarumq; herbarum adminiculo in terram evadit. Ita primis ad eum modum expositis, alii deinde repetiti & singuli trajecti sunt: neque id tamen sine ingenti periculo. Quippe & multum falsæ aquæ bibimus, & labore ita debilitati sumus, ut propè semianimes in ulteriorem ripam evaderemus.

*Deus per  
invia sua  
viam facit.*

TANDEM collectis animis progredimur, & ad vicinam illam mari silvam à nobis notatam, quoad ejus fieri poterat, vestigia dirigimus. Quumq; aliud par priori flumen obiectum esset, ejusdem perticæ ope, haud minore quàm illud alterum negotio ac periculo, tandem tamen Deo bene juvante superavimus. Sub vespèram silvam inimus: ibi quum nox oppressisset, ingenti cum pavore, applicati arborum truncis & stantes, pernoctavimus. Neq; nobis, quamquam summa continuati laboris fatigatione affectus, somni ulla cupido. nam quæ animis inter tam ancipites metus, & omnia circà horroris plena, quies esse poterat? Itaq; ea nox perpetuis vigiliis nobis extrahitur: ac primo etiam fermè diluculo feram quamdam, quinquaginta circiter passuum à nobis intervallo prætereuntem, cervi magnitudine, conspicimus: cui enormè caput, scintillantes & stantes oculi, aures promissæ erant, posterioribus partibus, velut tubere quodam, eminentibus. Eam velut prodigium quoddam exhorruimus, maxime ob radiantes & enormiter grandes oculos: quanquam ad nocendum propius non accesserit.

*Feræ ne  
noceant  
piscibus  
Dolumus.*

ORTA



ORTA luce egressi è silva, mare rursus prospicimus, quò secundum Dei opem, velut ad unicum vitæ subsidium, contendebamus. Sed novæ de integro interveniunt molestiæ. Quippe rursus in limum & paludes demersi, cannis & ulva constrictis, neq; prioribus illis absimiles, quum non aliud commodius ostenderetur iter, fessa illac membra trahimus.

INTER hæc haud procul via, quâ transituri eramus, repente hominum agmen apparuit, quos cum primo hostes esse suspicaremur, qui ad intercludendam nobis fugam ex transverso incurrerent: postquam ex propinquo trepidos ac nudos, pari ac nos habitu conspiciari sumus, facile è nostrorum reliquiis aliquos esse cognovimus. Ii verò erant Laudunensis tribun. mil. ministra ejus domestica, Jacobus Morguesius Diepenſis, Franciscus Vallius Rothomagensis, Hospitis coronæ ferreæ Rothomagi filius, Nicalius Crottenſis, Nicolaus Minutarius, Ludunensis tribun. tubicen, & alii præterea aliquot, viginti sex omnino homines.

Vix præ fletu usurpata consalutatione, & deliberantibus quid factò opus esset, duo è nostris in præliam arborem conſiſi, unum è minoribus navigiis nostri aspiciunt, cui Mallardus præfectus præerat: hîq; mox signo è sublimi edito, nos ipsius auxilio egere admonent. Is minorem scapham ad nos mittit: sed priusquam ad littus perveniremus, carecta rursus & duo fluvii is pares, quos ea ipsa die & superiore trajeceramus, nobis superandi erant. Ad eam rem plurimum longius ille, quem nuper exscideram, & duæ præterea perticæ à Laudunensi comitibus proviſæ, usui fuere.

*Nautarum  
in miferos  
Gallos hu-  
manitas.*

*Gratiarum  
actio.*

SED quum jam propè ad scapham evasisssemus, inedia & labore resoluti, postquam linquente animo vires ad conſtitendum ultra non sufficerent, propè exanimis collapsi sumus. Ac nisi nauta, qui nobis tum non vulgarem humanitatem præstiterunt, auxilium ferre properassent, eo loco exanimati essemus. Illi nos exceptos ordine in scapham portarunt, atq; inde ad navim, ubi humanissimè accepti sumus. Mox quum panem & aquam nobis apposuisſent, sumto cibo vires animosq; paulatim reparare cœpimus: perſpicuo erga nos divinæ bonitatis, & acceptæ ab eo salutis, argumento, qui nos tot præſentibus periculis & moribus præter spem liberassent, ut ei immortales gratias ageremus. Ergo miraculis Dei enarrandis & mutuis invicem consolationibus perpetuam eam noctem traducimus.

## CAPUT VII.

*Ex Gallicæ lisse duæ naves Galliam repetunt. Hispanicam navim in fugam convertunt. Ad Rupelle portum appellant.*



PRIMUM lux reddita est, Jacobus Ribaldus, Perlæ navis præfectus, proximè nos adnavians, quid factu optimum esset, quæ veratio iniri posset a reliquiis nostrorum hominum navesq; servandas, nobiscum deliberat. Ibi tum quantis commearum angustis laboraremus, quàm debilitatæ vires essent, arma & tela nostra ab hostibus capta: insuper de Prætoris nostri statu incertitudo, in medium adferuntur, quem utrum nave alicubi vadis illisa perisset, an tempestate procul abreptus erraret, incertum esse. Itaq; nihil potius esse decernimus, quàm primo quinq; tempore in Galliam vela facere. Atq; hæc quidem fuit primorum sententia, ut qui è laniena evaserant, bipertito divisi, pars in nave, cui Perlæ nomen erat, manerent: alii sub imperium Mallardi præfecti concederent.

ITAQUE



ITAQUE re non jam ultra cunctationem recipiente, xxv. die Septembris, vento Septentrione vehementi ab eo ora profecti, celeriter conspectu terræ ablati sumus: moxq; in alto alii ab aliis disiecti, ut numquam inde postea nostræ naves in eo cursu mutuum in conspectum venerint. Quingentas inde leucas satis prospero cursu emensi, tandem manē quodam sub ortum Solis Hispanam navim, quæ repente ex alto in nos invec-ta erat, ita strenuē repulimus, ac tormentorum fulminibus obruimus, ut manantem sanguine alveum per columbaria perq; latera navis cerneremus. Jamq; nobis ab hoste devictoria propalam concessum erat: vehementius tamen concitato mari propius congreg-di, & navim Hispanam ferrea manu injecta, abstrahere non potuimus. hoc unum ad plenam victoriam nobis defuit. Quum enim ex eo concursu navium magnum sequi incommodum necesse esset, ac periculum, ne allisā navigia mutuo attritu demergerentur: sicut ipsi libenter eo discrimine defuncti prælio abstiterunt: ita nos ab iis abstinuimus, & quod nemo nostrum ex eo certamine vulnere ictus, aut cæsus occubisset, præter focarium nostrum, Deo læti gratias egimus.

*Gallorum pars in Gal-  
liam & Flo-  
rida repor-  
tatur.*

*Hispanica  
navis à  
Gallia  
vincitur.*

RELIQUUM deinceps iter pacatum & sine ullo hostium incurfu transegimus: iniquioribus tantum ventis subinde confictati, qui navim nostram sæpè in littora Hispaniæ ejectiones minati sunt. quod unum, velut calamitatum nostrarum cumulum, exhorrebamus. In undis præterea quicquid malorum tolerari potest, inopiam, frigus, famem, sustinimus. Quippe nobis, qui crepti carnificinæ à Florida redibamus, pro omni tegmine noctu atq; interdiu nihil præter simplex indusium aut lacera quædam pannicularia (nisi adversus frigora & cæteras aëris injurias præsidium) velando corpori supere-rat. Panis quàm parcissimè dabatur nobis, isq; situ corruptus ac mucidus. Aquæ etiam, quamquam fœtidæ, non ad satietatem, sed in diem cyathum duntaxat unum, & quidem exiguum bibebamus. Ex hac tam insalubri victus ratione, multi è nostris, ubi terram attigissent, periculosis morbis impliciti, pleriq; etiam extincti sunt.

*Gallorum  
ex Florida  
redcuntium  
angustia.*

TANDEM mœstam hanc nostram & laboriosam navigationem, lætus, ut in malis, excepit exitus. Quum enim ad Rupellæ littus appulissemus, ab ejus oræ accolis & ipsius adeo urbis civibus perbenignè & humanissimè excepti fuimus: multa in nos ab illis publice ac privatim hospitaliter facta, munificèq; adeo collatæ opes, ut quæ in suam cuiq; redeunti patriam necessaria erant, nemini nostrum deessent.

*Rupellano-  
rum in mi-  
seros beni-  
gnitas.*

## CAPUT VIII.

*Johannes Ribaldus Prætor Hispanicam classē querens, naufragium facit. Galli fame & miseriis consistuntur. Tandem ab Hispanis in deditiōem accepti fœdè trucidantur.*

**N**UNC eorum, quæ de Johanne Ribaldo superius retulimus, redire in memoriam oportet. Is, uti ante dictum est, cum lecto militum nostrorum robore, obviam Hispanis ad certamen egressus: eos quidem, quum quinque dies per altum quæsisset, non reperit. Sed Prætoriam suam navim (Trinitatem vocabant) quæ à cætera classe aberraverat, fortè nactus: omnium ignarus, quæ in Castello nobis acciderant, totius oræ appulsu prohibere Hispanos constituit. Prætoriam conscendit, ut facilius inde, ex navalis disciplinæ moræ, omnes Prætoris edicta & jussa acciperent.

INTEREA adversam per se tempestatem, quum sævire ventus ccepisset, continui etiam imbres fœdabant. Quinto die vento vis addita: geminatur tempestas: neq; ulla

K ope



*Gallica  
classis nau-  
fragium.*

ope impediri potuit, quo minus terræ illatæ naves carinas vadis figerent. Quinquaginta fermè leucis suprà Majum flumen ad oram evecti, fractis navibus, & commeatu amisso, incolumes tamen ipsi evaserunt. Unus tantum Grangius trib. mil. fracto navis malo insidens, fluctibus haultus est: cujus magnum meritò desiderium fuit. Erat enim in eo homine non summa tantum ingenii consiliūq; præstantia, sed mirifica etiam in familiari congressu comitas ac dexteritas, qua cæteros ad virtutum suarum imitationem alliceret.

*Gallorum  
navis frago-  
rum angus-  
tia.*

CÆTERUM nostros ægrè emerfos undis, omni tempestate truculentior excipit fames: neq; ad eam sedandam, quidquam opis omnibus amissis supererat: nisi quæ terra ultro præberet, herbarum videlicet, radicūque omne genus, mandere conarentur. Quumq; alia alimenta deficerent, ea necesse erat ubiq; rimari, quæ latranti stomacho objicerent. Neq; enim tantum fames, sed sitis quoq; miseros fatigabat, cui pellendæ nihil præter veteres cisternas & putres lacunas aderat, ex quibus fœdam adeo & turbidam cœno aquam hauriebant, ut vel solus spumæ ejus conspectus etiam valentissimis nau-  
seam & ægritudinem ciceret. Attamen indomita famis sitisque rabies omnia, quamvis spurca & insalubria, ingerere in ventrem subigebat: totos octo dies tam misero victu extrahunt.

NONO demum die exiguum fortè scapham reperiunt: lætum id inter mala: ejus ope sperant se sociis, qui in castello erant, naufragium suum significaturos. Quippe ab eo terrestri itinere, duodecim leucarum intervallo aberant, maritimo quinquaginta. Ad hæc interjectum flumen Delphinorum, quatuor in latitudinem stadia diffusum, profundo alveo & nusquam vada aperiente, non nisi navigio transmitti poterat. Itaq; excepta latè ea scapha, linteas suas tunicas seu indusia concepta, stupæ vice, rimis explendis infulciunt, & commissuras ejus ferruminant.

*Ribaldus ad  
socios ora-  
tio.*

TUM Johannes Ribaldus Prætor pro solita comitate & modestia, multos eorum, quorum consilio utebatur, convocatos, in eam fermè sententiam alloquitur: HUMANA patientiam, ô socii, miseriæ nostræ vicerunt. neque in tantis ærumnis vita tolerari diutius potest. Et multò quidem oprabilius esset mortē semel defungi, quàm tam perditō rerum statu centies mori veriùs, quàm vivere, nisi fides vetaret providentiæ Dei diffidere, cujus vel in extremis rebus auxilium sperandum atq; expectandum est. Interea tamen, quod nostrarum partium est, versanda nobis sunt sedulo omnia, si quem fortè industria animi & labore inveniamus malorum exitum. Itaq; à nobis aliquos scapha ad ca-  
stellum mittendos censeo, qui nostris deploratum rerum nostrarum statum renunciant, & auxilium petant. Ac protinus magnam vim lacrymarum profundens, positus humi genibus, preces ad Deum orditur. Quibus peractis, quem potissimum huic ob-  
eundæ legationi deligerent, circumspectant. Thomas Vassor Diepenensis ad eam rem maximè idoneus visus: ei negotium dat Ribaldus, ut quam celerrimè possit, sociis, quam misero statu sint, significet. Ei se comites adjungere Vincentius Simon, Michaël Gouor, & alii usq; ad decem & sex.

NOTRI, qui (ut paulò antè dictum est) trans flumen erant, eadem die in ulteriore parte castellum versus cohortem armatorum, expasso vexillo incedere prospiciunt. Postquam conjecturis quantæcumq; ex tanto intervallo capi potuerunt, Hispanos esse innotuit: nostri, qui in tantis rerum angustiis hoc sibi supremum per fugium superesse crederent, nonnullos è suis ad hostem mittunt, qui cum eo de ditione & vita paciscantur. Legati Galli primò satis humaniter ab Hispano excepti sunt.

*Hispani  
duces ex-  
diti per-  
fugium.*

Hispanæ illius cohortis præfectus (Vallemandum vulgò appellabant) viri nobilis, equitis



equitis & Christiani fide suam in Gallos benevolentiam affirmans: & eum Hispano victori solemnem semper morem fuisse testatus, ut supplici hosti, Gallo præsertim, clementer consulere: neq; se ab eo instituto discedere velle, aut quidquam gravius in eos statuere, quod postea in mutua utriusq; gentis inter se odia & publicas clades erumperet: omnes liberaliter palam per interpretem affatus, fidenter venire ad se hortatur. Simulq; instrui scapham & quinq; Hispanos trajicere in ulteriorem ripam ad nostros jubet. Hispani transmissio fluvio, Gallos Vallemandi præfecti nomine liberaliter appellant. Johannes Ribaldus prætor primus naviculam cum triginta suis conscendit: ipse à Vallemando satis comiter excipitur: cæteros ab eo aliquantulum seductos, Hispani manibus ponè tergum revinctis, binos simul colligant.

INTEREA Galli uno quoq; tractu triginta trans flumen exponebantur: tantisper Vallemandus Ribaldum, hominem minimè malum, qui de ipsius fide non dubitaret, fallacibus verbis produci & lactari curat. Nostri interim, quum omnes flumen transmississent, bini ad eum modum colligantur, simulq; permissi Hispanis Galli ad Castellum procedunt. Ribaldus prætor & alii, in primis Ottignii dominus, ubi suos ita nexos & jugatos vident, nescio quid sinistri ex eo augurari & toto ore expallescere. Interea tamen rursus Vallemandi fidem appellant: Ille sedulo confirmat eos, neq; alio indita Gallis vincula testatur, quàm ut tuto in castellum deduci possint. ibi se illis cum fide præstiturum quæ pepigerit.

QUUM jam non procul à Castello abessent, ille tum sciscitatus, quàm inter Gallos nautæ, remiges, fabri nautici, tormentarii, aliiq; maritimis muneribus utiles essent: triginta ejus generis inventos à cæteris fecernit. Nec longo temporis spacio armatorum cohors Castello egressa, plenograde in nostros contendit, qui seorsum à Vallemandi agmine ducebantur. Gregem ovium ad lanienam agi diceret. Tum cornua occinere incipiunt, & Hispanorum militum furor erumpere: cæduntur vincti & inermes Galli ad fistularum, tympanorum & buccinarum cantus, ita ut queritantium clamor exaudiri non posset. Ibi gladiis & hastis strenuè sævire Hispani, & quàm fœdissimum quisq; vulnus fecerat, tam maximè gloriari. Ergo vix semihoræ spacio facilem & egregiam scilicet victoriam de inermibus ac deditis tulere, quos ipsi in fidem acceperant.

DUM hæc perpetrantur, Johannes Ribaldus Vallemandi fidem implorans, vitæ suæ parci orat: ipse etiam Ottignius ad pedes ejus provolutus, promissorum ut meminisse velit, suppliciter obsecrat. Sed omnia hæc frustra fuere. Nam ille neglectim obverso tergo, præterit: simulq; unus carnificum ejus, pugionem in Ribaldi aversum corpus defigit: moxq; eo vulnere prolapsus, uno alteroq; subinde ictu jacentem conficit.

Hic fuit miserabilis nostrorum exitus, quum se in fidem & clementiam Hispanorum tradidissent, quæ Punica religione servata ab illis fides est. Neque satis habuere sævitiam innoxio sanguine explere, sed ut omnem barbariem superarent, Legati regi barbam abrasere luculenti facinoris specimen: eamq; inclusam literis Hispalim misere, quemadmodum à nauticorum nostrorum nonnullis, quorum opera Hispani ad eum nuntium in Hispaniam perferendum usi sunt, nuper bona fide nobis relatum est: in iis nominatim Christophoro Britone, Portugratiensi, qui clam Hispali Burdegalam transgressus, Burdegala Diepam navi relictus est.

POST hæc Hispani memorabili victoriæ tropæum imponunt: Legati Regii corpus membratim dissecant, & ejus capite in quatuor partes difflso, miserabiles illas quas dras totidem arrectis contis præfigunt, eosq; quatuor Castelli angulis statuunt.\*

*Hispanus  
Gallum sul-  
lacibus ver-  
bis laetatur.*

*Gallorum  
inermium  
lanienam.*

*Ribaldi  
prætoris  
Galli mori.*

*\*Hactenus  
Gallica illa  
historia: nos  
qua sequi-  
tur addidi-  
mus.*



*Hispani  
Gallorum  
caesorum  
corpora cre-  
marunt.*

POSTREMÒ (quòd ex nobili quodam Britone, qui Floridam vidit, ipse accepi) Hispani, ut insigni aliqua catastrophe eam tragœdiam clauderent, lacera illa corpora (exunctos artus, putres puerorum, fœminarum & virorum formas, exstructa extra Castellum pyra, igni cremarunt, ut facillè appareret, id non magis hostili rabie, quàm veræ Religionis odio, ab ipsis esse factum. Sed utcumq; caesorum reliquias flammis abolerent, tam fœda rei tamen memoriam neq; à conspectu ipsius Dei, neq; ex hominum animis dele-re adhuc potuere, neq; umquam poterunt.

CÆTERUM in tradenda Gallorum eade, quæ plurimis & oculatis testibus memorata sunt, retuli: sed non omiserim eorundem temporum rumorem validum adedò, ut non exoleseat. Expeditione suscepta, Hispanum ab Aulicis quibusdam per occultos nuncios de re tota certiore esse factum: & qui eò navigarent, maximam partem Hugonotos esse, Regni perturbatores & Regis ipsius hostes, obviam prædam & quæ impunè invadi posset. Hæc vulgò tum jactata nec affirmare, nec refellere in animo est. Sed postquam ea gesta sunt, quod tam atrocis injuriæ exēplo non Galli tantum, sed Regis quoque ipsius Majestas, cujus auspiciis ea expeditio suscepta fuerat, violata esse videretur: et licet in fœminas puerosq; immanitas omnium questus anteiret, caesorum liberi, viduæ, cognati & amici, uluonem orantes, Carolo IX. Regi Galliarum supplicem libellum obtulere. Ac Carolum quidem de eo questum apud Regem Hispaniarum, atq; illum facinus pro-rato non habuisse satis constat: quum interea non minus impunitas maneret sicariis, quàm interfectis: donec senescente facti invidia, mentionem omnem ac memoriam ejus rei majores casus opprèssere. Porro libelli exemplum infra scriptum est.

*SUPPLICIS LIBELLI EXEMPLVM, CAROLO  
IX. Regi Galliarum oblato à viduis, liberis, pupillis & orphanis, propinquis & amicis, subditorum  
ejus, qui ab Hispanis in Francia Antartica, quàm vulgò Floridam vocant, fœdè trucidati  
sunt, Anno M D L X V.*



*Idem est,  
qui Valle-  
mando sibi  
nomen fece-  
rat.*

MISERABILES planè personæ atq; opis egentes (Christianissime Rex) viduæ & orbatæ parentibus pueri puellæq; propè innumera, pedibus tuæ Majestatis, plenæ lacrymarum & supplices, advolvuntur: & ærumnas suas apud te deplorantes, lugubre spectaculum patrum, virorum, filiorum, fratrum, nepotum & propinquorum suorum (qui circiter novigenti, multi fœminis virisq; pueri, in Florida à Petro-Claudio & Hispanis militibus fœdè trucidati sunt) propè præfens oculis tuis exhibent. Id verò facinus, quum per se vel auditu fœdum atque horrendum sit: tum hodie maximè subditorum tuorum sanguis perfidiosissimè fusus, Dei fidem & justitiam adversus sceleratos latrones implorat.

ITAQUE jam tuarum partium est, ô Rex, cogitare, ea lege imperio tuo subjectos populos, tum ut eos justitia regas, tum ut sub præsidio ac tutela Majestatis tuæ incolumes conserves. In primis verò miseris atq; afflictis, qui secundum Dei opem ad tuam fidem confugiunt, præsertim recenti adhuc vulnere dolore succurrere: eorumque, haud secus atq; herus fidelium servorum, aut etiam pater filiorum, ærumnis ingemiscens, orbitatem & lacrimas consolari. Nam querelæ quidem, quas ad te deferunt, non minus miseratione dignæ videntur, quàm Petri-Claudii Hispani immanitas consuetis belli commercii omnibusq; divinis ac humanis legibus adversa est.

Id,



Id, quò faciliùs intelligas, nos rem paulò altiùs repetentes patienter, ut facis, audito. Meminit Majestas tua subditos illos tuos Regiis literis fretos, quas Johannes Ribaldus abs te accepit, tuo mandatu, tuis auspiciis, in Floridam navigasse. Quò quum pervenis-  
sent, quinq; Hispanæ naves (quarum maxima octingentarum amphorarum, proxima, ducentarum, cæteræ mediocris formæ, erant, repente plulquam hostili impetu tuos il-  
los homines adortæ sunt. Mox classarii earum milites in terram lapsi, Castellum tuo no-  
mine atq; auspiciis à Gallis exstructum irrumpentes, viros, fœminas, pueros, & quid-  
quid obvium fuit obruncant: neq; his aut illis ætas aut imbecillitas miserationem attu-  
lit. Quinetiam transfossa puerorum infantiumq; corpora (horrendum visus) præfixa ha-  
stis ad ludibrium ostentabant.

INDE octingentos fermè Gallos, cohortem Ribaldi prætoriam (quamquam fide da-  
ta, si arma tradidissent, abire omnes incolumes passuros) manibus post tergum revinctis,  
servilibus probris fœdatos: sceleratos, leprosos, pædicones & latrones Francos vocan-  
tes, in ore ipsius Ribaldi jugulant. Quumq; is tam fœdi spectaculi horrore perterritus,  
ad Petrum-Claudium accedere conaretur, ut se in ejus fidem ac tutelam, velut asylum,  
conjiceret, ab eo superbè repulsus, moxq; ejus jussu à milite, pugionem in tergum im-  
presso, percussus est. Quo vulnere, quum corruisset, idem hic miles jacentis pectus uno  
& altero ictu hausit. Mortuo quoq; ludibria adjecta: cervices incidit miles: barbæ pilos  
abradit, & quadrifidum caput quatuor pilis eodem in castello, ubi cæterorum corpora  
exanimæ jacebant, præfigit. Postremò literas ad Regem Hispaniæ, præclaræ victoriæ  
nuncias, & in iis pilos aliquot Ribaldi barbæ inclusos, mittit: perspicuè tali ludibrio  
prodens, quàm parum Regiam tuam Majestatem vereretur, quam adeò superba contu-  
melia, per clientium tuorum injurias & dedecora, violare ausus est.

NEQUE verò credibile est, Principem ullum aut Regem Christianum, imò nec  
Barbarum, tam abhorrenti ab omni humanitate esse animo, ut execrabile illud facinus  
approbet, & eò quidem fœdiùs, quòd media pace in tuos admissum est, quum tibi neq;  
cum Hispano, neq; cum ulla externa gente, bella aut hostiles inimiciæ intercederent.  
Perperati tamen hujus atrocitatis Hispanos, nulla injuria abs te violatos, reos esse, no-  
strum sanguis & lacrymæ nostræ clamant, & quidem iis locis ac personis, quæ sub nul-  
lius jure ac ditione, præterquam tua, sunt. Nisi fortè Petro-Claudio impudentiam sævi-  
tiæ adjungere, ac dicere libeat, Ibi jus esse, ubi vis & arma plus polleant: licere peregrinis  
latronibus in præsidia & ditiones tuas, in tuorum fortunas & corpora, cum exercitu im-  
perioq; invadere: licere pro suo jure in eorum cervices sævire, quos Deus Majestati tuæ  
subditos attribuit, & quidem tam ætèto fidei & obsequii vinculo tibi obstrictos, ut mili-  
tes mortem oppeteremalint, quàm in novi Principis fidem ac ditionem concedere.

QUAMOBREM si Petri-Claudii facinus Hispaniæ Rex ratum non habeat, nihil su-  
pereest, nisi ut istius supplicio injuriam tibi factam expiet, vel tibi eum noxæ dedat: ti-  
biq; in posterum jus ac possessionem vacuum Floridæ tradat, quæ pridem tuis auspiciis  
ab tuis occupata, regni tui finibus ac ditionibus adjecta est. Neq; enim subditi illi tui,  
qui propagandis imperii tui finibus, eam provinciam pro virili parte manucepere, pro  
fugitivis eò redacti sunt, aut rei exulsæ in ultimas terras deportati: sed eos Majestatis  
tuæ legatos, ministros mandatorum tuorum, eò navigasse jussu & missu tuo, literis ipse-  
met Regiis Ribaldo datis confirmasti, qui tuam in eò vicem ac personam referret.

INDIGNAS verò illas & atroces in uno scelere per se injurias, etiam onerat istorum  
impunitas. Quippe si inultæ omittantur, liceatq; nefariis latronibus, violatoribus omnis



humani juris ac fidei publicæ, non luce hac tantum, sed spoliis etiam tuis nostrisq; impunè perfui: sicuti dolor ad nos, sic ad te dedecus, & manante latius exemplo, periculum ad omnes pertinebit. Sed ut ab aliis impunitate alatur istorum immanitas, te tamen subditorum tuorum injurias, per quorum latera foderis, lentè non accepturum confidimus. Neq; verò meritis ab istis pœnas expeti, tua tantum aut nostra, sed publici exempli & humanæ societatis, interest, quam Petrus. Claudius cum suis, quantum in se fuit, solvit.

PŒNI cæteri q; Afri fidem ac fœdera quoties commodum erat, frangebant. Itaq; Punica fides, ut illis quondam exitio fuit, etiam vulgò hodie infamis est. Romanis contra adeò sancta erat fides, ut eam fallere etiam hosti pejus omni peste fugerent. Utinam hæc laus merito à nobis Petro. Claudio ejusq; sociis tribui posset: quibus adeò vilis promissorum veritas & fides fœderum fuit, ut ad eam violandam sacrum Dei nomen vertere veriti non sint, ac si eum in scelum suorum societatem adsciscere vellent. Deum equidem non ignoramus, interdum improbis frena laxantem eorum quoq; opera uti, siue ad nos castigandos, siue ut ipsi justum scelum suorum acervum, justis pœnis materiam, cumulent. Idq; ne justitiæ ipsius & judiciorum obliti, paternam ejus indulgentiam male agendo fatigemus. Sed vicissim hoc verum est: ut idem ad opus hominum scelera & Dei judicia concurrunt: ita Deum graves tandem ab impiis pœnas pro meritis exigere.

QUOD Reliquum est (Christianissimè Rex) tot pupillorum orbitas, tot viduarum solitudo, ac justæ nostrum omnium lacrymæ & squalor te moveant, qui parentes, qui propinquos, clientes tuos, per immane Petri. Claudii scelus amisimus. Liceat privatarum injuriarum oblivisci: nihil ad te mala nostra pertineant. Quid augusto Regiæ majestatis nomine spreto, quid pollutis auspiciis tuis, quid non fœderum modò fide, sed etiam jure gentium in legatis tuis violato? Fortissimis viris, tribunis ac ducibus tuis, contra omnes & belli commercia interfectis, non jura experire, non arma capies? sed horrendos istos carnifices tuorum strage ovantes & super impunitatem præmia etiam ferentes scelerum, tacitus intuebere?

MELIORA equidem de te ominamur & speramus (ô Rex) Deumq; ipsum Opt. Max. obnixè quesumus, ut verè heroicos in te spiritus excitet. Isti cruentos à recenti tuorum cæde gladios manantia sanguine spolia, & reliquias infelicis exercitus tui in Hispaniam ad triumphum & ludibrium deferunt. Quum sibi tantum licere in tuis te sciente ac vidente pulchrum ducunt, possuntne apertius demonstrare quid facturi sint, si te ipso potiantur?

QUAMOBREM, ut tuæ Majestati & Gallico nomini injustum dedecus meritis paricidarum supplicis deleas, generosum & dignum te, dignum avis tuis, spiritum indue: Deo bene juvante, subditorum tuorum causam suscipe, susceptamq; qua potes ac debes fide tuere: ut coram toto Christiano orbe tuam in protegendis subditis fortitudinem, tum etiam tuorum innocentiam, testatam facias. Nullo quidem majore piaculo (ô Rex) tum innoxio nostrorum sanguini, tum justæ iræ tuæ parentare potes, quam latronum pœna: ut non tantum cæсорum viduæ conjuges, propinqui & liberi desiderium suorum

& graves suos dolores eo solatio leniant: sed etiam te omnes verè Regem tanto parem nomini, & Patrem populi tui, agnoscant.

F I N I S.



